


12


ادب خزینے

2019-20



پنجاب کریکولم اینڈ ٹیکسٹ بک بورڈ، لاہور






”تعلیم پاکستان کے لیے زندگی اور موت کا مسئلہ ہے۔ دُنیا اتنی تیزی سے ترقی کر رہی ہے کہ تعلیمی میدان میں مطلوبہ پیش رفت کے بغیر ہم نہ صرف اقوامِ عالم سے پیچھے رہ جائیں گے بلکہ ہو سکتا ہے کہ ہمارا نام و نشان ہی صفحہ ہستی سے مٹ جائے۔“

قائد اعظم محمد علی جناحؒ، بانی پاکستان
(26 ستمبر 1947ء - کراچی)

قومی ترانہ

پاک سرزمین شاد باد کشورِ حسین شاد باد
ثو نشانِ عزمِ عالی شان ارضِ پاکستان
مرکزِ یقین شاد باد
پاک سرزمین کا نظام قوتِ اخوتِ عوام
قوم، ملک، سلطنت پایندہ تابندہ باد
شاد باد منزلِ مراد
پرچمِ ستارہ و ہلال رہبرِ ترقی و کمال
ترجمانِ ماضی، شانِ حال جانِ استقبال
سایہٴ خدائے ذوالجلال



جعلی کتب کی روک تھام کے لیے پنجاب کریکولم اینڈ ٹیکسٹ بک بورڈ، لاہور کی درسی کتب کے سرورق پر مستطیل شکل میں ایک ”حفاظتی نشان“ چسپاں کیا گیا ہے۔ ترچھا کر کے دیکھنے پر اس نشان میں موجود مونو گرام کا نارنجی رنگ، سبز رنگ میں تبدیل ہو جاتا ہے۔ مزید برآں مونو گرام کے دائیں طرف موجود سفید جگہ کو سٹک سے گھر چنے پر ”PCTB“ لکھا ظاہر ہوتا ہے۔ مزید تصدیق کے لیے ”حفاظتی نشان“ پر دیے گئے کوڈ کو ”8070“ پر ”PCTB(Space)Code No.“ لکھ کر SMS کریں اور انعامی سکیم میں شامل ہوں۔ اگر SMS کے جواب میں ”حفاظتی نشان“ پر درج سیریل نمبر موصول ہو تو کتاب اصلی ہے۔ درسی کتب خریدتے وقت یہ ”حفاظتی نشان“ ضرور دیکھیں۔ اگر کسی کتاب کے سرورق پر یہ نشان موجود نہ ہو یا اس میں رد و بدل کیا گیا ہو تو ایسی کتاب ہرگز نہ خریدیں۔

ادب خزینے

حصہ دوم

(پنجابی اختیاری)

بارہویں جماعت لئی



پنجاب کریکولم اینڈ ٹیکسٹ بک بورڈ، لاہور

جملہ حقوق بحق پنجاب کریکولم اینڈ ٹیکسٹ بک بورڈ لاہور محفوظ ہیں۔

تیار کردہ: پنجاب کریکولم اینڈ ٹیکسٹ بک بورڈ لاہور۔ منظور کردہ: وفاقی وزارت تعلیم (شعبہ نصاب) حکومت پاکستان، اسلام آباد، بموجب مراسلہ نمبری UR.9-6/93، مورخہ 8 اگست 1994ء۔
اس کتاب کا کوئی حصہ نقل یا ترجمہ نہیں کیا جاسکتا اور نہ ہی اسے ٹیٹ پیپر، گائیڈ بکس، خلاصہ جات، نوٹس یا امدادی کتب کی تیاری میں استعمال کیا جاسکتا ہے۔

حصہ نثر

نمبر شمار	ناں مضمون	صفحہ نمبر	نمبر شمار	ناں مضمون	صفحہ نمبر
1-	تصوف تے پنجابی زبان	2	6-	ڈاکٹر سرفراز حسین قاضی (مرحوم)	32
2-	زراعت کہانی	6	7-	ڈاکٹر محمد بشیر گورایا	35
3-	پتنگے	10	8-	سجاد حیدر (مرحوم)	39
4-	پچھلی پڑھائی	21	9-	فرخندہ لودھی (مرحوم)	43
5-	پنجابی نثر دیاں ونڈاں	26		ڈاکٹر انعام الحق جاوید	(مرحوم)

حصہ نظم

نمبر شمار	ناں مضمون	صفحہ نمبر	نمبر شمار	ناں مضمون	صفحہ نمبر
1-	حمد باری تعالیٰ	47	14-	غزل	63
2-	نعت	49	15-	غزل	64
3-	بول فرید رحمۃ اللہ	50	16-	غزل	65
4-	کافیاں	51	17-	غزل	67
5-	ابیات	52	18-	ڈوٹھکے پانی	68
6-	کافی	53	19-	غزل	69
7-	مقولہ شاعر	54	20-	غزل	70
8-	کلام	55	21-	ماتاں	71
9-	کافی	56	22-	تاریاں دا گیت	72
10-	چوہر گے	57		(جاوید نامہ چوں اقتباس دا پنجابی ترجمہ)	
11-	غزل	58	23-	غالب دی غزل دا پنجابی ترجمہ	73
12-	کھارکھ	59	24-	فرہنگ	74
13-	سکے پاتر	61			

مؤلفین: ڈاکٹر سید اختر جعفری، ڈاکٹر محمد اسلم رانا (مرحوم)، ڈاکٹر عصمت اللہ زاہد، ڈاکٹر میسرودات: مسز شمار قمر
ایڈیٹرز: ڈاکٹر سرفراز حسین قاضی (مرحوم)، نانکھ صدف، نگران طباعت: محمد اشرف رانا، ڈپٹی ڈائریکٹر گرافکس آرٹس: مسز عائشہ وحید

ناشر: رفقار پبلشرز، لاہور

تاریخ اشاعت: جولائی 2019ء
ایڈیشن: اول
طباعت: تیرہ
تعداد اشاعت: 5000
قیمت: 42.00

مطبع: اسلم پریس، لاہور

بِسْمِ اللّٰهِ الرَّحْمٰنِ الرَّحِیْمِ ۝

حصہ نثر

حصہ نثر دے ماخذ

- 1- تصوف تے پنجابی زبان (غیر مطبوعہ) ڈاکٹر سرفراز حسین قاضی (مرحوم)
- 2- زراعت کہانی (غیر مطبوعہ) ڈاکٹر محمد بشیر گورایا
- 3- پتنگے (ڈرامہ کالا پتن) سجاد حیدر (مرحوم)
- 4- پچھلی پڑھائی (چنے دے اوہلے) فرخندہ لودھی (مرحوم)
- 5- پنجابی نثر دیاں ونڈاں (غیر مطبوعہ) ڈاکٹر انعام الحق جاوید
- 6- حبہ خاتون (کشمیری ادب کی مختصر تاریخ، دختران ہند) ڈاکٹر یوسف بخاری
- 7- ریڈار کہانی الیاس گھمن
- 8- گھسٹ میلا چائن حسین شاد
- 9- پنجاب دیاں لوک رسماں (لہراں) ڈاکٹر سید اختر حسین اختر (مرحوم)

ڈاکٹر سرفراز حسین قاضی

ڈاکٹر سرفراز حسین قاضی آج دے عہد وچ وی اک جانی پچھانیانا اے۔ پنجابی وچ کئی تحقیقی تے تنقیدی کتاباں لکھیاں۔ آپ 1938ء نوں سوہدرہ ضلع گوجرانوالہ وچ پیدا ہوئے۔ ایم اے اردو تے ایم اے پنجابی دے امتحان پاس کرن مگروں درس تے تدریس نوں اپنالیا۔ پنجابی مرثیے بارے تحقیقی مقالہ لکھ کے پنجاب یونیورسٹی توں پی ایچ ڈی دی ڈگری لئی۔ حقائق تیکر اپڑنا تے فیر اوہناں نوں اسان تے عام فہم زبان وچ سدھ پدھرے تے من کھویں طریقے نال بیان کرنا ایہناں دے اسلوب دی خاص پچھان اے۔ تحریر مختصر پر جامع ہوندی اے۔ ایہناں دی تنقید وچ کوئی جھول نہیں ہوندا تے تحقیق دلیلاں اُتے مبنی ہوندی اے۔ ایسے کر کے پنجابی زبان تے ادب دے محققاں تے نقاداں وچ ایہناں دانائے معتبر متھیا جاند اے۔ کچھ عرصے تیک پنجاب یونیورسٹی دے شعبہ پنجابی وچ تے گورنمنٹ کالج لاہور وچ وی پڑھاندے رہے۔ آپ نے پنجابی زبان لئی اپنے آپ نوں وقف کیتا ہو یا سی۔ 4 مئی 1995ء نوں کالج توں گھر جاندے ہوئے رستے وچ ای دل داسخت دورہ پے جاون نال وفات پا گئے۔ آپ دیاں پنجابی زبان تے ادب بارے چھین والیاں تحقیقی تے تنقیدی کتاباں وچوں ’نویں نظم‘، ’وارث نزار وارث‘، ’تصوف تے پنجابی دے صوفی شاعر‘ پنجابی لوک گیتاں دافنی تجزیہ تے تنقیدی اصول تے نظریے زیادہ مشہور نیں۔

تصوف تے پنجابی زبان

ایہہ گل مٹی ہوئی اے کہ جدوں وی کسے معاشرے وچ اخلاقی قدراں دا زوال ہوندا اے تے بزرگاں دادھیان دین دیاں قدراں قائم کروان ول ہو جاند اے۔ ایہہ لوگ دین نوں عملی صورت وچ لوکاں اگے رکھدے نیں۔ سوکھیاں تے سدھیال لفظاں وچ ایسے عملی صورت نوں تصوف کہیا جاند اے تصوف بارے کچھ لوک ایہہ وی آکھدے نیں کہ ایہہ حیاتی دے دکھاں کولوں نسن دی اک راہ اے، ایہہ درست نہیں اے۔ تصوف وچ اک صوفی دین دی روح نوں عملی طور تے اپناندا اے تاں جے لوکی اوس دے عملاں نوں ویکھ کے دین دیاں سدھیال راہواں اُتے ٹر پین۔ حضور نبی کریم صلی اللہ علیہ وآلہ وسلم دے مبارک دور وچ اصحاب صفہ موجود سن۔ جیہڑے کہ عملی تعلیم دین لئی اک نمونہ بن گئے سن۔ صوفیاں نے وی تصوف دے معنے کھول کے دس دی کوشش کیتی اے۔ تے اپنے اپنے خیال مطابق ایہدی تعریف کیتی اے۔ جویں حضرت زکریا انصاری رحمۃ اللہ علیہ آکھدے نیں کہ تصوف اوہ علم اے جیہدے نال نفس دی صفائی، اخلاق دی صفائی اندر لی تے باہر لی دنیا دی تعمیر تے تشکیل تے اندر لی باہر لی دنیا دا علم ہو جاند اے۔ امام قشیری رحمۃ اللہ علیہ وی ایہد مطلب ”باطن دی تعمیر تے اصلاح تے نالے اخلاق دی پاکیزگی“ قرار دیندے نیں۔ امام غزالی رحمۃ اللہ علیہ آکھدے نیں کہ تصوف نفس دیاں خواہشاں نوں مکا دیندا اے۔ دل نوں ”غیر اللہ“ توں پاک کر دیندا اے۔ حضرت ابوالحسن نوری رحمۃ اللہ علیہ ایہدے وچ ایناں کو وادھا کر دے نیں کہ تصوف ”غیر شرعی“ نفسانی خواہشاں نوں ترک کر دین دانائے اے۔ کچھ بزرگ تصوف نوں اعلیٰ اخلاق دانائے دی دیندے نیں۔ سید عبدلقدور جیلانی رحمۃ اللہ علیہ نے واضح لفظاں وچ گل مکائی اے کہ تصوف اٹھاں (8) شیواں دانائے اے:

- (1) سخاوتِ ابراہیمی علیہ السلام (2) رضائے اخلق علیہ السلام (3) صبرِ ایوب علیہ السلام
 (4) مناجاتِ زکریا علیہ السلام (5) غربتِ یحییٰ علیہ السلام (6) خرقہ پوشی موسیٰ علیہ السلام
 (7) سیاحتِ عیسیٰ علیہ السلام (8) فقرِ سرورِ کائنات صلی اللہ علیہ وآلہ وسلم

دو جیاں زبانوں دے ادب وانگوں پنجابی ادب وچ وی تصوف نوں بیان کیتا گیا اے۔ پنجابی شاعری دی تاریخ اُتے جہات پائے تے شاعری دی ابتدا ای صوفیانہ فکرتوں ہندی اے۔ پنجابی زبان دے پہلے شاعر شاہ شمس سہواری رحمۃ اللہ علیہ سامنے آؤندے نیں۔ ایہہ وکھری گل اے کہ اوہناں کول تصوف دے مسئلے اُتے گھٹ شعر لکھدے نیں پر اخلاقی شعراں دا گھانا نہیں اے۔ ایہناں دے ای اک سمکالی حضرت فرید الدین مسعود گنج شکر رحمۃ اللہ علیہ نیں، جیہناں نوں پنجابی دا پہلا تے باقاعدہ شاعر دسیا جاند اے۔ اوہناں دی شاعری وچ آخرت دا خوف تے نیک عملوں دی تلقین تے بوہتا زور دتا گیا اے۔ عبادت دے نال نال بندیاں دے حقوق دے معاملات وی ایہناں دے بولاں وچ موجود نیں۔

اُٹھ فریدا وضو ساج صبح نماز گزار جو سر سائیں نہ نویں سو سر کپ اُتار
 عبادت دے نال صبر تے شکر دی تلقین وی آپ کول لکھدی اے۔ کیوں جے ایہہ کیفیت انسان دے دل دیاں بے چینیاں نوں وی دور کردی اے تے نال ای دنیاوی حقیقت وی کھل کے سامنے آ جاندی اے۔ بابا فرید ہوریں آکھدے نیں:
 رُکھی سکتی کھائے کے ٹھنڈا پانی پی فریدا ویکھ پرائی چو پڑی نہ تر سائیں جی
 مغللاں دے دور وچ شاہ حسین رحمۃ اللہ علیہ لاہوری دا ناں سامنے آؤندا اے۔ ایہہ مست الست بزرگ سن تے حضرت بایزید بسطامی رحمۃ اللہ علیہ دے ملائیمہ فرقے نال تعلق رکھدے سن۔ شاہ حسین رحمۃ اللہ علیہ ہوراں پنجابی ادب نوں اک نویں صنف ”کافی“ نال آشنا کیتا تے اپنیاں کافیاں نوں وکھریاں وکھریاں راگاں دے مطابق لکھیا۔ شاہ حسین وحدت الوجود دے قائل سن۔ اوہناں اُتے جذب دی کیفیت رہندی سی تے ایہو جذبہ اوہناں دیاں کافیاں وچ وی موجود اے۔ ملاپ تے جدائی دیاں کیفیات آپ دیاں کافیاں وچ بڑے درد نال بھریاں لکھدیاں نیں۔ اوہناں دی نویکی پچھان اوہناں دیاں رمزوں نیں۔ جیہڑیاں اوہ اپنیاں کافیاں وچ ورتدے نیں۔ آپ دے والد جولاہے سن، ایس لئی اوہناں دے کلام وچ ساریاں رمزوں ایسے پیشے دے حوالے نال لکھدیاں نیں:

گھم چر خویا ————— تیری کتن والی جیوے

تلیاں وٹن والی جیوے

چرخا بولے سائیں سائیں بائیں بولے توں

کہے حسین فقیر سائیں دا میں ناہیں سب توں

چرخے توں جسم مراد لیندے نیں تے چرخے نال تعلق رکھن والیاں چیزاں جویں تگلا، مائل، تند، پونی، مٹا انسان دے عمل نوں ظاہر کردیاں نیں اوہ اپنے ربی عشق نوں ایہناں علامتاں راہیں اپنی شاعری وچ لیاؤندے نیں۔

مُغل دَور دے دو جے وڈے صوفی شاعر حضرت سلطان باہو رحمۃ اللہ علیہ نیں۔ بابا فرید رحمۃ اللہ علیہ وانگوں ایہہ وی عربی تے فارسی دے عالم سن تے اوہناں نے ایہناں زبانوں وچ ڈھیر ساریاں کتاباں لکھیاں نیں۔ سلطان باہو رحمۃ اللہ علیہ پنجابی شاعری وچ سی حرفی دے موڈھی نیں۔ چومصرعیاں نوں اردو دے حروف تہجی دی ترتیب توں شروع کردے نیں۔ اپنا مطلب ایہناں چوہاں مصرعیاں وچ انج پورا کردے نیں جویں فارسی وچ رباعی کردی اے۔ سلطان باہو رحمۃ اللہ علیہ نے اپنیاں سی حرفیاں وچ دنیا توں نفرت، مرشد نال عقیدت تے نفس نوں مارن تے زور دتا اے۔ اوہناں نے اپنی شاعری راہیں بندے نوں اللہ تک اپڑن دی تلقین کیتی اے:

الف ایہہ تن میرا چشماں ہووے، میں مرشد ویکھ نہ رجاں ہو
لوں لوں دے مڈھ لکھ لکھ چشماں، اک کھولاں اک کجاں ہو
اتنیاں ڈٹھیاں صبر نہ آوے، ہور کتے دل بھجاں ہو
مرشد دا دیدار ہے باہو، مینوں لکھ کروڑاں حجاں ہو

مُغل دَور دے زوال دے شروع وچ اک ہور وڈے صوفی شاعر ساہنے آوندے نیں۔ ایہہ بابا بُلّھے شاہ رحمۃ اللہ علیہ ہوری نیں۔ اوہناں اُتے اکثر مستی تے مدہوشی طاری رہندی سی۔ اوہ وحدت الوجود تے وحدت الشہود دونوں دے قائل نیں۔ ذکر تے علم دی تلقین سبھ توں بوہتی کردے نیں۔ بُلّھے شاہ رحمۃ اللہ علیہ نے اپنیاں کافیاں وچ بے باک لہجے دا استعمال کیتا اے۔ ایس گل توں وی اوہناں دے یقین دی پختگی دا علم ہو جاندا اے کہ اوہ جس اعتماد تے بھروسے نال گل کردے نیں، اوہ دے کچھ اللہ نال جان پچھان تے قرب دی انتہا ہو سکدی اے:

مینوں جھڈ گئے آپ لد گئے میں وچ کیہ تقصیر
راتیں نیند نہ دن سکھ سُستی اکھیں پلٹیا نیر

ایس ساری کافی وچ اک مان تے بھروسے دی فضالہدی اے۔ مغلاں دے آخری دَور وچ تے انگریزاں دی حکومت دے پہلے ورہیاں وچ پنجابی دے دو وڈے صوفی شاعر ساہنے آوندے نیں میاں محمد بخش رحمۃ اللہ علیہ تے خواجہ غلام فرید رحمۃ اللہ علیہ۔ میاں محمد بخش رحمۃ اللہ علیہ ہوراں مجازی عشق نوں حقیقت تک اپڑن دا وسیلہ بنایا تے ”سیف الملوک“ راہیں تصوف دیاں منزلاں پوریاں کیتیاں۔ اوہناں کول تصوف دی بنیاد عشق اے:

قصے ہور گئے دے اندر درد اپنے کچھ ہوون
بن پیڑاں تاثیراں ناہیں بے پیڑے کد روون

عشق دے فلسفے اُتے سیف الملوک وچ 114 شعر لکھدے نیں۔ ایس توں اڈا اوہناں کول استغنا دا مسئلہ وی اہمیت رکھدا اے۔ ایس نوں بطور مسئلے دے اوہناں توں پہلیاں صوفیاں نے بیان نہیں کیتا۔ استغنا ہر پاسیوں بے نیاز ہو جانہ چنگی تے اترانا تے نہ مندی تے گھبرانا۔ ایہدی وجہوں اوہ صبر، شکر، تقویٰ تے توکل دیاں منزلاں نوں پاندے نیں۔ میاں صاحب رحمۃ اللہ علیہ دی اک ہور منزل وی انوکھی اے تے اوہ دے حیرت دی۔ ایہہ حیرت اک صوفی اُتے اوس ویلے طاری ہوندی اے جد اوہ سلوک دیاں ساریاں منزلاں

پوریاں کر لیند اے تے ہن اوہ اللہ دی ذات ٹوں اپنے ساہنے ویکھد اے۔

خواجہ غلام فرید رحمۃ اللہ علیہ وی مجازی حوالے نال عشق حقیقی تک اپڑن دا درس دیندے نیں۔ سچل سر مست واگلوں خواجہ صاحب رحمۃ اللہ علیہ وی ہفت زبان شاعر سن۔ مارواڑی تے ہندی زبان وی جاندے سن۔ فقہ، تفسیر، حدیث، منطق، علم الانساب تے رمل نجوم دے نال نال موسیقی وچ وی دلچسپی رکھدے سن۔ ایسے مشاہدے پاروں اوہ ”روہی“ نوں وصال دی علامت بناندے نیں کہ فطرت سبھ توں وڈی استاد ہوندی اے۔ کافی دی صنف وچ خواجہ صاحب رحمۃ اللہ علیہ اُچّا درجہ رکھدے نیں۔ وحدت الوجود دے قائل سن تے ایہدے اے ایہدے وی سن۔ اوہناں دی سبھ توں وڈی خوبی اوہناں دے لہجے دی مٹھاس اے جیہدے وچ اوہ اللہ دیاں وکھو وکھریاں صفتاں تے شانناں بیان کردے نیں:

۔ بن دلبر شکل جہان آیا ہر صورت عین عیان آیا

عش رسول صلی اللہ علیہ وآلہ وسلم وی اوہناں دی شاعری وچ چوکھالسد اے۔ پنجابی شاعری دی جھولی صوفی شاعراں تے تصوف نال بھری ہوئی اے۔

علی حیدر ملتانی رحمۃ اللہ علیہ، سید ہاشم شاہ رحمۃ اللہ علیہ تے ہدایت اللہ دے ناں وی تصوف وچ جانے پہچانے نیں۔ روایتی تصوف تے ہر شاعر کول لہجہ جاندا اے۔ اوہ بھانویں وارث شاہ رحمۃ اللہ علیہ دی ہیر ہووے تے بھانویں مولوی غلام رسول رحمۃ اللہ علیہ دی احسن القصص، اقبال دائم واجنگنا مہ ہووے تے بھانویں پیر فضل گجراتی دی غزل۔

(غیر مطبوعہ)

ڈاکٹر محمد بشیر گورایا

ڈاکٹر محمد بشیر گورایا پہلی جنوری 1940ء نوں چک 44 ضلع گجرات وچ پیدا ہوئے۔ مڈل تک تعلیم ایہتھے ای حاصل کیتی۔ 1955ء وچ اپنے آبائی پنڈ منڈ کیکے گورایا ضلع سیالکوٹ آئے۔ پنجاب یونیورسٹی توں ایم اے نفسیات ایم اے پنجابی، ایل ایل بی، پی ایچ ڈی تے ایم فل اقبالیات دیاں ڈگریاں حاصل کیتیاں۔ 1973ء توں 1980ء تک اقدس پبلی کیشنز دے منیجر رہے۔ 1987ء تک جناح اسلامیہ کالج آف کامرس دے پرنسپل، 1990ء تک مسلم لاء کالج راولپنڈی دے پرنسپل تے دسمبر 1993ء تک نیشنل کالج برائے ابلاغیات دے وی پرنسپل رہے۔ مقتدرہ قومی زبان لاہور دے نگران اعلیٰ رہے۔ اوہناں دیاں علمی تے ادبی کاوشاں مندرجہ ذیل نیں:

مولوی غلام رسول رحمۃ اللہ علیہ عالم پوری، حامد شاہ عباسی، پنجابی قاعدہ، سورۃ یسین دا پنجابی ترجمہ تے تفسیر، ابیات باہو رحمۃ اللہ علیہ دا پنجابی ترجمہ تے تشریح، پرنسپلز آف کمرشل لاء (انگلش) جدید اصول تجارت (اردو) نظر ثانی غزلیات خوشحال خاں خٹک نثری پنجابی ترجمہ، برنس لاء (انگلش)

اوہناں دے علمی تے ادبی مضمون تے تقریراں ریڈیو تے ٹی وی توں نشر ہوندے رہندے نیں۔ تعلیم تے ادب بارے اوہناں دے مضمون تے کالم اکثر اخباراں تے رسالیاں وچ شائع ہوندے رہندے نیں۔

زراعت کہانی

زمین دے علماں دے ماہراں مطابق دنیا دا کل رقبہ تریہہ (30) ارب ایکڑ اے۔ جیہد اترن بنا دس حصہ خشکی تے باقی سبھ پانی اے۔ ایہناں دے اک ہور اندازے موجب دنیا دا صرف دسواں حصہ زراعت لئی استعمال ہو رہیا اے۔ تاریخی طور تے ایہہ وی ثابت اے کہ زمین اُتے زندگی دا آغاز پانی دے ذریعے ہو یا۔ قرآن پاک وچ سورۃ ہود دی آیت ست (7) وچ آؤندا اے۔

’تے اوہ اے جیہنے بنائے آسمان تے زمین چھ (6) دن وچ تے اوہد تخت سی پانی اُتے‘۔ یعنی آسمان تے زمین دی مخلوق توں پہلاں پانی دی تخلیق ہوئی۔ جیہڑا مادہ حیات بنن والا سی۔

پانی تے زمین دونوں مل کے غذا پیدا کر دے نیں۔ ایہہ عمل پرانے زمانے توں جاری اے۔ زمین توں اناج تے خوراک حاصل کرن لئی پانی بنیادی کردار ادا کر دے اے۔ سورۃ کہف دی آیت 45 وچ کہیا گیا اے ”پانی اُتار یا آسماں توں فیراہیہ دی وجہ نال زمین وچوں رلیا ملیا نکلیا سبزہ۔“

پانی توں سبھ چیزاں بنیاں زمین آسمان تے سبھ کجھ ہور
دنیا چھ دن وچ بنائی سبزہ میوہ رُکھ جنور

پہلاں پہل لوک دریاواں، برساتی نالیاں تے نیو یاں ٹوئیاں دے کول آباد ہوئے تے ایہتھے نیڑے نیڑے ای زراعت داکم شروع ہو یا۔ فیروکیں نیو یاں تھانواں، چھپڑاں تے ڈوہنگیاں ٹوئیاں وچ بارشاں دا پانی اکٹھا کرن لگ پئے۔ خشک موسماں وچ اوہ ایس پانی نال فصلاں پیان لگ پئے۔ اک یاں دو بندے کنارے دے قریب پانی وچ کھلو کے کسے دابڑے، کڑاہی، تانبیے، پرات یاں سینی نال پانی

باہر اوس نالی وچ سہلے سن جیہڑی ایس مقصد لئی فصل تیک بنائی ہوندی سی۔ ایس نوں جھٹالانا آکھیا جاندا سی۔

پرانے زمانے وچ لوک بیڑ پیلوں تے جنگل ہیلے دے دے دو بے پھل کھا کے گزر گزارا کر دے سن۔ فیر زمیناں وچ بی کھلارن لگ پئے۔ فیر واہی بیجی لئی کسے شکل وچ ہل پنجالی بنائی گئی تے ہل پنجالی نال جانوراں دا استعمال شروع ہو گیا۔ اوس زمانے دی زراعت وچ ایہہ بڑا وڈا انقلاب سی۔

ایسے زمانے وچ واہی وان نوں جٹ، کسان، زمیندار، مزارع، راہک تے ہاری آکھیا جان لگا۔ قصہ ہیر رانجھا وچ سید وارث شاہ رحمۃ اللہ علیہ نے ہل پنجالی، جوگ، کھی، رنبا تے داتیاں دا ذکر اپنے شعراں وچ کیتا اے۔ سید وارث شاہ رحمۃ اللہ علیہ لکھدے نیں:

رانجھا جو تراواہ کے تھک رہیا لاہ ارلیاں چھاؤں نوں آؤندا اے
بھٹا آن کے بھا بھی نے کول دھریا حال اپنا روو کھاؤندا اے

فیر لوکیں چھوٹیاں چھوٹیاں کھوہیاں بنان لگ پئے۔ پرایہہ پانی وی واہن پیاں لئی استعمال نہیں کیتا جاندا سی صرف سبزیاں تے چھوٹی چھوٹی کیاریاں والیاں فصلاں توں ای لایا جاسکدا سی۔

فیر کھوپاں تے جھلاراں دا زمانہ آ گیا۔ کھوہ بنانا کوئی سوکھا کم نہیں سی۔ ایس اُتے بڑا خرچہ تے وقت لگدا سی۔ نالے کھوپاں دے ٹھنڈے تے مٹھے پانی لئی بڑے جتن کرنے پیندے سن۔

سیف الملوک وچ میاں محمد بخش رحمۃ اللہ علیہ ہوراں کھوہ تے جھلار دا ذکر انج کیتا اے:

عجب سماں لگا وچ باغ چمکن کھوہ جلا ران
بوڑیے کبے گل لگ ملدے جویں بھرا بھرا نواں

جھلار وی کھوہ وانگوں ای ہوندی سی۔ فرق صرف ایہہ اے کہ کھوہ دی کھدائی کرنی پیندی اے، جھلار کسے برساتی نالے یا چھڑ کنڈے تھوڑا جیہاٹو یا کنڈے کے بنائی جاندی اے۔ پانی رڑھ رڑھ کے اس ٹوئے ول آ جاندا اے۔

سائنس دان شروع توں ای کوشش کر دے رہے کہ زراعت، جانوراں تے انساناں لئی زیادہ توں زیادہ پانی دا بندوبست کیتا جاوے۔ دریاواں توں، نہراں، بیراج، ہیڈ تے ڈیم ایسے لئی بنائے گئے نیں تے آج کل کئی مکاں وچ مصنوعی بارشاں وسان لئی تحقیق کیتی گئی اے۔

زراعت دا دوجا بوج بی نیں۔ پرانے زمانے دے بی زیادہ پیداوار نہیں دیندے سن۔ جویں جویں جی ودھدے گئے نویاں نویاں قسماں دے اجیسے بی بیج جان لگے جیہڑے زیادہ جھاڑ دیندے سن۔ پڑچول دے ذریعے ہن اجیسے بی وی تیار کر لئے گئے نیں جیہڑے کجھ بے موسمیاں سبزیاں پھل تے فصلاں پیدا کرن لگ گئے نیں۔

پنجاب وچ کنک سبھ توں وڈی فصل اے تے ساڈی خوراک تے معیشت دا زیادہ تر دار و مدار وی ایس فصل اُتے ای ہوند اے۔ ایس کر کے ایس فصل دی بیجائی، کٹائی، تے گہائی ول بڑا دھیان دتا جاندا اے۔ ایس تے ہر کسے دیاں آساں ہوندیاں نیں۔ عام طور تے کسان فصل چک کے منڈیاں گڑیاں دے ویاہر چا دیندے نیں تے مٹیاراں گاؤن لگ پیندیاں نیں:

ہن فصلوں چکیاں گئیاں داج دھیاں بنائے نیں

دنیا چار دنوں دی بچھنا نہیں مڑ سہرا گانا

کنک دی بیجائی ویلے سر کرن داجتن کیتا جاندا اے۔ پر ایہدی کٹائی تے گہائی ویلے نال کرن لئی ونگاراں وی پائیاں جاندیاں سن۔ ڈھول والا سارا دن ڈگالائی رکھداتے واڈھے جوش خروش نال واڈی کردے ریہندے سن۔ سوانیاں واڈھیاں لئی حلوے پوڑے تے چوہنگیاں والیاں تندوری روٹیاں خاص طور تے تیار کر کے لیاؤندیاں سن۔

کنک پچھوں مٹی پنجاب دی ایک وڈی فصل اے۔ مٹی عام طور تے لاب (پنیری) دی لگدی اے۔ مٹی دابی پہلاں اک تھان چھتے نال بیجیا جاندا اے۔ جد بوٹے فٹ سوائف دے ہو جانداں نیں تے فیر جڑاں توں اکھیڑ کے کدو کیتیاں کھیتاں وچ اوہ پودے اک اک کر کے پانی والی نرم زمین وچ لائے جانداں نیں۔ ایہناں بوٹیاں نوں لاب آکھیا جاندا اے۔ مٹی دے پکن تیک ایس وچ پانی کھلوتا رہنا چاہیدا اے۔ مٹی دی پرائی مال ڈنگر دے پٹھیاں لئی کم آؤندی اے۔ پرائی دا گتا وی بنایا جاندا اے تے پرائی پیکینگ دے وی کم آؤندی اے۔

کپاہ ریشے دار فصل اے تے ایہدا شمار وی پنجاب دیاں وڈیاں فصلوں وچ ہوندا اے۔ کپاہ دی وی ہر شے انساناں تے جانوراں دے کم آؤندی اے۔ ایس دے کپڑے تے رستے بن دے نیں۔ بی داتیل کھانیاں وچ استعمال ہوندا اے۔ بی دے خول نوں کھل آکھیا جاندا اے۔ اوہ جانوراں نوں چارے لئی توڑی وچ ملا کے کھوائی جاندی اے تے ایہدے سکے بوٹے (منشی) بالن دے کم آؤندے نیں۔ کپاہ چھتے نال وی بیجی جاندی اے تے نالی نال وی۔ ملتان، بہاولپور، مظفر گڑھ، ساہیوال، وہاڑی، رحیم یار خاں، بہاول نگر، خانیوال دا علاقہ کپاہ دا علاقہ اے۔

کپاہ دابی رات نوں پانی وچ بھیس دتا جاندا اے تاں جے بی داخل نیجمن توں پہلاں ذرا نرم ہو جاوے۔ مال ڈنگر لئی مٹی وی کپاہ وچ بیج دی جاندی اے۔ ایس نوں تریڑا آکھیا جاندا اے۔ گھر دے کپڑے کھیس چادران تے کتن ٹہن تے بستریاں لئی دیسی کپاہ بڑی پسند کیتی جاندی اے۔ خاکی کپاہ صرف کھیس تے چادران لئی بیجی جاندی اے۔

گڑشکر دیاں ضرورتاں لئی پرانے زمانے توں ای کماد بیجیا جا رہیا اے۔ کماد دے سٹے لائے جانداں نیں۔ دو جیاں فصلوں وانگوں بوہتی پیداوار لئی کماد دے وی کئی بی مشہور ہوئے نیں۔ کماد دے سٹے دو دو تن تن فٹ دے فاصلے تے لائے جانداں نیں۔ کماد بارے سیانیاں دا اکھان اے:

کما	لاء	پھگن	دیکھ	کما	دا	پھبن
کما	لاء	چتر	دیکھ	کھتیراں	دے	کھتیر
کما	لاء	وساکھ	رکھ	اللہ	دی	آس
کما	لاء	جیٹھ	اڑ	اڑ	پیا	دیکھ

کما دی وی کوئی شے ضائع نہیں جاندی۔ گتے دی رُوہ، فیر رُوہ توں گڑ، شکر تے کھنڈ بن جانداں نیں۔ آگ مال ڈنگر دے پٹھیاں لئی تے چھوٹی تے چور بالن دے کم آ جانداں نیں۔

مکئی، باجرہ، توریا، گوارا، دالاں تے اوہ فصلیں جیہڑیاں تھوڑیاں تھوڑیاں بیجیاں جاندیاں نیں اوہناں دا تفصیلی ذکر ایتھے ممکن نہیں۔ سرکاری طور تے پنجاب دیاں فصلیں نوں دو موسماں وچ ونڈیا گیا اے۔ اک ربیع (ہاڑی) تے دو جیاں خریف (ساؤنی) دیاں فصلیں نیں۔ آج کل باغبانی، پولٹری فارم، گوٹ فارم، ڈیری فارم، سٹڈ فارم، ڈک فارم، فیش فارم، شہد دیاں مکھیاں تے ریشم دے کیڑے پالنے وی زراعت وچ شامل اے۔ پنجاب دیاں فصلیں دی ایک ہور طریقے نال وی ونڈ کیتی جاندی اے۔ ایس ونڈ موجب اک اناج یعنی سہیاں والیاں فصلیں نیں۔ کنک، مکئی، باجرہ، مٹی، سوانک تے کنگنی وغیرہ، دوجیاں پھلی دار یعنی روغن والیاں فصلیں نیں۔ توریا، مونگ پھلی، سرہیوں، رائی، تارامیر، گوارا، تیل تے اُسی نیں۔ پرسورج مکھی، سویا بین، بنولے، مکئی، توریا تے سرہیوں دے تیل آج کل عام طور تے کھانیاں وچ استعمال ہو رہے نیں۔ تربجیاں ریشے دار یعنی دھاگے والیاں فصلیں نیں ایہناں وچ کپاہ، سن، سنکڑا تے پٹ سن دا ذکر کیتا جاند اے۔ دالاں وی پھلی دار فصلیں وچ شامل نیں پر ایہہ روغن دار نہیں ہوندیاں۔

زراعت دا تربجہ تے وڈا ہجو افرادی قوت اے۔ وائی بیجی دے کم لئی جے جی ہون تھوڑے نیں۔ ایس پیشے وچ افرادی قوت نوں بڑی اہمیت حاصل اے۔ بل پنجالی دے ذریعے جانوراں دا زراعت لئی استعمال وی افرادی قوت وچ وادھے دا موجب بنیا۔ ساڈے تن طبقے زراعت دے پیشے نال تعلق رکھدے نیں۔ اک وڈے جاگیردار تے زمیندار، دو بے درمیانے تے چھوٹے درجے دے زمیندار تے تربجے مزارعے، راہک تے ہاری۔ پر درمیانے درجے دے زمیندار تے مزارعے زراعت وچ مرکزی کردار ادا کر رہے نیں۔

اک زمانے وچ زراعت لئی بوہت بندیاں دی ضرورت ہوندی سی۔ گھر وچ جنٹی جی بوہتے ہوندے اوئی خوشحالی زیادہ ہوندی۔ پر جس گھر وچ مردگٹ ہوندے اوس گھر دیاں عورتاں نوں وی کھیتاں وچ کم کرنے پندے سن۔ سٹھے وڈھنے کترنے عام طور تے سوانیاں دے ذمے ہونداسی۔ اوہ مرداں کچھے سویرے لسی پراٹھے فیر شکر دوپہرے بھٹالے کے اپڑ جاندیاں، مرد بھانویں ہلاں کچھے ہون یا جنگل پہلے مال ڈنگراں کچھے اوہناں نوں روٹی، پانی سوانیاں ای پہنچاؤندیاں سن۔

ہن زراعت نے اک جدید سائنس دی حیثیت اختیار کر لئی اے۔ پچھلے کئی ورہیاں توں فصلیں دی بجائی لئی رقبہ متواتر ودھ رہیا اے۔ کچیاں روہیاں تے سیم تھور والیاں بے شمار زمیناں آباد ہو گئیاں نیں تے فی ایکٹر پیداوار وچ وادھا ہو رہیا اے۔ پنجاب وچ پہلی واری 1950ء دے دہاکے ٹریکٹر آؤنے شروع ہوئے۔ زمیناں واہن بیجن لئی ٹریکٹراں نے بڑیاں سہولتاں پیدا کر دتیاں نیں۔ ٹریکٹر سخت توں سخت زمیناں واہندے کراہ تے سہاگہ وی مار دے نیں۔ ٹریکٹر نال کئی قسم دیاں ہلاں چلائیاں جاندیاں نیں۔ ایہہ ہلاں زمین نوں فصل دی بجائی لئی تیار کردیاں نیں تے فصلیں بیجن لئی استعمال کیتیاں جاندیاں نیں۔

زراعت وچ مشیناں دا استعمال اک بوہت وڈا انقلاب اے۔

(غیر مطبوعہ)

سجاد حیدر

سجاد حیدر گجرات دے اک پنڈ موبلہ وچ اک علمی ادبی شخصیت پیرزادہ نور حسین آذری دے گھر 1919ء نوں پیدا ہوئے۔ میٹرک دا امتحان گجرات توں، بی اے تے ایم اے فارسی دے امتحان گورنمنٹ کالج لاہور توں پاس کیتے۔ 1944ء وچ اطلاعات دے محکمے وچ ملازم ہو گئے تے آل انڈیا ریڈیو لاہور دے دیہاتی پروگرام دے نگران مقرر ہوئے۔ قیام پاکستان توں بعد تعلقات عامہ دے محکمے وچ انفارمیشن آفیسر بنائے گئے پر دوبارہ ریڈیو پاکستان آگئے جتھوں ریجنل ڈائریکٹر دے عہدے توں ریٹائر ہوئے۔ ایسے دوران پنجاب آرٹس کونسل دے ڈائریکٹر وی رہے۔ بعد وچ پنجابی ادبی بورڈ لاہور دے صدر وی رہے۔

سجاد حیدر نے بوہت سارے نشریاتی (ریڈیائی) ڈرامے لکھے۔ جنہاں وچوں چار مجموعے ’ہوادے ہوکے‘، ’سورج منکھی‘، ’بول مٹی دیا باویا‘ تے ’کالا پتن‘ شائع ہو چکے نیں۔ 1992ء وچ ’’چتر باغ‘‘ ناول لکھیا۔ سجاد حیدر دے فن پاریاں وچ پنجاب دے دیہاتی وسیب دیاں ون سوئیاں مورتاں تے منظر نظر آؤندے نیں۔ اوہناں دے کردار جیوندے جاگدے تے ایس مٹی دے جے جائے محسوس ہوندے نیں۔ 1980ء وچ اوہناں نے پنجابی واراں دار دو وچ بڑا خوبصورت ترجمہ تے 1986ء وچ پنجابی دیاں نمائندہ کہانیاں دا اک انتخاب وی شائع کیتا۔

اوہناں دافنی، فکری، علمی، ادبی تے تخلیقی سفر ساری عمر جاری رہیا۔ دسمبر 1996ء وچ اللہ نوں پیارے ہو گئے۔

پتے

کردار:

- | | | |
|--------------------|-------|--|
| 1- ماسٹر مجید اللہ | _____ | جوان، جاندار، مہذبِ اواز |
| 2- ماں کرماں والی | _____ | مُتَمَر، اُن پڑھ عورت |
| 3- ثریا | _____ | مٹھی بلاری والی نرم اواز |
| 4- انسپکٹر | _____ | کاروباری، بازعجب اواز |
| 5- اظہر | _____ | اخباری رپورٹر |
| 6- محمد سعید | _____ | پُر خلوص تے ہمدرد، شائستہ اواز |
| 7- صفدر | _____ | شرمیلا تے کم گونو جوان، اواز وچ اُداسی |
| 8- رحمت خاں | _____ | ہیڈ کانسیبل پولیس |
| 9- ناجی | _____ | بچہ (عمر 4 سال) |

انسپکٹر: ہاں رحمت خان کیہ گل اے؟

رحمت: جناب اک کیس پھڑیا اے بچیاں دے اغوا دے۔ جناب اُج کل شہر وچ بچیاں دے اغوا دیاں بڑیاں وارداتاں ہو رہیاں نیں۔ چھوٹے تھانیدار ملک زمان صاحب نے گشت واسطے تن پارٹیاں بنایاں۔ میری پارٹی دی ڈیوٹی شہر دے باغاں تے پارکاں تے لگی۔ اسیں چھ دنوں توں روزانہ شاہیں گول باغ جاندے ساں۔ اوتھے ایہہ جنا، ہنیرے ویلے اک گٹھے بچے آکے بہہ جانداتے کھیسے وچوں اُن پھو کے غبارے کڈھ کے کول رکھ لیندا۔ فیر نیڑے کھیڑ دیاں بچیاں نال کسے نہ کسے بہانے رل جاندیاں۔ اُنچ جدوں کچھ بچے ایہدے دوالے کٹھے ہو جاندے تے ایہہ اوہناں نوں پھوک بھر بھر کے غبارے وند دے۔ اُنچ ایہہ روز دے دس بار اں غبارے مفت وند دیندا اے۔ اُنچ جدوں ایہہ باغوں نکلیا تے اسیں ایہدے مگر وگری ٹر پئے۔ ایہہ پرانی انارکلی دی اک گلی وچ جا کے اک پرانے جیسے مکان دے بوہے اگے کھلور ہیا۔ چوکھا چرمگروں اک مائی باہر نکلی۔ اوہدی گودی وچ چھوٹا جیہا بچہ سی۔ ایہنے اوس مائی کولوں بچہ لین دی کوشش کیتی پر اوہنے نہ دتا۔ فیر ایہہ اوہنوں کچھ آہندار ہیا۔ جیہڑا اسیں نہیں سُن سکے۔ اخیر ایہنے بچہ اوس مائی کولوں کھوہ لیا تے اک پاسے ٹر پیا۔ اوس مائی نے رولا پادتا تے ایہہ بچہ اوہنوں پھڑا کے اوتھوں نکل آیا۔ اسیں ایہنوں شبے وچ پھڑ لیا آں۔ ایہہ آہندا اے میں تے بچے نوں دکانوں نافیاں لے کے دین واسطے چکیا سی۔ دتو جی ایہہ کوئی منن والی گل اے؟

انسپکٹر: ایہدی تلاشی لئی آ؟

رحمت: جی جناب! ایہدے کولوں اک سگرٹاں دی ڈبی تے کچھ کاغذ نکلے نیں۔ جناب اُنچ تے ایہہ سگرٹ عام جیسے دسدے نیں پر ایہناں وچ لازمی چرس رکھی ہوئی اے۔ ایہہ چنگا بھلا جرائم پیشہ لگدا اے جناب۔

انسپکٹر: اسیں کیمیائی معائنہ کراں گے تے آپے دس پوے گاتوں اوس گھر دا پتہ نشان تے نوٹ کر لیا اے نا؟

رحمت: جناب میں پورا نقشہ بنا لیا اے۔ باقی اسیں آپ ایہدے کولوں کچھ لواں گے۔

انسپکٹر: اچھا اچھا کیوں وئی وارداتیاں توں اپنی کہانی پا۔

مجید: کہانی اے پئی پرانے زمانے وچ جدوں بندے جانوراں دی بولی سمجھدے سن، اک شہر وچ کسے ڈھوائی دے کم واسطے لڈو

جانوراں دی لوڑ پے گئی۔ ہر پاسے پیادے لہمن لگ پئے تے جانوراں نوں دی سُوہ لگ گئی۔ وگارتوں بچن واسطے اٹھ،

گھوڑے، تے خچر کھوتے نسن لگ پئے۔ اک بندے جدوں دیکھیا پئی لومبڑی وی نسی جارہی اے تے اوہنے اواز دتی توں

کیہڑی اٹھ، گھوڑے دی نسل وچوں ایں۔ تینوں کہینے پھڑنا اے؟ اوہنے ندی ندی نے جواب دتا وگارتوں والیاں میرا

مہاندرا نہیں رلانا۔ کیہ پتا مینوں اٹھ ای سمجھ لین۔ ایہہ بھائی ہو ریں وی مینوں اٹھ سمجھ کے پھڑ لیاے نیں۔

انسپکٹر: مُشکریاں کرنا ایں؟ ہیڈ کانسٹیبل رحمت خاں سچا اے۔ توں چنگا بھلا جرائم پیشہ لگنا ایں۔ ناں کیہ اے تیرا؟

مجید: مجید اللہ

انسپکٹر: کتھے رہنا ایں؟

مجید: اسلام پورے، گلی نمبر 7 وچ، اخیر لے سٹاپ دے ساہنے۔

انسپکٹر: شکلوں تے پڑھیا لکھیا لگنا ایں۔ کیہ تعلیم اے تیری؟

مجید: بی اے، بی ٹی۔

انسپکٹر: بی ٹی تے ماسٹر ہوندے نیں توں وی ماسٹر ایں؟

مجید: ہونداساں۔

انسپکٹر: ہاں ماسٹر نوں کیہ لیکھد اے، ہُن توں جیہڑا کم پھڑیا اے ایہدے وچ بڑی پیدا اے۔

مجید: انسپکٹر صاحب اے میرا جرم ثابت نہیں ہو یا، تساں مینوں پہلے ای مجرم سمجھ لیا اے؟

انسپکٹر: توں اے تیکر اپنی صفائی وچ کوئی بیان نہیں دتا۔ فیر میں تینوں مجرم کیوں نہ سمجھاں؟

مجید: بے شک سمجھو، پر یاد رکھو! ایہہ تھانہ اے عدالت نہیں۔

انسپکٹر: اچھا اچھا ساڈے نال بوہتیاں قنون داناں نہ پھول، رحمت خان، ایہنوں لے جا کے محزر کول بٹھا۔ میں ویہلا ہو کے ایہدے

نال فیر گل کراں گا۔

رحمت: چل وئی جوان۔

مجید: انسپکٹر صاحب تسیں میرے گھراک پیغام بھجواسکدے او؟

انسپکٹر: گھراں وچ اطلاعوں کرنیاں ساڈا کم نہیں، کبھنوں پیغام بھجوانا ای؟

مجید: اک بڈھی مائی اے، معذور و چاری۔

انسپکٹر: تیری ماں اے؟

مجید: ماں ای سمجھو۔ (اک بندے دے اندر آؤن داتاثر)۔

اواز: السلام علیکم میاں صاحب، کوئی نواں کیس اے؟

انسپکٹر: آؤ آؤ اظہر صاحب بیٹھو (مجید اللہ نوں) توں جا بھئی۔

اظہر: میاں صاحب ایہنوں کڈھن دی ایڈی کاہل نہ کرو۔ اسیں وی ایہدے نال دوگلاں کر لیئے۔

انسپکٹر: کوئی نہیں جی بچیاں دے اغوا دا شبہہ اے ایہدے تے، کوئی نامی گرامی ڈاکو نہیں۔

اظہر: گل تے آساں آپ بنانی ہوندی اے میاں صاحب، جے چاہیے تے ڈاکے دی خبر اندر لے صفحے تے اک کالم دی گٹھے لادیئے

تے بچیاں دے اغوا دے شبہے وچ پھڑے ہوئے ملزم دی خبر پہلے صفحے تے شہ سُرخ بن جائے۔

انسپکٹر: اے ایہدے نال گلاں تے نہیں ہو یاں پر اپنا ناں پتا دسدے ہوئے ایہنے آکھیا اے جے ایہدی تعلیم بی اے بی ٹی اے

تے ایہہ سکول ماسٹر رہ چکیا اے۔

اظہر: لٹو فیر خبر تے بن گئی، باقی گلاں میں آپ پُچھ لاں گا۔ تسیں ذرا ایہنوں میرے کول تھوڑا چر بہن دیو۔

انسپکٹر: جویں تہاڑی مرضی، پر خبر وچ بچیاں دے اغوا دیاں وارداتیں نوں روکن واسطے ساڑی مہم دا ذکر کرنا پوے گا۔

اظہر: کیوں نہیں میاں صاحب تہاڑی مہم داوی ذکر ہووے گا۔ تئیں فکر نہ کرو۔

انسپکٹر: رحمت خاں، اظہر صاحب تے ایس آدمی نوں میرے نال دے کمرے وچ بٹھاتے اندر چاء وی گھلیں۔

رحمت: ٹھیک اے جناب۔

بڑھی عورت: (دوروں نیڑے آوندے ہوئے) دے پُتر میں وڈے تھانیدار نال گل کرنی اے۔ مینوں لنگھ جان دے میں اپنے پُتر دا پتا کرن آئی آں جنہوں بے وسال لیاے نیں۔

انسپکٹر: کیہ گل اے مائی؟

رحمت: جناب ایہہ مائی آکھدی اے میں مجیدی ماں وال، دھکے نال اندر آوڑی اے۔

مائی: میں نمائی کرماں والی آں جویں، میرا ناں تے کرماں ماری ہونا چاہی داسی۔ پہلوں لوک صفدر دی ماں بلاندے سن، جدوں اوہ نہ رہیا تے میرے اُتے ترس کھا کے مجید مینوں اپنی ماں بنا لیا۔ مَن مجیدی تئیں کھوہ لیا اے (رون لگ پیندی اے)۔

انسپکٹر: مائی میری کوئی اوہ دے نال دشمنی اے؟ اپنی صفائی پیش چا کرے تے گھر فر جائے۔

مائی: نصیحتاں نہ کر تھانیدار، خُدا توں ڈرتے غریب دی ہاتھ توں بچ (رون لگدی اے)۔

انسپکٹر: ایتھے بہہ جا ماں کرماں والیئے تے مینوں پہلوں مجید دا لگا چھاتے دس۔

مائی: میں مجید اللہ دا پچھلا گھر نہیں دیکھیا۔ میں تے اوہنوں پہلی واری لاہور دے ٹیشن اُتے ملی آں۔ پر مینوں انج لگدا اے جویں میں ماسٹر مجید نوں ملن ای پاکستان آئی آں۔ اوہ میری لکھ وچوں تے نہیں جمیا پر مینوں سگواں صفدر لگدا اے۔

انسپکٹر: صفدر تہاڑا پُتر اے؟

مائی: ہاں سوہنیا! مانواں پُتر جمدیاں نیں۔ فیر اوہ پُتر جہانوں فروی جان تے ہر ویلے مانواں دیاں نظراں دے سامنے رہندے نیں۔ ہسدے بولدے نیں، اُتر جواب دیندے نیں تے کدی چولا بدل کے کول رہن لگ پیندے نیں۔ جویں میرا مجید۔

انسپکٹر: پر مائی صفدر نوں کیہ ہویا؟

مائی: صفدر کلاسی پُتر، اوہنوں جیوندیاں ای کوئی ہوش سُر ت نہیں سی میتھوں تے اوہ ایتھے آون توں چار مہینے پہلوں ای وچھڑ گیا سی۔

انسپکٹر: اوہ کیوں؟

مائی: مویاں تے وچھڑیاں دی کہانی لمی ہوندی اے۔ اسیں امبر سر رہندے ساں جدوں میرا صفدر ست (7) جماعتاں پڑھ بیٹھاتے اوہدا پیوفوت ہو گیا۔ میں اپنے پُتر نوں اک بجاجی دی ہئی تے نوکر کرا دیتا تے ساڈا گزارہ ہون لگ پیا۔ کجھ ورہیاں نوں صفدر

جوان ہو گیا تے ساڈے گھر دے اگوں اک بلانے راہ پالیا۔

انسپکٹر: بلا کیہو جیہی؟

مائی: اک سکول جاندی گڑی سی پُتر، اوہدا ولا کیہ دوس، صفدر نوں ای کجھ ہو گیا۔ جدوں اوہ سویلے ساڈے بوبے اگوں لنگھدی ایہہ باہر

تھڑے اُتے بہہ کے اوہنوں ویہندار ہندا۔ جدوں اوہ سکولوں پچھانہہ مزدی ایہہ دکانوں سارے کم چھڈ کے فیر تھڑے اُتے جا بہندا۔

انسپکٹر: تے فیر ایس سُداء دانت کیہ ہو یا؟

مائی: ہونا کیہ سی اوس گڑی داویاہ ہو گیا تے اوہ اپنے سوہرے گھر جالندھر گئی۔ اوہ دے جان گروں میرا پتر فقیر ہو گیا اوہنوں کوئی سر پیردی ہوش نہ رہی تے ایسے حال وچ چار سال گزر گئے۔ فیر اک دن صبح سویلے اُٹھ کے انج تیار ہو گیا جویں کدھرے جاناں ہووے تے میرے کول آ کے آکھن لگا۔ ”اماں مینوں بلاوا آ گیا اے تسیں وی اجازت دیو میں جاناں۔“ میں آکھیا۔ پتر توں مینوں چھڈ کے گھر گیا تے میرے اُتے مٹی دے دوہک کون پائے گا؟“ آکھن لگا۔ ”اوہ وی آرہیا اے پر اوہ تہانوں نویں گھر آ کے ملے گا۔“ اوہو گل ہوئی، میں پاکستان آئی تے اللہ مینوں مجید چا دیتا۔

انسپکٹر: ایہہ مجید تہانوں کتھوں ملیا؟

مائی: امبرسروں ایس سارے لٹے پٹے پاکستان توں صدقے ہو کے ایہتھے اپڑے تے میں اپنے گلی محلے والیاں نال مہاجراں دے کیمپ نہ گئی۔ میں افسراں دی منت کیتی پئی مینوں لاہور دے ٹیشن اُتے رہن دین۔ مجید اللہ دی ایہتھے ٹیشن تے ای ڈیوٹی لگی ہوئی سی۔

مجید: اماں جی میں ویکھرہیاں تسیں کدوں دے اپنا سمیان لے کے ایہتھے پلیٹ فارم دی اک نکرے بیٹھے او، تسیں کتھے جانا اے؟

مائی: ہُن اگے کتھے جانا اے پتر، ہُن تے جدوں وعدہ پورا ہو گیا اگلے جہاں ای جاں گے۔ ایس سوہنے پاکستان آؤنا سی، ایہتھے اپڑ گئے آں، اساں ہور کدھرے نہیں جانا۔

مجید: ماں جی تسیں اپنے گھر آ گئے او، ایہدوں وڈا تے ایہدوں سوہنا ہو رکھیا گھر ہو سکدا اے؟ ایہہ ساڈا ساریاں دا گھر اے لتاں جی، ساڈا سوہنا پاکستان۔

مائی: شالاسدا و سدار ہووے ساڈا ایہہ پاکستان۔

مجید: فیر ایہتھے اپڑ کے کسے ہو رکھ دی گل نہ کرو، انج رہن واسطے کوٹھا میرا حاضراے۔ مینوں وی اپنا پتر ای سمجھو۔

مائی: وے جیویں مینوں توں سگواں صفدر لگنا ایں۔ ایہتھے بہہ جامیرے کول تیراناں کیہ اے پتر؟

مجید: میراناں مجید اللہ اے اماں جی، میں جالندھروں آیاں۔

مائی: جالندھروں؟ جتھے میرا پتر صفدر رہندا سی۔ پتا نہیں ایس ویلے کس حال وچ ہونا اے میرا پتر؟

مجید: تسیں چلو میرے نال میں آپ روزانہ آ کے ساریاں گڈیاں ویکھیا کراں گاتے صفدر نوں لبھاں گا میری ایہتھے ای ڈیوٹی لگی ہوئی اے۔

مائی: توں ریلوے وچ نوکراں بچہ؟

مجید: نہیں اماں جی میں مہاجراں دی دیکھ بھال دے سرکاری محکمے وچ عارضی ملازم آں، میں کیمپاں وچ وی تہاڈے پتر نوں تلاش

کراں گا۔

مائی: رب تیرا بھلا کرے، پُتر تیرے گھر ہو رکئے جی نہیں؟
مجید: میں گھر وچ کلاواں اتناں۔ میرا کلیاں بڑا دل گھبرا دے، ایس کر کے آکھیا اے میرے نال چلو، کجھ میرے گھر وچ وی رونق ہووے۔

مائی: تے تُوں کلا ای پاکستان فُرا آیا ایس مجید پُتر؟ گھر دے کتھے چھڈ آیا ایس؟
مجید: ایہہ وی تہاڈے پُتر دے رُجان وانگر لکا والی گل اے۔ اتناں جی تے اتھے بندیاں دے کن مَن دے نیں۔ چلو گھر چلیئے۔
مائی: اِنج میں مجید اللہ دے نال اوہدے گھر آگئی اوہ کرماں والا مینوں اپنی ماں سمجھا دے تے میری بڑی خدمت کر دے۔ اوہ روزانہ ٹیشن تے جا کے صفدر نوں لہندار ہیا تے کیمپاں وچوں جا کے اوہدا پتا کر دے ہیا۔ ایس حال وچ چار ورہے ہو گئے نیں جیہناں آؤنا سی اوہ سارے آگئے نیں۔ پر میرا صفدر نہیں مڑیا، پتا نہیں جیوند او ای اے کہ نہیں (رون لگ پیندی اے)۔
انسپکٹر: حوصلہ کر مائی، اسیں ضابطے دی کارروائی مکمل کر کے مجید اللہ نوں گھر گھل دیاں گے۔

مائی: پُتر تھانیدار! مجید اللہ میرے نال ای گھل دے، رب تینوں بڑا اجر دے گا۔ ایس بڈھی نمائی دی باہ نہ لے، یاد رکھ جیہدا کوئی نہیں ہوند اُخدا ہوند اے۔

انسپکٹر: مائی آکھیا اے مجید اللہ کو لوں پچھ گچھ کر کے اوہوں گھر گھل دیاں گے۔ توں تے گل ای نہیں سمجھدی (کسے دے اچانک کمرے وچ داخل ہون دی اواز)۔

محمد سعید: کیموں سمجھان دی کوشش کر رہے او میاں صاحب؟

انسپکٹر: آؤ جی آؤ وکیل صاحب تشریف رکھو کج آئے او سعید صاحب؟

سعید: میں تے اخبار پڑھ کے سویر سویر تہاڈے ول آگیاں۔ اخبار والے وی بڑیاں دلچسپ سُرخیاں لاندے نیں۔ تسیں وی اج دے پرچے وچ خبر پڑھی ہوئی اے۔ ”تحریک آزادی کا کارکن پتوں کے اغوا کے الزام میں گرفتار کر لیا گیا۔ ملزم جالندھر میں ایک ہائی سکول کا ہیڈ ماسٹر تھا۔“

انسپکٹر: میں خبر تے نہیں پڑھی پر کل اک اخبار دار پورٹرا تھے آیا سی تے اوہنے ملزم نال گلاں کیتیاں نیں۔ اوہ کہانی بنا کے لے گیا ہونا اے۔

سعید: میں وی مجید نوں ملن آیاں۔

انسپکٹر: تہانوں اوہنے وکیل کیتا اے؟ پر اے تے چلان وی تیار نہیں ہو یا۔ اوہدے بیان وی نہیں ہوئے۔

سعید: میں مجید اللہ دا وکیل نہیں اوہدا دوست آں۔

انسپکٹر: سعید صاحب تسیں مجید اللہ دے دوست او؟

سعید: کیوں ایہدے وچ حیرانی دی کیہ گل اے؟

انسپکٹر: تہاڑا ایہو جیسے جرائم پیشہ بندیاں نال کیہ کم؟

سعید: میاں صاحب ہن سانوں اپنی سوچ بدل لینی چاہی دی اے۔ پرانا انگریزی قانون سی پئی ہر بندہ مجرم اے جدتیکراوہ اپنے آپ توں الزام رد نہ کر سکے۔ ساڈا اسلامی اصول ایہہ وے پئی ہر بندہ بے گناہ اے جدتیکراوہ دے تے جرم ثابت نہ ہوئے۔

انسپکٹر: وکیل صاحب تسیں مجید اللہ ٹوں کوں جان دے او۔

سعید: میں ماسٹر مجید اللہ دانگی وی آں تے شاگرد وی، مجید اللہ قرآن دا حافظ اے۔

انسپکٹر: مینوں مجید اللہ دی ساری حقیقت کھول کے دسو سعید صاحب۔

سعید: میں جالندھر شہر دارہن والاواں، جدوں قائد اعظم دے حکم نال پاکستان دی عام تحریک شروع ہوئی تے ہندوستان دے ہر شہر وچ جلوس نکلے اوہدوں میں لاہور لاء کالج دے آخری سال وچ پڑھدا ساں، طالب علماں وچ جوش خروش توں ڈر کے یونیورسٹی نے کالج بند کر دتا تے میں اپنے شہر مڑ آیا۔ اوہتھے وی روزانہ جلوس نکلدے سن۔ میں وی جلوساں وچ شامل ہون لگ پیا تے فیر ہولی ہولی تقریراں وی کرنیاں شروع کر دتیاں۔ پر ساڈے شہر دے جواناں دا سبھ توں جو شیلار ہنما ماسٹر مجید اللہ سی۔

انسپکٹر: ایہہ ماسٹر تے بڑی بلا اے۔

سعید: ماسٹر مجید اللہ مرد مومن اے، ایہدی ایمان دی طاقت پہاڑ نال وی ٹکرا جاندی اے۔ انج ایڈاساڈا اے جو میں مونہہ وچ زبان ای نہ ہووے ایہہ درویشاں دی نشانی اے۔

انسپکٹر: تہاڑیاں ایہہ ساریاں گلاں ٹن کے میں حیران پیا ہوناں جے ایہو جیہا بندہ روز شا میں آوارہ لوکاں وانگر پارکاں وچ جا کے بالاں نوں غباریاں نال کیوں پرچا ندا اے؟ تے فیر کل راتیں ایہہ اک گھروں جا کے نکا جیہا بال چک لیا یا تہاڑیاں گلاں توں ماسٹر بردہ فروش تے نہیں لگدا۔

سعید: اوہ تے آپ بردہ اے میاں صاحب اپنا آپ ویچ کے اوہنے پاکستان لیا اے۔ باقی جیہڑا تہاڑے دل وچ شک اے اوہ تسیں ماسٹر ہوراں کولوں پیچھے کے دُور کر لوؤ۔

انسپکٹر: اوہ اللہ دا بندہ فیر کوئی اٹھ لومبڑی دی کہانی سنا دے گا۔ سناں تے اوہ کجھ دسد ای نہیں۔

سعید: میاں صاحب دس نمبرے توں بکوان تے دُکھیے دادل پھولن دی ترکیب اگونیہیں ہوندی۔ تسیں اوہنوں بلا کے میرے کول بٹھاؤ، اوہ آپے کل حقیقت بیان کر دے گا۔

انسپکٹر: بھلی گل اے۔

سعید: (جذباتی ہو کے) میرا امیر، میرا استاد، میرا بھائی (بغلگیر ہون دا تاثر) کس حال وچ اوہ مولو؟

مجید: جس حال وچ اللہ رکھے شکر اے، سعید صاحب نویں جہاں وچ اللہ فیر ملا یا اے۔

سعید: مل تے پہلوں ای پیندے پر تسیں تے آپ گناہی دی زندگی اختیار کر لئی۔

مجید: اپنے جیسے علیاں علیاں لوکاں وچ رہنا سعید صاحب ایہہ زندگی معمولی تے ہے پر گناہی دی نہیں۔

سعید: تے کر دے کیا او؟

مجید: اک خدمتِ خلق دے ادارے وچ کم کرناں، اوہ میری ضرورت پوری کر چھڈ دے نیں، تے میں اپنے کم وچ رُجھار ہناں جیہدے وچ آخرت دے اجر دا وعدہ وی اے۔

سعید: اللہ جزا دے ہن ذرا انسپکٹر صاحب دی اُبھن وی دُور کرو، فیرا تھوں رل کے باہر چلیے۔

مجید: ایہہ دن لگیاں مینوں اپنی زندگی دے پرت کھولنے پھین گے۔ مینوں وی دکھی کرو گے تے آپ وی تسیں سُن کے خوش نہیں ہوو گے، میں جالندھر تعلیم الاسلام ہائی سکول وچ پڑھاندا ساں۔ میرے ماپے شہروں تیراں میلاں تے اک پنڈ وچ رہندے سن تے میں بستی دانشمنداں دے چھوٹے جیسے گھر وچ اپنی بیوی ثریا تے اپنے بچے نجیب اللہ نال رہندا ساں، پاکستان ہن توں چھ مہینے پہلے اوس شہر وچ بڑے جلسے جلوس ہون لگ پئے تے میں تحریک پاکستان وچ حصہ لین لگ پیا۔ اک دن فجر دی اذان توں پچھے ساڈے گھر دا بوہا کھڑ کیا۔ میں اُٹھیا ”کون ایں بھائی توں؟“

صفدر: ماسٹر صاحب مینوں تہاڈے گھر دا پہرہ دین گھلیا نیں۔

مجید: کیسے گھلیا اے؟

صفدر: جی اوہ ساہنے آکے تے نہیں نا آکھدے مینوں کیہ پتا۔

مجید: ایس عمرے فقیر ہو گیا ایں کوئی گھر بار نہیں تیرا؟ تیرا ناں کیا اے تے کتھوں آیا ایں؟

صفدر: میں صفو آں جی، امبر سروں آیا واں۔

مجید: توں میرے گھر دا پہرا دین دی اجرت کیہ لیں گا؟

صفدر: مینوں اوہو دین گے جنہاں مینوں گھلیا اے میں تہاڈے کولوں کچھ نہیں لینا۔

مجید: تے رہیں گا کتھے؟ میرے گھر وچ تے تھاں نہیں۔

صفدر: ساہنی دیوار نال جھگی بنالاں گاتسیں اجازت دے دیو۔

مجید: اچھا ٹھہر (دروازہ ڈھون دی اواز) ثریا گل سن۔

ثریا: میں سُن لئی اے گل۔

مجید: بڑا بھولا جیہا منڈا اے، پتا نہیں کیہڑے دُکھوں فقیر ہو گیا اے، ساہنے جھگی پا کے رہ لوے گا، ساڈا کیہ لینا سو۔

ثریا: کیہ پتہ کون اے؟

مجید: ایہہ امونہ نیک مرداں والا اے، ایہہ کھوٹا نہیں ہو سکدا۔

ثریا: تے ایہوں کھوائے پیائے گا کون؟

مجید: میں روٹی دے آیا کراں گا۔

ثریا: میں ایہدی روٹی نہیں پکاواں گی۔

مجید: اللہ توں ڈر رُٹیا پتا نہیں کیہڑے حال نوں آپڑ کے ایہنے اپنا گھر چھڈ یا اے۔

ثریا: میرا ایہدے نال کوئی واسطہ نہیں۔

مجید: تیرا اوس وچارے نال کیہ واسطہ ہونا اے، اوہنے کوئی گھر وچ پیر پانا اے؟

ثریا: جاؤ مینوں تنگ نہ کرو (رون لگ پیندی اے)۔

مجید: ویکھاں جھلیاں والی گل، روندی کیوں ایس، میں اوہنوں ٹور دیناں۔ (بوہا کھلد اتے بند ہوندا اے)۔

صفدر: بی بی نے غصہ چاکیتا جے، میں فرجاناں۔

مجید: کچھ دنوں بعد میں پاکستان دے حق وچ اک جلوس لیڈ (Lead) کہیتا تے مینوں گرفتار کر لیا گیا۔ جیل وچ پہلی ملاقات والے

دن میری بیوی نے مینوں دسیا۔

ثریا: جس دن تسیں گرفتار ہوئے او، اوس توں اگلی صبح میں بوہیوں باہر جھاتی ماری تے تہاڈا صفدر ساہمنی دیوار نال جھنگی پا کے ایہدر کنڈ

کییتی بیٹھاسی، پتا نہیں راتیں کس ویلے آکے اوہنے جھنگی وی پالئی، ناجی تے اوہنوں مل وی آیا اے۔

مجید: کیوں ناجی، فقیر بابا کیہ کہندا اے؟

ناجی: فقیر بابا نہیں اتو، اوہ تے صفدر اے، اوہ کہندا اے میں تہاڈا پاہر و آں، پاہر و کیہ ہوندا اے اتو؟

مجید: پاہر و پھرے دارنوں کہندے نیں بیٹے، تُوں اوہنوں کچھ کھان پین نوں گھلنی اے ثریا؟

ثریا: لگدا اے اوہنے میریاں اوس دن گلاں سُن لئیاں نیں۔ ناجی نوں آکھیا سو میں تہاڈے گھر دا اُن پانی نہیں کھاپی سکدا، دِنے

ساڈے بوہے ول کنڈ کییتی رکھدا اے تے راتیں ساڈی دیوار نال لگ کے بیٹھا رہندا اے۔

مجید: ایہہ اللہ دا بندہ ساڈی مدد نوں آیا اے، مَن تے سُنیا اے شہر وچ فساد وی شروع ہو گئے نیں۔

ثریا: ہاں کدھرے کدھرے اگاں وی لگیاں نیں تے کچھ لوک دُوجے محلے چھڈ کے ساڈی بستی آگئے نیں۔

مجید: ناجی، صفدر پاہر و کیہ گلاں کر دا اے؟

ناجی: ابواتی کولوں بڑا ڈر دا اے، مچھدا اسی میں آیا واں تے بی بی غصے تے نہیں ہوئی؟

مجید: فیر توں اپنی اتی نوں چھیا؟

ناجی: میں چھیا تے اتی رون لگ پئی۔

مجید: رویانہ کر ثریا، توں بڑی صبر والی بی بی ایس۔ جے کلیاں جی گھبر اندا اے تے کسے نوں گھل کے بھائی ہوراں تے بھابی نوں اپنے

کول بلا لے یا فیر آپ پنڈ ہو آ۔

ثریا: جدوں تیکر تسیں گھر نہیں آؤندے میں ایس شہروں باہر نہیں جاواں گی۔ اسے دِل نوں ایہہ تے حوصلہ ہے پی اسیں اکو شہر وچ آں۔

مجید: اللہ خیر کرے، جدوں ساڈا پاکستان بن گیا اسیں خوشحال ہو جانا اے۔

ثریا: اللہ چھیتی اوہ وقت لیاوے۔

مجید: پرثریا نوں پاکستان آؤنا نصیب نہ ہويا، پاکستان دا اعلان ہون توں بعد بوہت سارے سیاسی قیدی چھڈ دتے گئے پر میرے اُتے جیل دے محکمے نے کئی کیس بنائے ہوئے سن۔ ایس کر کے میری رہائی نہ ہوئی، کجھ دن توں شہر وچ فساداں دازوری، فیر اک دن میرے اک دوست نے ایہہ خونی خبر سنائی جے میری بیوی تے بچہ ماردتے گئے۔

سعید: اوہ آپ وی تے ختم ہو گیا ہونا ایں۔

مجید: ہاں اوہ خورے کس ویلے کس تھا نوں ماریا گیا، میرے ہار اوہدی بڈھی ماں وی سینے وچ ایڈ اوڈا مگھار لئی پھر دی اے۔

سعید: اوہدی ماں جیوندی اے؟

مجید: جی آ----- میرے کول اے۔

انسپکٹر: جیہڑی بڈھی مائی تہا نوں لھدی آئی سی؟

مجید: جی آ----- اوہو بڈھی مائی اوس اللہ لوک دی ماں اے۔

انسپکٹر: اتاں کرماں والی مینوں وی اپنے پُتر دی پتا سنائی اے۔ ماسٹر صاحب تہا نوں اوہنے نہیں دسیا صفدر فقیر کوں ہو یا؟

مجید: مینوں اتاں توں پہلے آپ ثریا نے صفدر دے سدا داسبب دس دیتا سی، اوس نیک بی بی دادل شیشے وانگر صاف سی۔ اوہنے اپنے

واسطے صفدر داجذبہ میرے کولوں نہیں چھپایا تے ایہہ گل سُن کے مینوں معصوم جیہا صفدر ہو رپیارا لگن لگ پیا، اتاں میرے نال اپنا دُکھ پھولدی اے تے کدی ثریا نوں تے کدی ثریا دے گھر والے نوں بددعاواں دیندی اے۔ اوہنوں اے ایہہ نہیں پتا جے ثریا ہن ایس جہان تے نہیں نالے میں ای اوہدا گھر والاواں۔ اوہ تے ایس آس اُتے پئی جیوندی اے جے اوہدا پُتر صفدر کے دن اوہنوں آن ملے گا۔

سعید: بھلا مومے تے وچھڑے کون میلے ایویں جیوڑا لوک ولاؤندا ائی۔

انسپکٹر: اچھا ہُن موجودہ کیس بارے وی کجھ دستونامہ صاحب۔

مجید: میں تہا نوں اپنے معصوم بچے دے جان دی گل دس بیٹھا، ہُن جیہڑا میرے جیہا حساس بندہ اپنی بیوی تے بچے توں انج ہمیش

واسطے وچھڑ جائے اوہ اپنے پیار دے ہڑھ نوں اندر کوں ڈک سکدا اے مینوں بچے پیارے وی بڑے لگدے نیں تے اپنی بالغ عمر دا بوہتا حصہ میں بچیاں نال ای گزاریا، ایسے پیار دی سک توں مجبور ہو کے میں شامیں کم توں وسہلا ہوناں تے دس باراں اُن پھوکے غبارے خرید کے تے اک پارک وچ جا بیٹھناں، اوتھے بچے کھیڈن آؤندے نیں۔ میں اوہناں دیاں بھولیاں گلاں سُن کے اپنا روح راضی کرنا تے غباریاں وچ پھوک بھر کے اوہناں نوں دیناں۔ میں اوہناں نوں رے ہوائی غبارے ای دیناں پر تسیں اندازہ نہیں کر سکدے اوہ مینوں کنیاں دولتاں دیندے نیں۔ بچے تے ہوندے ای نیں سخی بادشاہ۔

انسپکٹر: پر اوس چھوٹے بچے اُتے تسیں ایڈے مہربان کیوں اوہ جے اوہدے گھر جا کے تسیں اوہنوں چکن دی کوشش کیتی؟

مجید: اوہ گڈو؟ اوہ مینوں سگواں اپنے ناجی وانگر لگدا اے، اوہ وی جدوں ایہدی غم داسی تے انج ہس کے میرے مونڈھیاں پچھے

چھپ جاندا سی۔ پرسوں میں پارک وچ گیا تے گڈو اوتھے نہیں سی، میں بچیاں نال وقت گزار کے پرتیا تے طبیعت بڑی اداس

سی۔ کل فیر گیتے گڈ ونیس سی۔ میں پچیاں کولوں اوہدے گھر داپتا پنچھ کے او تھے گیتے مائی اوہنوں چک کے باہر نکلی، میں گڈو نوں چکن لگاتے مائی آکھیا گھر دیاں نے منع کیتا اے بچہ کسے نوں نہیں دینا کیوں جے اج کل پچیاں دے اغوا دیاں وارداتاں ہو رہیاں نیں، میں اوہدی مٹت کیتی جے میں گلی دے موڑ تک گڈو نوں لیجا کے ٹافیاں لے دیواں فیر بھانویں اوہ کدی اوہنوں میرے کول نہ لیاوے۔ گڈو میرے ول لمکیتے میں اوہنوں جھپٹ لیا۔ مائی نے رولا پا دیتا۔

انسپکٹر: تہاڑے بیان وچ صداقت نظر آؤندی اے، نال وکیل صاحب وی تہاڑی نیک چلنی دے ضامن ہوئے نیں مَن تہاڑے تے کوئی عذر نہیں۔

سعید: شکریہ میاں صاحب، آؤ ماسٹر صاحب چلیئے۔ سانوں اجازت اے؟

انسپکٹر: اک گل دسدے جاؤ ماسٹر صاحب، پاکستان بنان ویلے تے سارے علاقیاں دے مسلماناں نے اپنے پاک وطن دی آن اُتے پتنگیاں وانگر لکھاں جاناں واریاں، مَن پاکستان تے بن گیا اے پر اوہ پتنگے کیتھے گئے؟

مجید: انسپکٹر صاحب شمع تے ہر موسم وچ بلدی رہندی اے پر پتنگے برسات وچ ای آؤندے نیں۔ ساڈا وطن قائم تے دائم اے پر پتنگے اوہدوں آؤن گے جدوں امتحان دا وقت آیا۔ فیر ویکھیا جے پاکستان دے ہر شہروں ہر پنڈوں ڈاراں دیاں ڈاراں پتنگے نکلن گے تے اپنیاں جاناں قربان کرن گے۔ اک تے میں ای دھوا نکھیا ہو یا پتنگا تہاڑے ساہنے کھلوتاواں۔ (سارے ہسدے نیں تے ایسے ہاسے اُتے فیڈ آؤٹ کردیتا جاندا اے)۔

(کالا پتن)

فرخندہ لودھی

فرخندہ لودھی 25 اکتوبر 1937ء نوں مشرقی پنجاب (بھارت) دے شہر ہوشیار پور وچ نوازا خاں دے گھر پیدا ہوئیاں۔ 1947ء وچ قیام پاکستان توں بعد ایہہ خاندان ساہیوال (مٹکمری) آن و سیا۔ میٹرک دا امتحان 1953ء وچ پاس کیتا تے بی اے تک تعلیم ساہیوال ای حاصل کیتی۔ 1958ء وچ لائبریری سائنس دا ڈپلومہ کر کے ملازمت دا آغاز کونین میری کالج لاہور توں کیتا۔ 1963ء وچ ایم اے اردو تے 1978ء وچ ایم اے لائبریری سائنس دے امتحان پاس کیتے۔ اوہ مختلف کالجاں دیاں لائبریریاں وچ لائبریرین دی حیثیت نال کم کردیاں رہیاں پر ایہدے نال نال تخلیقی سفر وی جاری رہیا۔ تخلیق وچ ایہناں نے اردو تے پنجابی وچ افسانوی ادب نوں اپنے اظہار دا خاص ذریعہ بنایا۔ گورنمنٹ کالج لاہور توں ریٹائر ہو گئیاں۔ پہلاں اردو وچ لکھدیاں سن تے ایہناں دے دو ناول 'حسرت عرض تمنا' تے 'پنجرہ' شائع ہوئے۔ افسانیاں دے تن مجموعے 'شہر دے لوگ'، 'آرسی' تے 'خوابوں کے کھیت' اردو دے افسانوی ادب وچ اک نویکلا روپ لے کے ظاہر ہوئے۔ پنجابی وچ کہانی ایہناں نے کافی عرصہ پہلے شروع کر دتی سی تے کہانیاں دا اک مجموعہ 'چنے دے اوہلے' پنجابی دے افسانوی ادب وچ خاص اہمیت دا حامل اے۔ ہن اوہناں دا اک پنجابی ناولٹ 'جنڈ دا انگیار' سامنے آیا اے۔ ایس توں وکھ پنجابی مضموناں دی اک کتاب 'زنانی دے روپ' وی شائع ہوئی اے۔ بالاں لئی ایہناں دیاں کہانیاں بڑیاں دلچسپ تے فکر انگیز ہوندیاں نیں۔ ایس توں وکھ ایہناں دے تحقیقی کم دے سلسلے وچ وکھو وکھ بڑے مفید ترجمے تے سروے رپورٹاں وی شائع ہو چکیاں نیں۔ فرخندہ لودھی 2010ء وچ اللہ نوں جالمیاں۔

پچھلی پڑھائی

ماسٹر جی ہوراں نوں ایس گلی وچ وسدیاں بوہتے نہیں تے گھٹو گھٹ پنچھی (25) ورہے ہو گئے نیں۔ گلی نے ایہناں ورہیاں وچ کئی بانے بدلے پر ماسٹر جی دی حالت نہیں بدلی، ہاں سروہناں دے کپڑیاں جیہا گھس میلا ہو گیا اے تے بُت ادھورا نا۔۔۔ اوہ اج وی ہتھ وچ چھمک پھڑی موری دے کنڈھے جماعت لا کے محلے دے نکیاں بالاں نوں پچھلی پڑھائی کرارہے نیں۔ بال اپنے ٹٹے کھٹے بستیاں چوں کتاباں قاعدے ہولی ہولی کڈھدے، اُپر نیلے آسمان ول تھکدے نیں، جتھے گڈیاں، ٹکلاں اڈدیاں تے کبوتر قلابازیاں کھاندے نیں۔ نیاں دی امنگ پتلی ڈور نال بجھی، نازک پراں تے سوار، کھلی فضا وچ تاریاں لاؤندی اے۔ جدوں بالاں دیاں نظراں کتاب توں آسمان ول چھڑپے لاؤندیاں نیں تے ماسٹر جی نوں قہر چڑھ جاندا اے پر اوہ کسے نوں چھمک نال مار نہیں سکدے۔ چھمک زمین تے مار مار کے آکھدے نیں۔

”اوئے اوئے“ بے وقوفو! گھروں پڑھن آئے او کہ پتنگ بازی کرن۔“ اوہ چھمک چمک کے مارن دا ڈراوا دی دیندے نیں بس ایناں کو دم خم اے ماسٹر جی وچ، فیر جد کوئی جھلیڈ جیہا منڈا کٹی ہوئی پتنگ دی ڈور لٹن لئی نس پیندا اے تے باقی جاتک اوس منڈے نوں پھرن لئی دوڑ پیندے نیں۔ ماسٹر جی بے بس ہو کے بہہ رہندے نیں۔

ایہہ تماشا روزای ہوند اے۔

اک دن راجو نالی کڈھدیاں کڈھدیاں بھینگا کھ گھما کے تے کئی واری ہس کے آکھیا۔

”ماسٹر جی! ایہہ مُنڈے تہاڈے دس دے نہیں۔ ہوندی کھاں میں تہاڈی تھاں تے، تسیں ویکھدے ایہہ کج نسدے نیں گڈیاں پچھتے۔“

اینا آکھ کے راجو مونہہ وچ بڑو کردی زور زور دی جھاڑ و مارن لگ پئی۔

”اللہ وی خورے کیہ سوچ کے بندیاں نوں تھاں پتھاں سُدا اجاندا اے۔ ایس نما نے نوں ماسٹر بنا چھڈ یا سو۔“

راجو دے مُٹھے سدے ہتھ مارن نال گندیاں چھٹاں اڈ کے ماسٹر جی دے چٹیاں کپڑیاں تے جا پیاں۔ ماسٹر جی اُچھل کے ذرا گُو اُگاٹہ ہوئے تے بولے۔ ”راجو بھین ویکھ کے ویکھ کے۔“

کیوں جے اوہ سچے غصے نال آکھدے تے راجو اوہناں دے بُوہے والی تھاں کدے صاف ای نہیں سی کرنی اوہ تے ہر ویلے ہنیری بنی رہندی سی۔

ماسٹر جی وچارے گلی دا ککھ، ککھ انج وی کسکدے نہیں۔

”آپ ای خیال کر بھین۔“

”میں کیہ خیال کراں؟“ نالی اُتے تسیں آپ ای بیٹھے او میں تے نہیں بہایا۔“

راجو دے مونہہ تے معذرت والی کوئی لکیر وی نہیں سی تے نہ ای اوس ایہہ گل ہس کے آکھی سی سگوں گلہ کہتا۔

”ماسٹر جی ایہہ تھاں تے تساں اُکاٹل ای لئی اے، بالان نوں گھروں نہوا دھوا کے گھلی دا اے تے کوئی اکھر سکھ آون گے تسیں اوہناں نوں نالی بٹے بہا چھڈیا کرو، گند وچ بہہ کے چھٹاں توں گھا بردے او کیہ کہنے تہاڈے۔“

ماسٹر جی مجرماں دا گلوں نیویں پالئی راجو نال ایس طراں دی جی جی دو جے تیجے دن ہو جاندی۔ اوہ ہمیش راجو دی قینچی ورگی جیبھا گے چپ سادھ لیندے۔

جس بندے دے ہتھ گند وچ ہون، اوہ دے کولوں چٹ کپڑے لوک سدا توں ڈردے آئے۔ ماسٹر جی تے پکے سفید پوش سن۔ اوہناں دے کول راجو دے دو مُنڈے پڑھدے سن ویہاں (20) ویہاں (20) روپیاں تے۔ جے اوہ راجو نال اوکھا بولدے تے چالھیاں (40) دا نقصان جھلدے۔ بھانویں اوہ بوہت واری منگن پچھوں دیندی سی تے پیسہ جیہدے وی ہتھ وچ ہووے اوہ طاقت ور ہوندا اے۔ ماسٹر جی کہندے نیں ”پیسہ پستول ہوند اے تے اپنا لائسنس آپ ایس توں سارے خون معاف ہوندے نیں۔“

راجو تے انج ای کھنڈی پھری سی، بدرواں کڈھ کڈھ کے ایس دا مونہہ بدرو بن چکیا سی۔

ماسٹر جی دے کئی شاگرد جوان ہو کے نویں نویں کاروباراں وچ رُجھ گئے بعضے تاں اوہناں کولوں انج لنگھ جاندے جو یں جان دے ای نہیں پر ماسٹر جی نوں اپنے اوہناں شاگرداں تے بڑا مان سی جیہڑے کار وچ بیٹھے شوں کر کے کولوں دی لنگھ جاندے، ماسٹر جی اپنے دل وچ آکھدے:

”کیہ ہو یا جے اوہ مینوں سیاندے نہیں، ہین تے میرے شاگرد۔“ اوہناں نوں اوہ ویلے یاد سن جدا یہناں شاگرداں دیاں مانواں مُنڈیاں دی بانہہ پھڑی آندیاں تے ہنٹی کر کے آکھدیاں۔

”ماسٹر جی میں بڑی غریبی آئی، بوہتا دے نہیں سکدی۔ اپنے علم دی خیریت ایہوں سکول وچ چلن جوگا کر دیو۔“

ماسٹر جی نوں اوس ویلے انج لگدا جو جس سے تے اوہناں دا ای ہتھ اے۔

اوہناں دور روپے مہینہ لے کے وی پڑھایا تے بڑا چر پنچ (5) روپے لیندے رہے، ہن ویہہ (20) روپے ماہوار فی سچے لیندے سن۔ ماشاء اللہ ترقی تے تھیری کیتی پڑیہ جتھے سی او تھے ای رہیا۔ کوٹھڑی وی اوہو رہی جس دے وچ اک منجی ڈاہ کے تھوڑی جی تھیں سچدی سی جتھے مینہ پانی دے دنوں وچ انگلیٹھی رکھ کے روٹی ہانڈی کر لیندے سن۔

لنڈے مستری داپت عنایت ماسٹر جی نوں کدے نہیں بھل سکدا، کڑا کے دی ٹھنڈ عنایت دے ہتھ پیر پھٹے ہوئے، نلی چوندی کلا کرتا پجامہ پیروں نگا ہر کر داتر کالاں ویلے ماسٹر جی دی انگلیٹھی کول ہتھ پیر کے بہہ جاندا، اک دن ماسٹر جی نے پچھیا۔

”عنایت! تینوں پڑھن داشوق نہیں کھیڈن دا اے، پڑھیا کر۔“

”پڑھلاں گاتاں کیہ کراں گا ماسٹر جی۔“

”اوہ کملیا بندہ بن جائیں گا۔“

”بندہ تے میں ہن وی آں۔“

”میرا مطلب اے وڈا آدمی بن جائیں گا۔“

”تسیں تے وڈے آدمی نہیں بنے۔“

”فیر میں کیہ آں عنایت؟“

”تسیں ماسٹر جی اوبس۔“

ماسٹر جی چپ چپیتے رہ گئے۔ بناں لوڑ دے ہانڈی دا ڈھکنا چکیا، دال نوں اُبال نہیں سی آ رہیا پر اوہناں نوں لگیا مناں اُبال آ رہیا اے۔

فیر ویکھدیاں ویکھدیاں عنایت جوان ہو گیا۔ پتا لگاپی کسی علاقے وچ کباڑیئے دا کاروبار کر دا اے تے لہما مال بناؤندا اے۔ ہن عنایت دی ماں کدے کدے ایہدروں لنگھدی تے پل کولی اچھک کے اوپرے جیسے جی نال پچھدی۔

”کیہ حال اے ماسٹر جی راضی او؟“

عنایت دی ماں پہلے نالوں جوان تے سوہنی ہو گئی اے۔ اوس دی چال وچ اعتماد اے جیہڑا ماسٹر جی نوں ہتھ وچ سوٹی پھڑ کے وی نہیں ملایا۔

اک دن راجو اپنے سب توں نکے اٹھویں (8) پتر دی بانہہ پھڑی آئی تے ماسٹر جی دے ساہمنے آکڑ کے کھلو گئی۔ اج اوس دی آکڑ پہلے نالوں وی ودھ سی۔

”لو فیر ماسٹر جی کیہ یاد کرو گے اساں اپنا اخیر بال وی تہاڈے کول ہی بہا کے پڑھانا اے۔ سکولاں دے ماسٹر آگ لگنے کچھ نہیں سکھاندے۔ ماسٹر جی! میں چاہنی آں مُنڈے نوں حرف چکنے آ جان۔ باہر جا کے سوکھا رہے گا، خیریں وڈے دونوں تہاڈے شاگرد باہر نہیں۔“

خورے کیہ کچھ گھلی جانے میں مینوں تے اوترے ناں وی نہیں آؤندے۔ کلر ٹیلی ویژن وی سی آر، ٹیپ ریکارڈر، باللاں دے بولن والے کھڈونے، سیٹی والیاں جتیاں سیٹے سوائے کپڑے، ٹھنڈی الماری۔“

ماسٹر جی نے اکھاں چک کے تکیا راجو نے اج بڑے سوہنے نویں کپڑے پائے ہوئے سن۔

”لوکیں تہانوں ویہہ (20) روپے دیندے نیں، میں تہانوں تریہہ (30) دیواں گی کوئی تھوڑ نہیں۔“

ماسٹر جی راجو دے چھوٹے پُتر نوں پڑھاندے رہے۔ چھ مہینے ہو گئے سال لنگھ گیا، ایس سال دے وچ راجو چار (4) یا پنج (5)

واری پیسے دتے اوہ وی توڑ توڑ کے نال ایہہ وی آکھیا:

”مُنڈے نوں تھوہ لیکھاتے آیا نہیں پر میں خیال کرنی آں تسیں پرانے او، پچھلی پڑھائی لئی تسیں ای ٹھیک او۔“

ماسٹر جی جدوں پورے پسیاں دا مطالبہ کیتا۔ راجو آکھیا۔

”ماسٹر جی اسیں کدھرے نئے جانے آں۔ میں اپنے وڈے مُنڈے نوں سُنہیا گھلیا اے آؤندا ہو یا ماسٹر جی لئی گھڑی لیا میں۔“

تے نالے ماسٹر جی رفیق، شفیق ہرواری ٹیپ وچ تہانوں سلام گھلدے نیں۔ اللہ دی سونہہ ہُن تے پڑھن لکھن دی لوڑ ای نہیں رہی۔

ہیں؟ سلام گھلدے نیں۔۔۔۔۔ ٹیپ کر کے دوواں نوں میرے ولوں پیار آکھیں، نالے آکھیں آؤن تے ملن۔“

ماسٹر جی لئی ٹیپ والی گل نویں تے اچرج سی راجو ٹھیک آکھدی سی، ہن پڑھن لکھن دی کیہ لوڑ اے۔

پر ماسٹر جی پرانے خلوص نال راجو دے پُتر تے دو جے مُنڈیاں نوں پچھلی پڑھائی کراؤندے رہے۔ جویں اگے کراؤندے سن

جدوں دابا ہر جان آؤن داکم شروع ہو یا ماسٹر جی نوں دنیا دے دیدیاں وچ سوکا دسداسی۔ انج شاگرداں نوں ترقی کیتیاں ویکھ کے اوہناں

داجی خوش ہوندا سی پر ہن پیراں تھلیوں جویں کوئی پوڑی کھچ رہیا ہووے۔

روز وائگ اوس دن وی اوہ پیڑھی ڈاہ کے شاگرداں دی قطار دے ساہمنے بیٹھے رُعب دار اواز نال سبق رٹا رہے سن، گرمیاں دالوڈھا

ویلا ہوئی ہوئی ترکالاں ول ودھر رہیا سی کہ کسے عین سرتے کھلو کے مکے دی طراں سلام مار یا، اوہناں داکمزور دل کنب گیا۔ آؤن والے اپنا

تعارف کرایا۔

”ماسٹر جی! میں رفیق آں، پچھتا نہیں؟ میں تہانوں آؤندیاں ای پچھان لیا تسیں اونویں دے اونویں اوہ۔“

ہاں میں اونویں دا اونویں ای آں۔۔۔۔۔ توں باہروں کدوں آیا ایں۔

”پنج (5) چھ (6) دیہاڑے ہوئے نیں۔۔۔۔۔ ایقہوں لنگھیاں تے نظر پئی دسوہور کیہ حال اے۔“

”توں اپنا دس۔“

”عیش کرنے آں ماسٹر جی۔۔۔۔۔ اچھا میں چلنا آں کسے نوں ٹیم دتا ہو یا اے۔ رفیق گُٹ تے لگی ہوئی ڈیجیٹل گھڑی ول تکداؤ پیا۔“

اوہ ٹر گیا تے ماسٹر جی نوں اوس گھڑی دا خیال آیا جس دا لارا راجو سال بھرتوں لا رہی سی۔ پوری ٹیوشن فیس نہیں سی دیندی۔ اج دی شام

ماسٹر جی دادل انھے خالی کھوہ وچ ڈگ پیا۔ خالی کھوہ وچوں اک گونج سنائی دیندی سی۔

”کیہ اے، ایہہ سبھ کیہ اے۔“

ڈاکٹر انعام الحق جاوید

ڈاکٹر انعام الحق جاوید، چوہدری غلام حسین دے گھر 6 جون 1949ء نوں فیصل آباد وچ پیدا ہوئے۔ پنجاب یونیورسٹی توں ایم اے اردو تے ایم اے پنجابی کیتا۔ 1985ء وچ پنجاب یونیورسٹی نے ایہناں دے مقالے ”پنجابی ادب دا ارتقاء (پاکستانی دور)“ تے پی ایچ ڈی دی ڈگری دتی، کتاب ”اجوکی کہانی“ دے ناں نال تنقید تے تحقیق بارے کتاب 1979ء وچ چھپی۔ 1980ء وچ تنقیدی مضموناں دی کتاب ”پرکھاں“ تے پنجابی ڈراما دے ناں نال 1986ء وچ ادارہ ثقافت پاکستان اسلام آباد ولوں اردو زبان وچ شائع ہوئی۔ 1990ء وچ پنجابی ادب دا ارتقاء (1947ء توں 1988ء) چھپی۔ تے ”پاکستان ان پنجابی لٹریچر“ دے ناں نال 1993ء وچ شائع ہوئی۔ 1987ء وچ پنجابی توں اردو تراجم دے ناں نال پنجابی توں اردو وچ ترجمہ ہون والیاں کتاباں تے پھٹکل تحریراں دی توضیحی بیلوگرافی مرتب کیتی تے ترجمہ دے ہو کر کم توں علاوہ خوشحال خان خٹک دی اک بیاض دا پنجابی ترجمہ کیتا۔

نقاد تے محقق ہون دے نال نال انعام الحق جاوید شاعری ہن۔ اردو تے پنجابی دونوں زبانوں وچ شاعری کردے نیں۔ مقتدرہ قومی زبان نال وی منسلک رہے۔

پنجابی نثر دیاں ونڈاں:

تاریخی تے تہذیبی اعتبار نال ویکھیا جائے تے پنجابی ڈھیر پرانی زبان اے تے دو جیاں زبانوں دے ادب وانگوں ایہدے وچ وی نظم دا مڈھ نثر توں پہلے بھاتے نثر، شاعری دے چوکھا چر بعد ہوند وچ آئی۔ ابتدائی دور دی نثر دا جائزہ لیا جائے تے نوشہ گنج بخش رحمۃ اللہ علیہ دیاں وعظاں توں لے کے پچھلی صدی دے ادھ تکر جیہڑیاں نثری تحریراں ساہنے آئیاں اوہ براہ راست دینی مسئلایاں دے بیان، مذہبی تے تبلیغی مقصداں تے اخلاقی درس نال تعلق رکھ دیاں سن جد کہ پنجاب اُتے انگریزاں دے قبضے توں بعد پنجابی زبان نثر دیاں نویاں تخلیقی صنفوں یعنی افسانے ناول تے ڈرامے نال متعارف ہوئی۔ بعد وچ ایسے اثر پیٹھ سفر نامے تے انشائیے وی لکھے گئے تے طنز تے مزاح توں علاوہ تحقیق، تنقید وچ وی کم شروع ہويا۔ ایہناں دا دکھو دکھو سرنانویاں پیٹھ مختصر جیہا جائزہ پیش اے۔

افسانہ:

کہانی دا لفظ کہن توں بنیا اے۔ بعد وچ نویں دور دیاں نویاں لوڑاں پیٹھ کہانی ہولی ہولی موجودہ افسانے دا روپ دھار دی چلی گئی۔ موجودہ صدی دی پہلی چوتھائی توں بعد پنجابی کہانی نے بدلیاں ہوئیاں قدریں تے لہراں نوں اپنے اندر سمیٹ دیاں ہوئیاں کئی موڑ مڑے تے کئی مہاندے بدلے بدل کے اخلاقی تے اصلاحی موضوعاں توں ہوندی ہوئی آج دے مہاندے تک اپڑی۔ مڈھلے دور دیاں کہانی کاراں چوں جوشوا فضل الدین داناں چوکھا سر کڈھواں اے۔

پاکستان بنن توں فوراً بعد جیہڑے افسانے لکھے گئے اوہ زیادہ تر بیانیہ تے سدھ پدھرے انداز دے سن جیہناں وچ کوئی قصہ بیان کیتا گیا ہوند اسی یاں کسے خاص واقعے یاں تاثر توں ابھار یا گیا ہوند اسی۔ 1960ء توں 1975ء تک دا زمانہ افسانے دا موہر لایا عبوری دور بن دا اے۔ ایس عرصے اندر افسانے وچ ہر طراں دے موضوع تجربے دی کھالی وچ ڈھل کے تخلیقی سطح تے ساہنے آنے شروع ہو گئے سن۔ نواز دا مجموعہ ”ڈونگیاں شاماں“ مطبوعہ 1960ء پاکستان بنن توں بعد چھپن والی پہلوٹھی دی کتاب بن دی اے۔

1975ء توں بعد دے دور وچ فنی تے فکری پختگی توں علاوہ طبقاتی کشمکش، معاشرتی نا انصافیاں تے اقتصادی جبر دے حوالے نال اُبھرن والی لہروں مکھ رکھیاں ہوئیاں کہانی وچ سماجی شعور دی ڈونگھیاں وی جھلکنی شروع ہو گئی۔

جس طراں فکری اعتبار نال اج دے افسانے وچ کئی انگ پائے جاندے نیں۔ ایسے طراں فنی تے تکنیکی لحاظ نال وی ہن افسانہ چوکھے روپ وٹا چکیا اے۔ ”طویل مختصر افسانے“ تے ”مختصر ترین افسانے“ یعنی افسانچے وی لکھے جارہے نیں۔ تے ”شعور دی رو“ دے حوالے نال وی نویکے تجربے ہو رہے نیں۔ جیہناں وچ کسے کردار دی سوچ دے حوالے نال اکو لہر وچ تخلیق مکمل کیتی جاندی اے۔ ایسے طراں ڈرامائی اختتامیے یعنی چونکا دین والے افسانے وی خاص اہمیت رکھدے نیں جیہناں دے آخر وچ آن والی ”پتھ لائن“ پورے افسانے نوں اک نویں مفہوم نال ہم آہنگ کر دیندی اے۔

اک معیاری افسانے بارے کہیا جاند اے پئی ایہہ بوہت ساریاں خوبیاں دا حامل ہوندا اے تے کئی عنصر مل کے ایہہ دے وچ تاثیر پیدا کردے نیں مثلاً فقریاں دی ہنتی فنی پکیائی، گل کرن دا نویکلا ڈھنگ، اظہار دی تازگی، کہانی یا واقعہ پلاٹ یعنی خاکہ دلچسپ تے موہ لین والا مڈھ، واقعات دی آپس وچ جڑتل تے لہجہ دا اتار چڑھا۔ ”ساہنے دی گل نوں تختل دی استاکاری نال نوں روپ دین دافن زندگی دے کسے اجیسے تجربے نوں ساہنے لیان دا ول جیہہ عام اکھاں توں اوہلے ہووے تے انجام یعنی کہانی دا ایسا انت کہ پورے واقعے دا کوئی نتیجہ نکل کے ساہنے آسکے۔ ایس اعتبار نال ویکھیے تے پتا لگدا اے جے مختلف رجحاناں پٹھ پنجابی افسانہ ہر نویں ویسی سُر ت نال سُر ملاندیاں ہوئیاں آج دے دور تک پہنچیا تے آج جدید علامتی افسانے دا دور اے جیہدے وچ علامت، شعوری استعمال پاروں اوّل حیثیت اختیار کر جاندی اے تے لفظ مفہوم نوں تلی تے رکھ کے ساہنے آن دی بجائے مٹھی وچ لکائی رکھدے نیں تے تھوڑی کیتیاں کسے نوں اپنا بھیت نہیں دیندے۔ ایس رنگ دیاں افسانیاں دادو جا پہلو اوہ اے جیہدے وچ ناصر بلوچ تے منشا یاد دیاں افسانیاں و انگوں کہانی پن دا عنصر وی علامت دے نال نال چلدا اے۔

ناول:

ناول اطالوی زبان دے لفظ ”ناویلا“ توں نکلیا اے جیہدے معنی نویں گل دے نیں۔ ہندوستانی زباناں وچ ناول، انگریزی ساہت دے اثر پٹھ پہلاں بنگالی اردو تے ہندی وچ لکھیا گیا تے فیر پنجابی تک اپڑیا۔ 1897ء وچ چھپن والے ”سندری“ نوں پہلا پنجابی ناول متھیا جاند اے۔ میراں بخش منہاس پہلا مسلمان لکھاری سی جیہنے 1923ء وچ ”جٹ دی کرٹوت“ عرف نواب خان دے ناں نال دیہات سدھر دے جذبے پٹھ سماجی نوعیت دا اک ناول لکھیا جیہدے وچ زبان تے بیان دے معیاری استعمال دے نال نال واقعہ نگاری ول وی پوری توجہ دتی گئی سی تے نام نمود واسطے پینڈو سماج وچ رواج پا جان والیاں منفی ریتاں تے رسماں نوں نویکے رنگ نال پیش کر کے حقیقت پسندانہ انداز وچ ایہناں دے اُپا دا چارہ کیتا گیا سی۔

ناول دے وکھو وکھ بُنتری انگاں ول جھات پائی جاوے تے پتا لگدا اے جے ایہہ افسانے دی ای اک کھلری ہوئی صورت اے جیہدے وچ کسے اک کردار دی زندگی دے کسے اک پہلو دی بجائے پوری حیاتی دے متعلق اہم واقعات نوں کلاوے وچ لے کے پیدائش توں موت تک دے حالات نوں کامیا بیاں تے ناکامیاں سنے بیان کیتا گیا ہوندا اے۔ پلاٹ، کردار نگاری، مکالمے، موضوع تے

منظر نگاری نوں ناول دے اہم جو تصور کہتا جاندا اے۔ پلاٹ خام مواد دی ترتیب یاں مختلف واقعات دے ربط نوں کہیا جاندا اے۔ کردار نگاری لئی ضروری اے جے ناول دیاں کرداراں نوں عام فطری انداز وچ پیش کر کے ایہناں نوں مختلف تبدیلیاں تے ارتقائی منزلاں چوں گزر دیاں ہو یاں دکھایا جائے۔ منظر نگاری توں مراد صرف فطری منظر اں دی چتر کاری نہیں بلکہ ایہدے وچ سماجی زندگی دے مختلف منظروی شامل ہوندے نیں۔

پاکستان بنن توں بعد چھپن والا پہلا ناول جوشو افضل الدین دا ”برکت“ (مطبوعہ 1954ء) سی جیہڑا کہ نفسیاتی پس منظر وچ الکیا گیا سی۔ زمانی و نڈ دے اعتبار نال 1970ء توں بعد دا دور تے خاص طور تے 1976ء دا سال اک اجیہا موڑ بن دا اے جتھے آکے ناول نگاری ول ایچا دھیان دیتا گیا۔ ایس اک سال وچ ای چھ ناول شائع ہوئے جد کہ 1971ء توں پہلاں دے دور یعنی 23 ورہیاں وچ صرف پنج ناول چھاپے چڑھ سکے سن۔ بہر حال پنجابی وچ ہُن تک رچے گئے ایہناں ناولاں وچ اخلاقی ناول وی نیں تے سوانحی وی، سماجی ناول وی نیں تے رومانی وی، سیاسی ناول وی نیں تے نفسیاتی وی۔ پر زیادہ تر ناول سماجی یا رومانی نوعیت دے نیں۔ جیہناں وچ پینڈور ہتل تے پنجاب دیاں ریتاں سماں دی وی عکاسی کیتی گئی اے۔

ڈرامہ:

ڈرامے دا لفظ یونانی زبان دے لفظ ”ڈراؤ“ توں نکلیا اے جیہد ا مطلب اے عمل کر کے دکھانا، مطلب ایہہ کہ ڈرامے وچ قول نوں عمل دے رُپ وچ تے فرد نوں تحریر دے مطابق ڈھال کے پیش کیا جاندا اے۔ ایس فن دی تاریخ بوہت پرانی اے۔ مصر تے چین دے نال نال مشرق وچ ہندوستان تے مغرب وچ یونان نوں ایہد ا جنم گھر متھیا جاندا اے۔ پنجابی وچ ڈرامے دا باقاعدہ آغاز انگریزی دور وچ ہو یا تے موجودہ صدی دے پہلے دہاکے وچ اسٹیج لئی باقاعدہ تخلیقی ڈرامے لکھے جان لگ پئے جد کہ ریڈیو دی ایجاد دے نال ای ایس فن نے اک نواں پاسا پر تیا تے ریڈیو جیہتی ای اپنے سنن والیاں نوں سمجھوتے دی اوس سطح تے لے آیا جتھے سماعت کولوں بصارت داکم لیا جان لگ پیا۔ رفیع پیر دا ڈرامہ ”اکھیاں“ (1938ء) پہلا ریڈیائی ڈرامہ سی۔ ایہدے بعد ڈرامہ سکرین تک جا پہنچیا تے موجودہ دور وچ ایہہ فن چار خانیاں وچ ونڈیا جا چکیا اے۔ (1) ریڈیو ڈرامہ (2) ٹی وی ڈرامہ (3) اسٹیج ڈرامہ (4) لکھتی ڈرامہ

پلاٹ، مرکزی خیال، کردار نگاری، تصادم یا کشمکش تجسّس تے مکالمے وغیرہ اک چنگے ڈرامے لئی بنیاد وادرجہ رکھدے نیں۔ کسے کہانی نوں واقعات دے جیہڑے تسلسل یاں خاکے وچ پرویا جاندا اے اوس نوں پلاٹ آکھدے نیں تے مرکزی خیال یا بنیادی مقصد پلاٹ دی روح یا اوس درمیانی نقطے نوں کہندے نیں جیہدے آل دوا لے کہانی دا جال بنیا جاندا اے۔

جویں ڈرامائی تشکیل دی کامیابی، پلاٹ تے قصے تے منحصر ہوندی اے انجے ای قصے دی کامیابی دا انحصار ایہدے کرداراں تے ہوندا اے۔ ہیر واپنے نصب العین تک اپڑن لئی جتن کردا اے جد کہ ولن بار بار تصادم تے کشمکش دی صورت پیدا کردا اے۔ تے تصادم دی ایہو صورت حال ڈرامے وچ تجسّس یاں حیرت دی راہ ہموار کردی اے۔ مکالمیاں دا شمار ڈرامے دیاں یاد رہ جان والیاں چیزاں وچ ہوندا اے۔ ایس لئی ضروری ہوندا اے جے زبان تے بیان دی موزونیت دے علاوہ ایہہ برجستہ، برخل تے پکے پیڑھے ہون۔

جس طراں زندگی خوشی تے غم دونواں جذبیاں نال عبارت اے ایسے طراں داخلی اعتبار نال ڈرامے دیاں وی دو قسماں بن دیاں

سن۔ طریقہ تے المیہ المیہ یعنی ٹریجڈی دا رخ بوہتا کر کے داخلیت ول ہوندا اے جد کہ کامیڈی یعنی طریقہ زندگی دی شگفتہ نقل نال بن دا اے۔

پنجابی وچ ڈرامے دے مڈھلے لکھاریاں وچوں سجاد حیدر، آغا اشرف تے اشفاق احمد دے نال سرکڈھویں نیں۔ پاکستان بنن توں بعد چھپن والی ریڈیا کی ڈرامیاں دی پہلے کتاب سجاد حیدر دی ”ہوادے ہوکے“ (1957ء) بن دی اے جد کہ کتابی صورت وچ شائع ہون والا پہلا ٹیلی پلے مٹو بھائی دا ”جزیرہ“ (1977ء) سی۔ ٹی وی ڈرامہ ڈرامے دی سبھ توں ترقی یافتہ شکل بن دی اے کیوں جے ایس نوٹس میڈیم دے ذریعے ہر نوعیت دا منظر براہ راست دکھایا جاسکدا اے۔

سفر نامہ:

سفر تے سفر نامے دی تاریخ ول جہات ماری جائے تے پتا لگدا اے جے سفر ہر دور وچ انسان دی بنیادی ضرورت رہیا اے۔ فیر جدوں بندے نے لکھنا شروع کیا اوہدیاں تحریراں وچ سفر دے حالات وی آنے شروع ہو گئے۔ ایہہ اوہ دور سی جدوں تاریخ تے سفر نامہ اکو گھر وچ رہندے سن۔ ابن بطوطہ تے ہور پرانے سیاحواں دیاں لکھیاں ہویاں تاریخاں وچ سفر نامے دے ابتدائی عنصر اں دا سراغ لکھدا اے۔ فیر جویں جویں علم دی روشنی و ودھدی گئی سفر نامہ، تاریخ نالوں اپنا نکھیر اکردا گیا پر حالے وی جتاں چر تک سیاح دی اکھ مؤرخ دی سوچ تے ادیب دا قلم تے رل کے اک سانجھا منظر لکھن دا جتن نہ کرن اک چنگا سفر نامہ تخلیق نہیں ہو سکدا۔

جدید حوالیاں نال ادب وچ سفر نامے دی عمر بوہت گھٹ بن دی اے۔ ویسے وی ایہہ نوں اک مہنگی صنف کہیا جاند اے کہ ایہہ دے لئی پہلے کسے ملک یا علاقے دی سیر کرنی پیندی اے جیہدے لئی دولت تے فرصت ضروری ہوندی اے۔ فیر بندے دا صحت مند ہونا وی ضروری ہوندا اے تاں جے اوہ اپنے پیراں تے ٹر کے ہر منظر دا باریکی نال مشاہدہ کر سکے۔ فیر سفر کرن والا ہر بندہ اپنے مزاج تے اپنے مقصد نوں لکھ رکھ کے ای اپنے لئی رستہ چن دا اے تے رستیاں، مزاجاں تے مقصد اں دا ایہہ اختلاف اے، جیہہ ایس صنف وچ رنگارنگی پیدا کردا اے تے پڑھن والے نوں دلچسپی دا عنصر فراہم کردا اے۔

انج تے بیان دی صداقت تے اظہار دی سچائی کسے سفر نامے نوں دلچسپ بنان لئی کئی طریقے ورتے جاندے نیں۔ کدھرے مضحک یاں فکر انگیز صورت حال نال قاری دا نا کر اکر ادا جاند اے تے کدھرے افسانوی انداز اختیار کر کے تخیل تے رومان دے ذریعے دلچسپی پیدا کیتی جاندی اے۔ حیرت وی سفر نامے دا اک بنیادی جزا اے۔

پنجابی وچ پہلا سفر نامہ ”میرا اولائیتی سفر نامہ“ سی جیہہ 1933ء وچ شائع ہويا۔ پاکستان بنن توں بعد 1975ء وچ شائع ہون والی اعجاز الحق دی ”یورپ توں چیونگم دے نال“ سفر نامے دی پہلی کتاب بن دی اے۔ ایس توں بعد سلیم خان گمی، محمد اسماعیل حمدانی، سجاد حیدر پرویز، ممتاز ڈاہر، نعیم ثاقب، ارشد میر تے ہور کئی لکھاریاں ایس صنف نوں اپنا کسے ایہدے وچ وادھے کیتے۔

انشائیہ:

انشائیہ انشا پردازی توں نکلیا اے تے لغوی معنیاں وچ موضوع توں ہٹ کے ایہہ نوں اک انجہی تحریر ہونا چاہی دا اے جیہدے وچ

انشا پردازی تے بیان دے زور نوں مذہلی اہمیت حاصل ہووے، پر اصلاحی معنیاں وچ ایہدے توں مراد اک خاص قسم دی صنف لیا جاندا اے جیہڑی افسانے توں وکھ طرز تے مزاح توں مختلف تے عام مضموناں توں ہٹ کے اپنی اک وکھری پہچان رکھدی ہووے۔ موجودہ حوالے نال انشائیہ انگریزی دی صنف Light Personal Essay دا ترجمہ بن دا اے پارکھاں دی اکثریت حالے ایہدے کسے اک سانجی تے جامع تعریف تک نہیں پہنچ سکی۔ ایس بے وساہی دی اک وجہ تے ایس صنف دی کم عمری اے تے دوجی وجہ ایہہ اے جے ایہہ اک چکیلی صنف اے جیہد اعلق داخلی سطح نال اے تے خارجی سطح تے ایہدی اپنی کوئی ہیئت یا فارم یا شکل نہیں اے۔

مشتاق باسط دی کتاب ”سکھ داساہ“ پنجابی وچ چھپن والی پہلی کتاب اے جیہنوں ایہدے سرجنہار نے آپوں انشائیہ دی کتاب کھیا اے۔ پھٹکل لکھن والیاں توں علاوہ اسلم قریشی، عاشق رحیل، محمد اسلم متوالا، ناصر رانا، میاں ظفر مقبول تے ہور کئی لکھاریاں دیاں کتاباں وی چھپ چکیاں نیں۔ جیہناں دے ذریعے انشائیہ دے مختلف روپ ساہنے آرہے نیں۔

طرز تے مزاح:

عربی دا اکھان اے کہ ”الْمَزَاحُ فِي الْكَلِمِ كَالْمِلْخِ فِي الطَّعَامِ“ یعنی گفتگو وچ مزاح دی اوہو اہمیت ہوئی اے جو کھانے وچ لون دی، تے ایہہ اودوں تک ای لطف دیندا اے جدوں تک ایہدی مقدار ایہو رہوے کیوں جے حیاتی نوں اُسارن تے دھرتی نوں شگھارن لئی سنجیدگی نال کم کرنا ضروری ہوندا اے تے مزاح داکم صرف ایناں اے کہ جدوں کم دا تھکیو اں بندے دے جُتے ٹوٹ پانے پا کے اوہدیاں تڑواں کھچ رہیا ہووے، ایہہ اوہنوں اک اجیہی تفریح مہیا کرے جیہڑی اوہدے جسم تے دماغ نوں کجھ چرلنی آل دوالے توں بے خبر کر کے انج ہولا پھٹل کر دیوے کہ اوہ مڑا گنہہ ٹرن لئی تیار ہو جاوے۔

بنیادی طور تے طرز و مزاح صنف سخن نہیں بلکہ موضوع سخن اے یعنی مزاح شاعری وچ وی ورتیا جاسکدا اے تے نثر وچ وی۔ نثر وچ مزاح پیدا کرن لئی جیہڑے حربے اختیار کیتے جاندے نیں اوہناں وچ لفظی بازیگری، لطیفہ گوئی، واقعاتی مزاح تے صورت حال دا مزاح زیادہ اہم نیں۔ خاکہ نگاری وی اصولوں مزاح دی ای اک ذیلی صورت اے جیہدے وچ شگفتہ انداز اختیار کر کے کسے فرد دی شخصیت دا تجزیہ کیتا گیا ہوندا اے۔

پنجابی نثر وچ مزاح دا گھرانہ پیاں ہویاں پچھے جاییں تے نظراں زیادہ توں زیادہ ہفتہ وار مخولیا اخبار ”موجی“ تک ای جاندیاں نیں جیہدا 1931ء وچ جاری ہو یا سی۔ پاکستان بنن توں بعد انور علی دی کتاب ”کالیاں اٹاں کالے روڑ“ (مطبوعہ 1972ء) نوں اڈلیت دا درجہ حاصل اے۔ ایہدے بعد ارشد میر، اسلم قریشی، ابن قیصر سجاد حیدر پرویز تے ہور لکھاریاں دیاں کتاباں آیاں تے پھٹکل مضموناں دی صورت وچ چوکھا مزاح تخلیق کیتا گیا۔

تنقید:

تنقید دا مادہ نقد اے تے ایہنوں آلوچنا یا پرکھ پڑتال وی کہیا جاند اے۔ کسے سیانے آکھیا اے کہ تنقید دا مطلب اے ”انانج نوں انج ٹھپکنا کہ دانہ توڑی توں وکھ ہو جائے۔ ایس اعتبار نال پارکھ داکم ایہہ بن دا اے جے اوہ ادب پارے دا تجزیہ کردیاں ہویاں کھرے تے

کھوٹے نوں دکھ کر کے رکھ دیوے۔

پرانے زمانے وچ پنجابی تنقیدی پہلی کتاب ”پریم کہانی“ وانگوں تنقید تشریح یا تذکرے دے انداز وچ کیتی جاندی سی پر نوں دور وچ ایہہ باقاعدہ اک فن دی صورت اختیار کر چکی اے تے ہُن اک نقاد سماجی حوالیاں توں علاوہ لکھاری دے نفسیاتی پچھوکڑ نوں وی دھیان وچ رکھ کے محاکمے، موازنے تے تقابلی مطالعے دے ذریعے تخلیق نوں انج پرکھدا اے جے ایہہ اہر رنگ نثر کے سامنے آ جاند اے۔

بنیادی طور تے تنقید دے دو پہلو بن دے نیں۔ اک نظری، جیہدے وچ تنقیدی اصولاں تے بحث کیتی گئی ہوندی اے تے دوجی اطلاقی تنقید، جیہدے وچ تنقیدی اصول لاگو کر کے فن پارے دی صنف یا ادبی دور دا باقاعدہ جائزہ لیا گیا ہوند اے۔ متوازن تنقید اوہ ہوندی اے جیہدے وچ اک نقاد کسے اک خاص نظریے دی بجائے متوازن انداز وچ ساریاں اصولاں توں کم لیند اے تے کسے فن پارے دا جائزہ لیند یاں ہو یاں نفسیاتی، سماجی، معاشی، عمرانی تے تاریخی پچھوکڑ توں علاوہ ہر وی کئی پہلو آں نوں سامنے رکھدا اے۔ تخلیق نوں زمانی اعتبار نال وی جانچدا اے تے دوجے فن پاریاں نال ایہہ انتقابی مطالعہ کر کے ایہہی قدر تے قیمت دا تعین کردا اے۔

تحقیق:

تحقیق دا مطلب اے دوبارہ لکھنا، ایس لئی جس طراں تنقید کردیاں ہو یاں تحقیقی نگاہ دا ہونا ضروری ہوند اے ایسے طراں تحقیق کردیاں ہو یاں وی تنقیدی شعور اک اہم جز دی حیثیت رکھدا اے۔

پنجابی وچ تحقیق یعنی کھوج کاری داسہرا بوہتا کر کے اوہناں انگریز حکمراناں دے سر جاندا اے جیہدے اپنے علمی ادبی ذوق تے دوجیاں لوڑاں پاروں ایہوں دیاں علاقائی زبانوں وچ وی کم کر دے رہے۔ پنجابی وچ کھوج دی ابتدا السانی حوالے نال ہوئی۔ ہُن تک چھپے تحقیقی مواد دا جائزہ لیا جائے تے ایہدے چار رخ بن دے نیں۔ اک اوہ جیہدے وچ پہلے توں موجود مختلف حوالیاں نوں سامنے رکھ کے قیاس تے دلیلاں نال متاوردیاں کاڈھاں کڈھن دی کوشش کیتی گئی اے۔ زباندانی، گرامر، لغتاں وغیرہ دے سلسلے وچ ہون والا کم ایسے ضمن وچ آؤندا اے دوجا اوہ جیہدے وچ براہ راست عملی تحقیق دے ذریعے پہلی واری کوئی تحریر یاں شخصیت سامنے لیاندی گئی جو یں شریف احمد شرافت نوشاہی نے کھوج کر کے پنجابی دے اک صوفی بزرگ نوشہ پیر رحمۃ اللہ علیہ دے وعظ لکھے۔ ایس دریافت نال پنجابی ادب دی نثری تاریخ کئی ورہ پچھانہ چلی گئی تے ہُن ایدھے آغاز دا زمانہ 990 ہجری متھیا جاند اے۔ تیسری قسم سودھیاں تے مرتب کیتیاں گئیاں کتاباں تے مبنی اے جیہنوں متنی تحقیق وی کہیا جاند اے۔ جو یں ہیر دے نسخے یاں شاہ محمد دی وارنوں چھان پن کر کے یاں ہور کئی پرانے شاعراں دے کلام نوں سودھ کے سامنے لیاند اگیا اے۔ چوتھی قسم اوہ اے جیہدے ذریعے لوک ادب نوں محفوظ کرن دا آہر کیتا گیا اے۔

کھوج بارے کہیا جاند اے جے ایہہ امرکز کوئی نہ کوئی ایسا مسئلہ ہوند اے۔ جیہدے بارے نوں گل کرن دی گنجائش موجود ہوندی اے تے کھوجی سائنسی نقطہ نظر نال غیر جذباتی انداز اختیار کر کے کوئی نہ کوئی ایہو جیہاں متا رواں نتیجہ پیش کردا اے کہ حقیقت دے اصل مکھ توں گھنڈ لٹھ جاند اے۔

(غیر مطبوعہ)

ڈاکٹر یوسف بخاری

ڈاکٹر یوسف بخاری 29 اپریل 1940ء نوں سید محمد یاسین بخاری دے گھر رنگوار بارہ مولا (کشمیر) وچ پیدا ہوئے۔ مڈھلی تعلیم سینٹ جوزف ہائی سکول بارہ مولا (کشمیر) توں حاصل کیتی۔ ایم اے اردو تے ایم اے انگریزی دے امتحان پاس کرن توں بعد کجھ عرصہ بلوچستان دے مختلف کالجوں تے یونیورسٹی وچ پڑھاندے رہے۔ پنج ورہے تیکر گورنمنٹ کالج خاران دے پرنسپل وی رہے۔ ”کشمیری اور اردو زبان کا تقابلی مطالعہ“ دے عنوان پٹھ تحقیقی مقالہ لکھ کے پنجاب یونیورسٹی توں پی ایچ ڈی دی ڈگری حاصل کیتی۔

ڈاکٹر یوسف بخاری نوں ایہہ اعزاز حاصل اے کہ پنجاب یونیورسٹی وچ کشمیری زبان تے ادب دی ابتدا ایہناں دے ہتھوں ہوئی۔ اردو، انگریزی، پنجابی تے کشمیری زبانوں وچ لکھدے نیں۔ بھانویں اوہناں دامن پسند مضمون کشمیریات اے فیروہ پنجابی زبان تے پنجابی رہتل نال اوہناں دی محبت دا اندازہ ایتھوں لایا جاسکد اے کہ کشمیریات بارے پنجابی وچ وی لکھدے نیں، زبان عام فہم تے رواں استعمال کردے نیں جیہدے وچ تحقیقی تے علمی رنگ نمایاں ہوند اے۔ اج کل پنجاب یونیورسٹی وچ شعبہ کشمیریات دے سربراہ نیں۔ ہُن تک ایہناں دیاں ایہہ کتاباں چھپ چکیاں نیں۔ ”کشمیری اردو کا تقابلی مطالعہ“، ”مقالات“، ”عالم تصوف اور کشمیر“، ”کاشترکھا اور کشمیری لسانیات“، ”کاشترگرامر آؤ کشمیری سیکھیں“، ”سون رسول پاک صلی اللہ علیہ وآلہ وسلم“، ”(سیرت)“، ”کاشتر شاعری“، ”صوفیائے کشمیر“، ”کشمیر نامہ“۔

حبہ خاتون

کشمیری وادی جس نوں جنت نظیر وی آکھیا جاندا اے۔ ایہہ دنیا دیاں حسین ترین وادیاں وچ شمار ہوندی اے۔ ایتھے ون سوئے رکھاں نے بہار لائی ہوئی اے۔ رنگ برنگے پھلاں تے پھلاں دے رنگاں تے مہکاں نال وادی دا حسن تے جمال ہوری وی ودھ جاندا اے۔ گل کیہ قدرت دیاں ان گنت رعنائیاں ایس خطے دیاں انمول ٹومیاں نیں۔ ایس دے نال نال ایہہ دھرتی علم، فضل، ادب تے ثقافت دی دولت نال وی مالا مال اے۔ ایس مردم خیز وادی وچ ویلے ویلے نال عظیم دانشور، شاعر تے ادیب جنم لیندے رہے تے کشمیر دے وسنیکاں دے دلاں، ذہناں تے روحاں نوں اپنے علم دی روشنی نال متور کر دے رہے۔ ایتھوں دی شاعری وچ جتھے ایس مٹی دی مہک تے رنگ رچے ہوئے نیں۔ او تھے ای کشمیر دی سیاسی، سماجی تے معاشی تاریخ دے وی بے شمار باب موجود نیں۔ ایہناں شاعراں وچوں کئی شاعر جیسے گزرے نیں جیہناں دی شاعری وچ جتھے کشمیر دا حسن تے جمال موجود اے او تھے ای کشمیر دا لوک رنگ وی جھلکدا اے تے ایہہ سارا کجھ کشمیر دی کلاسیکی شاعری دا انمول خزانہ نیں۔

حبہ خاتون کشمیر وادی دی اک اچھی شاعرہ اے جیہنے اپنی شاعری وچ کشمیر دی ثقافتی، سماجی تے معاشی صورتحال نوں بڑی خوبصورتی تے پوریاں فنی نزاکتاں نال پیش کیتا اے۔ اوہدے گیت کشمیر دے وسنیکاں دے دلاں دی دھڑکن بن کے پوری وادی وچ گونج رہے نیں۔ انسانی حیاتی داکوئی وی موقع ہووے، خوشی ہووے یا غمی حبہ خاتون دے گیت ضرور کشمیر وادیاں دے ہلکاں اُتے سرکن لگ پیندے نیں۔ سگوں ہُن تے ایہہ گیت لوک گیتاں دی طراں کشمیریاں دی رت دا حصہ بن گئے نیں۔

حبہ خاتون دی تاریخ پیدائش کسے تذکرے یاں کسے تاریخ وچ حتمی نہیں ملدی، عام طور تے ایہہ قیاس کیتا جاندا اے کہ اوہ

1541-52ء دے دوران چندہ ہار نامی پنڈ وچ اک درمیانے طبقے دے کاشتکار خاندان وچ پیدا ہوئی۔ ایہہ پنڈ جس نوں ژنہ ہاروی آکھیا جاندا اے۔ پاموریاں (پانپور) قصبے توں لگ بھگ دو کوہاں اُتے آباد اے تے زعفران دی کاشت تے پیداوار دے حوالے نال پوری دنیا وچ مشہور اے۔ ایس پنڈ دا فاصلہ سرینگرتوں تقریباً دس میل بن دا اے۔

حبہ خاتون دا اصل ناں ”زون“ سی۔ ”زون“ کشمیری زبان وچ چن نوں آکھدے نیں۔ حبہ خاتون بارے آکھیا جاندا اے کہ اللہ تعالیٰ نے اوہنوں حسن تے جمال وافر مقدار وچ بخشیا سی، زون (حبہ خاتون) نے مڈھلی تعلیم تے قرآن پاک اپنے پنڈ دے مولوی صاحب کولوں پڑھیا۔ ایس توں وکھ فارسی دیاں مشہور کتاباں ”گلستان“ تے ”بوستان“ نوں وی بچپن وچ پڑھ لیا سی۔ ایہدے نال نال اوہ روزمرہ دے کماں کاراں وچ اپنی والدہ دا ہتھ وٹاندی سی تے زعفران دے کھیتاں وچ وی کم کردی سی۔ حبہ خاتون نکلیاں ہوندیاں توں ای بڑی حساس طبیعت دی مالک سی۔ جوان ہوندیاں ای اوہدے ماں پیو نے اوہدا ویاہ اک اکھڑتے جاہل کسان عزیز لون نال کردتا۔ جیہڑا بڑا خشک مزاج تے بد دماغ وی سی۔ حبہ خاتون نال اوہدا سلوک بڑا بھیڑا سی تے اوہدی ماں یعنی حبہ خاتون دی سس وی بڑی چالاک، تیز مزاج تے اک لڑاکی طبیعت دی مالک سی۔ دوواں نے مل کے حبہ خاتون دی حیاتی دوزخ بنا دتی۔ ایس دے باوجود اوہنے کوئی شکوہ زبان اُتے نہ لیا ندا۔ کیوں جے اوہ صبر دی پتلی تے وفادار خاتون سی۔ اللہ تعالیٰ نے اوہنوں شاعری دی ملکہ بخشیا ہو یا سی۔ اوہدے اُتے الزام ایہہ لایا گیا کہ اوہ شاعری کردی اے تے ایسے الزام پاروں اوہدے خاوند نے اوہنوں طلاق دے دتی۔ سوہرے گھر اوہدے اُتے کئے کو ظلم ہوئے۔ اوہدا عکس حبہ خاتون دی شاعری وچ نظر آؤندا اے۔

ہُن زون (حبہ خاتون) بھانویں اپنے پیکے گھر اپنے بچپن دیاں سہیلیاں نال ظاہری طور تے خوش نظر آؤندی سی پر اوہدی روح اندر اپنے سوہرے گھر گزارے دنوں دی یاد دسی ہوئی سی تے سس دے ظماں تے نفرتاں دے زخم وی ابے تازہ سن۔ اک دیہاڑے خوشگوار موسم وچ اوہ اپنے زعفران دے کھیتاں وچ کم کر رہی سی نالے گزریاں دنوں دی یاد نوں شعر دے روپ وچ گنگنا رہی سی۔ جیہدا ترجمہ ایس طراں اے :

”سوہریاں دے نال میری بن دی نہیں اے، میرے ماپیو میرا کوئی بندوبست کرو۔“

اتفاق نال عین اوسے ویلے اوس عہد دے سلطان یوسف شاہ چک دا اوتھوں گزر ہویا۔ اوہ شکار کھیڈن ایس علاقے وچ آیا سی۔ اوہنوں جدوں حبہ خاتون دی دکھ درد تے کرب وچ ڈبی پرتا شیراواز سنی جیہڑی فضاواں دا سینہ چیردی ہوئی دُور دُور تیکر گونج رہی سی تے ایہہ پُر کیف تے سوزدار آواز سلطان یوسف چک دے کتاں وچ رس گھول گئی۔ اوہ بے اختیار ایس آواز وِل کھچدا چلا آیا۔ ایس ملاقات دے بعد اوہدا حبہ خاتون نال نکاح ہو گیا تے انج حبہ خاتون کشمیر دے سلطان دی ملکہ بن گئی۔

یوسف شاہ چک آپوں شاعری، اوہ شاعراں، ادیبوں، عالماں تے موسیقاراں دی بڑی قدر کرداسی، اوہ حبہ خاتون دی شاعری تے پاکباز شخصیت دادیواندی سی۔ ایس لئی ہمیش اوہنوں اپنے نال رکھدا۔ جدوں اوہ شکار کرن یا سیر لئی باہر جاندا تے حبہ خاتون اوہدے نال ہندی سی۔ جس ویلے سلطان شاہ چک کشمیر دا حاکم سی اوس سٹے ہندوستان اُتے مغل شہنشاہ جلال الدین اکبر دی حکومت سی۔ اکبر تے سلطان شاہ چک دے تعلقات آپس وچ کشیدہ سن جیہدی وجہ نال اکبر نے یوسف شاہ چک نوں قید کر کے کشمیر نوں اپنی حکومت وچ شامل کر لیا تے انج حبہ خاتون نوں اک واری فیر سر دے سائیں دی جدائی دے صدمے سہنے پے گئے۔ حبہ خاتون نے ایس دوران جیہڑی

شاعری کہتی اوہ ہجرتے وچھوڑے دے کرب نال دُبی اوہدی بہترین شاعری اے۔ اوہدے اک شعر داترجمہ ایس طراں اے۔

”توں میتھوں دُور رُس کے چلا گیا ایس، اوہ پھلاں دے دیوانیا محبوبا“

اخیر جدوں یوسف شاہ دی قید ملی ہوگئی، حبہ خاتون پیکے آگئی تے اوہ تھے ای 1604ء وچ وفات پائی۔ کہندے نیں کہ اوہنوں اتھو وچ دفن کیتا گیا۔ اتھوادی اک مسیت حبہ خاتون دے ناں نال منسوب اے۔ ایس توں وکھ سرینگر داحبہ کدل (پُل) تے گریس وچ اک چوٹی تے چشمہ وی اوہدے ناں نال منسوب نیں۔ پر نوں تحقیق موجب حبہ خاتون تے اوہدے جلاوطن خاوند یوسف شاہ چک دیاں قبریں صوبہ بہار دے اک پنڈ ”میسوک“ وچ نیں۔

حبہ خاتون کشمیری زبان دی اک بے مثال شاعرہ سی۔ ایہدے نال اوہ موسیقی دے فن وچ وی ماہری۔ کشمیری زبان، ادب تے ثقافت دے میدان وچ اوہنوں کلاسیک دادرجہ حاصل اے۔ حبہ خاتون دی شاعری دا مجموعہ ”کلام حبہ خاتون“ دے عنوان نال غلام محمد ٹور محمد کتب فروش سرینگر نے شائع کیتا اے۔ سرینگر ریڈیو تے ٹیلی ویژن توں اوہدا کلام نشر ہوندا رہندا اے۔ اوہدی غزل نوں کشمیری غزل دا میل پتھر گنیا جاند اے۔ حبہ خاتون دی شاعری توں پہلاں کشمیری شاعری وچ صرف تصوف دی روایت ای پروہان سی۔ حبہ خاتون نے رومانی شاعری دی بنیاد رکھی تے ایرانی طرز وچ غزل آکھن دی روایت دی وی بانی بنی۔ اوس نے کشمیری زبان نوں بڑے سلیقے نال ورتیا اے۔ اوہدی شاعری وچ دیہاتی زندگی دے جھلکارے وی بڑے خوبصورت انداز وچ نظر آؤندے نیں۔ اوہدی شاعری وچ ایساں عوامی پن اے کہ آج وی پنڈاں تھانواں وچ عورتاں، مرداں، بچیاں تے بڈھیاں نوں اوہدے بے شمار شعر زبانی یاد نیں۔ خاص طور تے ویاہ شادی دے موقعیاں تے کشمیری کڑیاں اوہدے گیت گاؤندیاں نیں تے اوہدی شاعری نوں کشمیری رومانوی شاعری داسر چشمہ سمجھیا جاند اے۔ کشمیر دے لوک اوہنوں ملکہ نور جہاں دے ناں نال یاد کردے نیں۔ اوہدی شاعری تے شخصیت وچ کشمیر داحسن جمال جھلکدا اے تے شاعری وچ زعفران دی مہک رچی ہوئی اے جیہڑی کشمیر دے لوکاں دے دلاں دماغ نوں ہر ویلے مہکائی رکھدی اے۔ حبہ خاتون دی شاعری دے کجھ نمونے پیش کیتے جاندے نیں۔

- 1۔ میرے دل دیا مالکا آجا، اسیں رل کے یاسمین دے پھل چُنیئے، پر کدے مرن والے وی پچھانہہ پر تے نیں۔ میں تیری اڈیک وچ بیٹھی آں تے تیریاں سدھراں وچ حیات آں۔ آمیرے پیار یا آجا۔ اسیں رل باغ وچ کٹھے پھل چُنیئے، تُوں رُس گیا ایس۔ میریاں اکھاں توں دُور میتھوں وچھڑ گیا ایس۔ اے میرے پھلاں دے چاہون والیا آسیں رل کے کنول دے پھل چُنیئے۔
- 2۔ کسم تے سنبل دے پھلاں دیاں کونپلاں نکل آئیاں نیں تے میریاں آساں دیاں کلیاں اندرای اندر کلا گیاں نیں۔ گئی جوانی کدوں پرتدی اے جیہڑی تیردی طراں نکل گئی اے۔ میری حیاتی دے رُکھاں وچ چاہت دے بھانڈے مچے نیں۔ باغاں وچ بہار آئی اے پر مینوں کیہ۔

ہجر فراق دے وچھوڑے نے جدوں شدت اختیار کیتی تے اوہ مجاز توں حقیقت ول سفر کر کے ایس طراں ظاہر ہویا۔

- 3۔ عشق دی آگ نے میرے اندر لنبو لادے۔ جیہناں مینوں ساڑمکا یا اے۔ اوہنے مینوں اُلفت دے تپدے تندور وچ پادیتا اے تاں بے میں سڑ کے سواہ ہو جاواں۔ محبت وچ میں برف وانگوں پگھل گئی آں تے اوہنے مینوں طوفان دے وس پادیتا اے۔ لوکیں روزے رکھ رہے نیں، عاشق عید مناو دیاں تیاریاں وچ رجھے ہوئے نیں پر میں اپنے مالک دی محبت وچ غرق آں۔

(کشمیری ادب کی مختصر تاریخ۔ دُختران ہند)

الیاس گھمن

محمد الیاس گھمن 25 اگست 1961ء نوں گوجرانوالہ دی تحصیل وزیر آباد دے اک پنڈ چک ستیہ وچ چوہدری سردار خاں گھمن دے گھر پیدا ہوئے۔ میٹرک گورنمنٹ ہائی سکول سوہدرہ توں 1977ء وچ پاس کیتا تے بی ایس سی لئی گورنمنٹ کالج لاہور وچ داخل ہوئے۔ داؤد کالج آف انجینئرنگ اینڈ ٹیکنالوجی کراچی توں 1985ء وچ بی ای الیکٹرونکس انجینئرنگ پاس کر کے واپڈا وچ اسسٹنٹ ڈائریکٹر ہو گئے۔ کراچی وچ تعلیم دے دوران اوہناں دے من وچ پنجابی زبان تے ادب نال محبت دے دیوے روشن ہوئے۔ اوہناں دو رسالے ”سر“ تے ”سوہنی دھرتی“ شروع کیتے۔

ملازمت دے نال الیاس گھمن علمی، ادبی تے تحقیقی سرگرمیاں وی جاری رکھ رہے نیں۔ اوہ مہینہ وار رویل دے اعزازی چیف ایڈیٹر نیں۔ بالال لئی پہلا پنجابی رسالہ ”میٹی“ وی اوہناں دی ادارت وچ ای چھپ رہیا اے۔ اوہ پنجابی سائنس بورڈ دے بانی چیئرمین وی نیں۔ حال وچ ای اوہناں نے طباعت دے شعبے وچ پنجابی کمپیوٹر نوں متعارف کرایا اے۔ گھمن اک اُچے کہانی کار نیں تے اوہناں دیاں کہانیاں ادبی رسالیاں وچ چھپدیاں رہندیاں نیں، جیہڑیاں پنجاب دے وسیب دا بہترین نمونہ ہوندیاں نیں۔ ہُن تیکر اوہناں دیاں کئی کتاباں شائع ہو چکیاں نیں۔ جیہناں وچ بھگوان شکاری، ریڈار، سائنس (مڈھلی)، حساب (بالال لئی) جنور باتاں، (لوک کہانیاں)، پرانا پنڈ (ناولٹ)، گھر والی (ناولٹ) تے واء ویلیاں (ناول) خاص طور تے ذکر دے قابل نیں۔

ریڈار کہانی

ایہہ ویہویں (20) صدی دے مشہور آمر ہٹلر دے عروج دے دن سن۔ ہٹلر نے جرمن گھبر وواں نوں ایہہ پک کر ادا تیا سی کہ اوہناں دا تعلق دنیا دی سب توں ودھیا قوم نال اے۔ ایس لئی سارے جگ اُتے حکمرانی کرن دا حق صرف جرمنان نوں ای اے۔ جرمنان نوں اپنے خالص خون اُتے ڈاڈھامان سی، اوہ انگریزاں نوں وی اپنے تل تے نہیں سمجھدے سن۔ اوس ویلے انگریز اڈھی دنیا اُتے راج کر رہیا سی۔ ایس لئی قدرتی طور تے جرمنی دا برطانیہ نال متکا لگنا یقینی ہو گیا سی۔

انج تے 1930ء توں پچھوں ای جرمنی نے اک واری فیر اپنیاں فوجاں نوں نویں اسلحے بارود نال مسلح کرنا شروع کر دتا سی۔ پراوسن ویلے ہر پاسے ڈاڈھی تھر تھلی پے گئی جدوں سینکڑاں بمبار تے لڑاکے جنگی ہوائی جہاز تیار کر کے جرمنی دنیا دی سب توں تگڑی ایئر فورس دا مالک بن گیا۔ کئی براعظماں وچ دُور دُور تیک کھلے برطانوی راج دا تخت یعنی لندن ہر ویلے جرمن بمباراں دے نشانے وچ آ گیا سی۔ ایس خبر نے برطانیہ دے بادشاہ جارج تے اوہدے فوجی جرنیلاں دی نیندر حرام کر دتی سی۔ جرمن بمباراں دے حملے دے ڈر پاروں انگریز کار میگراں اپنی محنت کیتی جے چھیتی ای رائل ایئر فورس کول اچھے لڑاکا ہوائی جہاز موجود سن جیہناں وچ اٹھ (8) اٹھ (8) مشین گناں لائیاں جاسکدیاں سن تے اوہناں دی زبردست مارتوں دشمن بمباراں دا بچنا اوکھاسی۔ فیروی انگریزاں نوں جرمنی دے اچانک ہوائی حملے دا دھڑکا لگیا رہندا سی کیوں جے مسئلہ ایہہ سی کہ ایہہ جیسے ہوائی جہاز تے اوہناں نوں اڈاون والے اچے گنتی وچ گھٹ سن، جد کہ لوڑ ایہہ سی پئی گھٹ گھٹ اک

ہوائی دستہ ہر ویلے برطانوی بندرگاہوں دی راکھی کرن لئی ہوا وچ موجود رہوے۔ اوس ویلے تیک انج نہیں سی کیتا جاسکدا۔ ایس لئی کوئی اجیہی شے ڈاڈھی ضروری جاپی جیہڑی ویری بمباراں دے ہوائی حملے توں ایناں چر پہلاں خبر دے دیوے کہ ہوائی اڈیاں اُتے تیار کھلو تے پائلٹ اپنے جہازاں نوں اوہناں دے مقابلے لئی ہوا وچ لیا سکے۔

کتنے ای چر تیک برطانوی سائنس دان اک اجیہی مشین ایجاد کرن دا جتن کر دے رہے جیہدے وچوں نکلن والی ”موت شعاع“ (Death Ray) اوہناں دے خیال موجب اپنے راہ وچ آون والی ہر شے نوں ملیا میٹ کر دیوے گی۔ ایہہ تجربے تے اُگایا ناکام رہے پر 1935ء وچ اک برطانوی سائنس دان سروائسن واٹ اپنے تجربات دے وچکار رب سبٹی اک اجیہی مشین بناون وچ کامیاب ہو گیا جیہدے وچوں نکلن والیاں شعاعاں سکناں وچ دُور دُور دیاں شیواں نال ٹکرا کے واپس آجان دیاں سن تے اوہناں اُتے بھیڑے موسم یاں ہیرے داوی کوئی اثر نہیں سی ہوندا۔ سروائسن واٹ نے ایس حیران کردین والی مشین دانان ”ریڈیولوشن سسٹم“ رکھیا۔ ایہہ کاڈھ جنگی لحاظ نال بوہت فائدے مند سی۔ ایس لئی انگلینڈ والیاں چھیتی ای چوکھے لکویں طریقے نال اپنیاں لہندیاں بندرگاہاں دے نال نال اجیہے سسٹم نوں چلاون والے پیج سٹیشن قائم کر دتے جیہڑے بعد وچ چین ہوم (Chain Home) دے ناں نال مشہور ہوئے۔

برطانیہ نے دوجی عالمی جنگ دے شروع ہونداں ساری اپنیاں لہندیاں سرحداں دے نال چین ہوم سٹیشناں دی گنتی ودھا دتی سی۔ فیر 1940ء وچ جدوں فرانس وی ایس عالمی جنگ وچ گد پیتا تے برطانیہ نوں اپنی جنوبی بندرگاہاں ول دی اجیہے کئی سٹیشن قائم کرنے پے گئے۔ برطانیہ نے ایس مڈھلے ریڈار سسٹم نوں بوہت رازداری نال جنگ دے اک خطرناک ہتھیار دے طور ورتیا۔ ایہہ پہلا ریڈار سسٹم بھانویں اج کل دے ریڈار نالوں بوہت سادہ تے گھٹ ریج والا سی پر ایہدی ویلے سرمد پاروں رائل ایئر فورس نوں دور پار انگلستان (English Channel) اُتوں اُڈ دے آوندے جرمن فائٹراں تے بمباراں دا اودھوں ای پتا لگ جاندا سی جدوں اچے اوہ برطانوی سرحد توں بوہت دُور ہوندے سن۔ ایس لئی برطانوی لڑاکے ہوائی جہاز ایہناں ہلّا بولن والیاں نال بھیڑ کرن لئی فضا وچ آؤن جوگ ہو جان دے سن۔ کئی واری تے برطانوی راکھے ہوائی جہاز جرمن حملہ آوراں نوں راہ وچ ای ڈک کے تباہ کر دیندے سن۔ یاں اوہناں نوں پچھانہہ پرتن تے مجبور کر دیندے۔ ایس ایجاد نے جرمنیاں نوں ڈاڈھا پریشان کر دتا سی۔ اوہناں نوں سمجھ نہیں سی آؤندی کہ اوہناں دے خفیہ ہوائی حملیاں دی کون مخبری کر دیندا اے۔ دوجے پاسے برطانوی فضائیہ دے بمبار طیارے سمندر وچ دُور دراڈے تر دے دشمن دے بحری جہازاں نوں اپنے ”ریڈیولوشن سسٹم“ راہیں لہہ لہہ کے اوہناں اُتے جا پڑ دے تے بمب مار مار کے اوہناں نوں سمندر وچ ای غرق کر دیندے۔ برطانوی بمبار ویلے سرتے ٹھیک تھاں بمباری کر کے جرمن فوجی ٹھکانیاں، اسلحہ بناون والیاں فیکٹریاں تے صنعتی شہراں نوں تباہ برباد کر دے رہے۔ ایہناں تباہیاں نے جرمنی والک تر وڑ دتا سی تے فضاواں وچ رائل ایئر فورس دی برتری جنگ مُکُن توں پہلے ای ثابت ہو گئی سی۔ ایہہ اک حقیقت اے کہ دوجی عالمی جنگ جتن وچ ریڈار دی ویلے سرا ایجاد نے اتحادی فوجاں دا بوہت سا تھ دتا سی۔

جے ریڈار دی کاڈھ بارے تاریخی تے سائنسی حوالیاں نال گل کریئے تے پتا لگدا اے پئی ریڈار دا بننا کوئی اتفاقی واقعہ یاں اک دو دناں دے وچ کیتے تجربات دا پھل نہیں سی سکوں ایہہ ایجاد دُنیا دے کئی نامی گرامی سائنس دانان دی ورہیاں بدھی کھوج واسطی۔ 1831ء وچ سب توں پہلاں مشہور سائنس دان جیمز کلیرک میکس ول نے ریاضی دے حساب کتاب نال ثابت کیتا سی کہ ”ریڈیولہراں“ روشنی دی

رفتار نال سفر کر دیاں نہیں تے انجے ای اپنے راہ وچ آون والی ہر شے نال ٹکرا کے پچھانہہ پر تہیاں نہیں۔

میکس ول توں مگروں 1888ء نوں جرمنی وچ عملی تجربے کر دیاں اک سائنسدان ہینرچ ہرٹز نے ایہہ ثابت کر دتا پئی ”ریڈیولہراں“ مصنوعی طور تے وی پیدا کیتیاں جاسکدیاں نہیں۔ ہرٹز نے اپنے آلیاں نال اجیہاں ”ریڈیولہراں“ پیدا کر کے وی دکھائیاں جیہڑیاں مسات دو چار فٹ دُور تیک ای اپڑ سکدیاں سن۔

1895ء وچ عظیم سائنس دان مارکونی نے لمے رینج (Long Range) اُتے ریڈیولہراں گھلن دے تجربیاں دا اک لمّا چوڑا سلسلہ شروع کیتا۔ اوہنے ہرٹز نالوں چنگا ساز و سامان ورتیا تے اوڑک اوہ طاقتور ”ریڈیولہراں“ پیدا کرن وچ کامیاب ہو گیا۔ مارکونی دیاں بنائیاں ریڈیولہراں اینیاں ٹکڑیاں سن کہ اوہدے نشر کیتے گئے سگنل (Signal) گھٹ ودھ دو ہزار میل لمبے بحر اوقیانوس نوں وی پار کر کے امریکہ وچ اپڑ گئے سن۔ اودوں مارکونی نے جیہڑی پشین گوئی کیتی سی اوہ بعد وچ اجو کے ریڈار تیک اپڑن دی پگڈنڈی ثابت ہوئی سی۔ اوہنے آکھیا سی پئی ایہہ ریڈیولہراں اک دیہاڑے میلاں دُور دیاں شیواں دے ہون دا سُوہ لین لئی ورتیاں جاوَن گیا۔

مارکونی نے ریڈیولہراں بارے اپنی کھوج جاری رکھی تے 1925ء وچ اوہ اجیہاں ریڈیولہراں نشر کرن وچ کامیاب ہو گیا جنہاں دے جوابی سگنل توں اوہنے زمین تے فضا اُتے موجود اوزون دی حفاظتی پٹی دی اچیاں ناپی۔ اُنج تے ایہہ سارے کم مڈھلے ریڈار دے کارنامے ای دکھائی دیندے نیں پر اصل حقیقت ایہہ اے پئی اُنج داریڈار جیہڑا ہن اک خطرناک جنگی ہتھیار بن گیا اے اوہ نہ تے اودوں اُجے بنیاسی تے نہ ای سائنس دانان نوں پورا احساس سی کہ ایہناں ریڈیولہراں نوں ورت کے کوئی ایہو جیہی مشین وی بنائی جاسکدی اے۔

”ریڈیولوکیشن سسٹم“ وچ ریڈیولہراں نوں جنگی مقصد لئی ورتن دے طریقے دے موجود بھانویں انگریز سائنس دان ای سن پر اوہ جان دے سن کہ ریڈیولہراں دو جے یورپی ملکاں دے سائنس دانان لئی وی کوئی نویں شے نہیں ایس لئی اوہناں اپنی ایجاد نوں ڈاڈھا خفیہ رکھیا سی پر ایہدے بارے تکنیکی جانکاری امریکہ نوں دے دی گئی۔ امریکی سائنس دانان ایس سسٹم اُتے اپنی محنت کیتی پئی کجھ مہینیاں وچ برطانیہ دا ریڈیولوکیشن سسٹم دنیا دا سب توں طاقتور تے چوکھا خطرناک جاسوسی آلہ بن گیا۔ امریکیاں ایہدے وچ اینیاں جدتیاں پیدا کردتیاں کہ اوہ اصولوں ای اک نویں شے بن گیا۔ اوہناں ایہداناں وی بدل کے ”ریڈار“ (Radar) رکھ دتا۔ اُنج ایہوناں ای ساری دنیا وچ پَر چلت اے۔

بھانویں مڈھلا ریڈار دشمن ہوئی جہازاں دے حملے دا پہلاں توں پتلا ون لئی بنایا گیا سی پر ویلا لنگھن نال ایہدے توں ہور بوہت سارے کم لئے جان لگ پئے۔ اُنج کل ریڈار ہر ملک لئی علاقائی دفاع دا لازمی اَنگ ہون توں اُدعام شہری زندگی وچ روز دیہاڑے ورتی جاوَن والی مشین بن گیا اے۔ جنگ دے زمانے وچ ایہہ فوجاں نوں دشمن ہوائی جہازاں تے میزائلاں دے حملے دی وارننگ دیندا اے تے سمندر وچ تردے آؤندے دشمن بحری جہازاں دا ہزاراں میل دُور توں ای خطرہ دسد اے۔ ریڈار پہاڑ تے وادیاں وچ دشمن فوجاں دے پھیرے ٹورے بارے مسلسل اطلاعاواں دیندا اے تے ایہوای ہوائی حملیاں وچ اپنے بمبار تے لڑا کے طیاریاں نوں نشانے اُتے صحیح ویلے بمباری کرن وچ مدد دیندا اے۔ ریڈار نے شہری ہوا بازی وچ وی ڈاڈھیاں آسانیاں پیدا کردتیاں نیں۔ اُنج کل مسافر تے سامان ڈھون والے اُڈنے تے ترنے جہازاں دی رہنمائی لئی ایہہ اک انتہائی ضروری آلہ بن گیا اے۔ سنگھنے بدلاں وچ اوڈے بہوئے ترکھے ہوائی جہازاں نوں اک دو جے نال بھڑن توں بچان تے سنگھنیاں دھنداں وچوں گزر دے بحری جہازاں نوں سمندری چٹاناں تے وڈے وڈے

برفانی تو دیاں نال ٹکران توں بچان لئی ایہو ای ورتیا جارہیا اے۔ ایہنے بندرگا ہواں تے ہوائی اڈیاں دے کم نوں وی ڈھیر سوکھا کر دیتا اے۔ ایہہ دُور دراڑے سمندری جہازاں نوں ساحل ول آؤن لئی صحیح راہ دسد اے نالے ہوائی جہازاں نوں ہنیرے تے بھٹیرے موسم وچ ہوائی اڈے اُتے اُترن لئی مدد دیندا اے عام شہری ورتاؤ وچ ریڈار محکمہ موسمیات دے کم آؤندا اے محکمہ موسمیات آون والے موسماں دا ریڈار راہیں گویڑلا کے پشین گویاں کردا اے۔ جدید ترین ریڈار سائنس دانان نوں خلا وچ وڈے وڈے راکٹ تے خلائی سٹیشن گھلن وچ مدد کردے نیں۔ چن دی سطح اُتے خیر خیریت نال اُترن والے امریکی خلا باز وی ریڈار راہیں ایہہ کارنامہ کر دکھاؤن دے قابل ہوئے سن۔ دن بدن نویاں تیکنیکاں ورت کے ریڈار کولوں نت نویں کم لئے جارہے نیں تے ویلے دے نال نال ایہدے گن ودھدے جا رہے نیں۔ ایس لئی ایس ویلے مستقبل دے ریڈار دے بے حد انوکھے کماں بارے پشین گوئی کرنا وی اُکھا ہو گیا اے۔

(ریڈار)

حسین شاد

پورانناں محمد حسین شاد تے حسین شاد قلمی ناں اے۔ 24 فروری 1936ء نوں چکوکی ضلع جالندھر (مشرقی پنجاب بھارت) وچ پیدا ہوئے۔ مڈھلی تعلیم ہوشیار پور (بھارت) وچ حاصل کیتی۔ 1947ء نوں قیام پاکستان ویلے گوجرانوالہ دے اک پنڈ وچ آن وے تے میٹرک دا امتحان گوجرانوالہ توں پاس کیتا۔ بعد وچ پنجاب حکومت دے پی ڈبلیو ڈی محکمہ وچ ملازم ہو گئے۔

سرکاری ملازمت دے نال نال اوہناں نے لکھن پڑھن داکم وی جاری رکھیا۔ کہانی، ڈرامہ تے شاعری ایہناں دے میدان نیں۔ اوہ ریڈیو تے ٹیلی ویژن دے پروگراماں دی کمپیئرنگ وی کردے نیں۔ اوہناں دے کئی ڈرامہ سیریل پنجابی زبان وچ ٹیلی کاسٹ ہوئے نیں۔ ریڈیو پاکستان دے پروگرام ”سوہنی دھرتی“ وچ اوہناں دی اواز کئی ورہیاں توں گونج رہی اے۔ اوہ جنگ اخبار وچ ”راوی رت“ دے عنوان نال پنجابی کالم وی لکھ رہے نیں۔ ماہنامہ لہراں لاہور تے ماہنامہ پنجابی ڈائجسٹ لاہور دے مدیر وی رہے نیں۔

اوہناں دیاں پنجابی کہانیاں دا مجموعہ ”شہر تے سفن“ تے شاعری دا مجموعہ ”موسم نیلی باردا“ شائع ہو چکا اے۔ پرواہناں دا خاص میدان کہانی کاری اے۔ اوہناں نے پنجابی افسانے نوں نواں اسلوب تے نویں موضوع دتے نیں۔ اوہناں نوں اپنے فن اُتے پورا پورا عبور حاصل اے۔ اوہناں دے موضوع ساڈے معاشرے دے ہوندے نیں تے کردار وی جیوندے جاگدے چلدے پھردے محسوس ہوندے نیں۔ حسین شاد نے عام طور تے نچلے تے درمیانے طبقے وچوں اپنیاں کہانیاں دے مضمون لئے نیں۔ اوہ تنقیدی حوالے نال وی اپنا اک مقام بنا چکے نیں۔

گھسٹمیلہ چانن

شبّو کدھرے خیالاں دی دنیا وچ گواچ گئی سی، دُور پار دے ویلیاں دی انھی گنگی دُھند وچ۔ شبانہ بُوہے دی سردل اُتے بیٹھی ویہڑے وچ کھلے ہنیرے وچوں گواچی ہوئی شبّو نوں پئی بھال دی سی۔ ویہڑے دے کھلے ہوئے ہنیرے وچ پرے کر کے باہر کھلن والے بُوہے دے کول ایویں تھوڑا جٹاں تے گھسٹمیلہ جیہا چانن اُبھر داتے رہتا ہو جاندا سی۔ اصل وچ ویہڑے دی ایس نگرے سٹاں (7) ورہیاں دی عُمر دا اوہانکا ویر زمین اُتے لیکاں داہن دی کسے بے مقصد کھیڈ وچ رُجھیا ہو یا سی۔ شبانہ نوں دُکھ ہو یا اوہدا شبّو والا روپ وی ایسے طراں دے کئی بے مقصد کھیڈ دار ہندا سی۔ شبانہ جوان ہوئی تے شبّو اوہدے نالے ای سی۔ اے دو ہفتے پہلاں تاں اوہدی ماں اوہنوں شبّو آکھدی آکھدی اک دم چپ جیہی کر گئی سی۔ ہُن کوئی وی اوہنوں شبّو نہیں سی آکھدا۔ اوہدی ماں جس ویلے شبّو کہہ کے واک ماردی سی تے اوہنوں انج لگدا سی جو ویہڑے وچ کنیاں ساریاں بائریاں ہسن لگ پئیاں ہون تے شبانہ اوہناں اُتے حکم چلا رہی ہووے۔ پراج شبانہ دیلیز اُتے بیٹھی ہنیرے ویہڑے وچ جیہدی اک نگر وچ اوہدے ویر دی موجودگی نے گھسٹمیلہ جیہا چانن کیتا ہو یا سی اپنے توں وچھڑی ہوئی شبّو نوں بھال دی پئی سی۔ اوہنوں شبّو دے ہاسے اوہدے رو سے تے اوہدیاں ضداں اڑیاں مُڑ مُڑ یاد آوندیاں سن۔ یاداں جیہناں دا کوئی وجود نہیں ہوندا۔ جیہناں نوں تسیں پھڑ کے کول نہیں بٹھاسکدے۔ یاداں تے پرے کھلو تیاں پینترے بدل بدل کے جھکائیاں دیندیاں رہندیاں

نہیں تے بندہ اپنی بے بسی تے مجبوری دے دُکھ جرن توں سوا کچھ وی نہیں کر سگدا۔

شبانہ نے اپنے سرنوں اک زور داپلونا دتا، یاداں دی گنڈھنوں پرے سُٹیا اپنے کھلے ہوئے خیالاں تے گواچی ہوئی روح نوں سمیٹیا، فیر بڑے گوہ نال لیکاں الیکدے آفتاب ول تکیا۔ ایہنوں جوان ہوندیاں کتے ورہے لگن گے۔ کس طراں راتوں رات ایہہ اک چانن مینار وانگوں اُسرے دیہڑے دیاں کندھاں توں اُچا ہو سگدا اے۔ کس طراں ایہہ میرا تے ایس گھر دارا کھا بن سگدا اے۔ کس طراں میرے پیو دے گواچے خاندان دی نشانی بن کے اوہدے ہون دی گواہی دین جوگا ہووے گا۔ خوف تے بے یقینی نے آفتاب دے چانن وجود نوں حالے تائیں شبانہ دیاں نظراں وچ گھسٹیا جیہا کیتا ہو یا سی۔

شبانہ نوں بے یقینی تے بے وساہی دے اُتھے کھوہ وچ اوہداوڈا بھرا انور ایس طراں لٹکا گیا سی کہ اتا نہہا بھرن دی اوہدے وچ سکت ای باقی نہیں سی رہی۔ اوہ سوچدی سی کہ ماں نوں انج نہیں سی کرنا چاہیدا۔ اوہنے سارا پیار تے مکمل حیاتی اک پل وچ ای انورا توں واردتی سی تے اپنی شہو واسطے کچھ وی نہ چھڈیا۔ سگوں اوہدے کولوں تے اوہدا اپنا آپ وی کھوہ لیا۔ شہو تے ہن کدھرے ہے ای نہیں۔ ہن تے بس شبانہ ای رہ گئی اے جیہڑی بے یقینی تے بے وساہی دے اُتھے گنگے کھوہ وچ لٹکی پئی اے تے اوہدا نکا ویر ایہناں دُکھاں توں انجان اے۔ اوہنوں تے اُکا پتا نہیں اے کہ اوہدی بھین کیہڑے کھوہ وچ کھب گئی اے۔ نہ اوہ اوہنوں ایس اُتھے کھوہ تے گنگے کھوہ وچوں کڈھن جوگا اے تے نہ ای واج مار کے حوصلہ دین جوگا اے۔ اوہ تے آپ کسے ویلے وی کھیڈن واسطے چن منگ سگدا اے۔ میری حیاتی دا تے اوہ آپوں چن اے پر پہلیاں تاریخاں دا چن چودھویں دا ہون لئی تے حالے بڑیاں ای کالیاں راتاں میری اڈیک دی راہ وچ کھلو تیاں ہو یاں نیں۔ اڈیک وی لائی ای جاسکدی اے۔ تاگھ وی لگ سگدی اے پر ایہہ بے یقینی، ڈر، خوف اُن دُٹھیاں رتاں دا ڈر خوف پر اوہ تے چودھویں دا چن سی۔ انور تے پورے گھر دا نکھر یا ہو یا چانن سی خیر اوہنے اپنے آپ نوں آپ گرہن لالیا۔ اپنا خُسن، اپنی جوانی اپنا جو بن بھریا چانن آپ گوالیا۔ اوہنے اپنے آلے دوالے زہری دھوئیں دے کالے بدل انج کھلارے کہ اوہ اپنے سارے وجود سمیت گواچ گیا۔ اپنے سلکھنے لہو وچ زہری زہر بھر لیا تے میرے لئی ہنیرے ای ہنیرے، ڈر، خوف، بے یقینی تے ملی جدائی تے اڈیک ایہو ای مقدر اے۔

کڈے سوہنے دن سن خوشحالی تے ہاے ٹوت دی گوڑھی تے سحری چھاں وانگوں سارے گھر وچ کھلے ہوئے سن۔ انور دیاں گلاں مٹھیاں پیاریاں ہاسیاں بھریاں، شان امی وکھری سی اوہناں دے گھردی۔ اک دن پتا نہیں کس طراں ظالم پہر اُتریا، انور نے ٹھک کر کے باہر بوہا کھولیا تے اوہدی زبان وچوں نکلیں والے اکھر زخمی سن تے وڈھے ٹکے ہوئے۔ کسے نوں کچھ وی سمجھ نہ آئی۔ شبانہ حیران تے ماں پریشان۔ اکھراں دی وڈھ ٹک ودھدی گئی۔ اوہدے چہرے دا چانن تے رنگ سواہ ورگا پھکا ہو گیا تے اوس ویلے پتا لگا کہ انور تے ہیر وُن پیندا اے۔ ماں تے شبانہ دے مونہوں ہوکا جیہا نکلیا۔ اُتلا ساہ اُتے تے تھلے داساہ تھلے۔ ماں نے دو ہتھڑیرو وچ ماری۔ بھین نے ہتھ سینے اُتے رکھ لیا جیہدی محراب تھلے دل دافانوس زور زور دی ڈولیا۔

دیلیز اُتے بیٹھی شبانہ نے بے دھیانی وچ اپنے متھے تے لگے پھٹ دے نشان نوں ہتھ لایا تے زخم جویں اک دم جاگ پیا ہووے۔ اوہ سکولوں پڑھا کے آئی سی۔ بوہے تیکر آن دا کسے نوں پتا وی نہ لگا۔ انور زخمی لفظاں نال کچھ کہہ رہی سی تے کمرے دیاں شیواں نوں ایدھر اُودھر سٹ رہی سی۔ اوہدا وجود وی اوہدے لفظاں طراں بے لہو لگدا سی۔ بے یقینا ڈانواں ڈول۔

”توں۔۔۔۔۔توں کیوں نہیں سمجھدی ماں، مینوں کتنی زبردست ضرورت اے پسیاں دی، ماں میرے اندر دے سینے وچ، میرے سارے وجود وچ جو کا اتر آیاں نیں جتنی دیر تائیں دھواں ہیر وئن دا دھواں میریاں رگاں وچ نہیں اترے گا۔ ایہہ جو کاں میری رت دے گھٹ بھر دیاں رہن گیاں۔ میری نس نس وچ چونڈھیاں وڈھ دیاں رہن گیاں۔ ماں، بچا لے مینوں اللہ دے واسطے پیسے دے مینوں پیسے دے ماں۔“

انور نے اپنے کنبہ ہمتھاں نال ماں دی چادر دے پلے نوں پھڑیا ہو یا سی۔ اوہداسار او جودوی گنب رہیاسی اوہ چادر نوں زور زور نال بلونے دے رہیاسی تے ماں دی چادر سرتوں ڈھلک کے اوہدے پیراں اُتے ڈگ پئی سی۔ ماں نے الماری وچوں اپنا بٹوا کڈھیا تے انور نے اوہ بٹوا ماں کولوں کھو لیا تے پاگلاں وانگوں وحشیاں دی طراں بٹوے چوں سارے نوٹ کڈھ لئے تے بے واتا وڈے بُو ہے دل بھیج ٹریا۔ اوس ویلے شبانہ بو ہے وچ اوہدراہ ڈک کھلوتی۔ پر انور اُتے وحشت سوار سی۔ اوہ خورے ساریاں رشتیاں دا تقدس دھوئیں وچ گواچکیا سی۔ اوہنے اپنے پورے زور نال شبانہ نوں دھکا دے کے پرے سٹ دیتا تے باہر ول نس گیا۔ شبانہ داسر بُو ہے نال ٹکرا کے ذمہ ہو گیا۔ رت دی پھواروگی پر شبانہ فیروی انور دے پچھے نس پئی۔ اوہدا کالر پچھوں پھڑ کے کھچیا۔ ”نہیں جان دیاں گی میں تینوں پُیسے واپس کر دے ماں نوں، کیوں ڈاکو بن گیا ایں اپنے ایں گھرنوں لٹ رہیا ایں۔“ انور نے اوہنوں فیراک دھکا دتا تے شبانہ پچھے نوں ڈگ پئی ماں نے اگانہہ ودھ کے سانجھ لیا۔ پر انور نس گیا سی۔ لہو نال رنگے متھے نوں ماں نے اپنی چادر دے پلے نال صاف کر کے ذمہ اُتے پٹی بندھ دتی۔

ایس توں مگروں انورنوں گھر لٹوں کوئی نہ روک سکيا۔ اوہ ہیر وئن دے نشے وچ دُبا گھروڑا تے سبھ کجھ ہونجھ کے لے جاندا۔ شبانہ تے ماں نکلے آفتاب نوں اپنی جھولی وچ لکا لیندیاں۔ کدھرے انور دے مکروہ پر چھویں آفتاب نوں وی گرہن نہ لادین۔ انور خالی تے بے وادیاں اکھاں نال سبھ نوں تکدا تے گھرنوں لٹ پٹ کے لے جاندا شبانہ تے ماں نوں بے آسرا تے کمزور ہون دا دکھ دے کے مُڑاوس دن ای آؤندا جس دن فیر اوہنے لٹ مار کرنی ہوندى۔

اخیر گھر اُڑ گیا۔ گھر دا بھانڈا ٹینڈا، ماڈا موٹا جیہڑا فیر نیچرا وہ گہنے لٹے بہے اوہنے ہونجھ کے دھوئیں راہیں اُڑا دیتے۔ گھر دے نال نال ماں دھی دے پرس تے سوٹ کیس وی خالی ہو گئے۔ دُکھاں درداں نال اکھاں وچ بے آسی دی دُھوڑ دُورتا میں کھلر گئی۔ چنے ہنجوواں دے پانی نوں خشک کر دیتا۔ جدوں کچھ وی باقی نہ بچیا تے انور نے گھر آؤنا ہی چھڈ دتا، اوہ کدھرے نشے باز اں دے ڈیریاں تے تنگی زمین اُتے بن پانی دی مچھی وانگوں ترفدا پیار ہندا تے ایہہ آس لائی رکھدا کہ خورے کوئی پرانا بلی اوہنوں ہیر وُن بھرے سگریٹ دا اک ادھ سوٹا لوادیوے پر کون۔ سبھ نوں اپنی اپنی ہوئی سی۔ ہر کوئی اپنی سُولی اُتے آپ ای لکھیا ہو یا سی۔ بے رحمی تے بے مروتی دے ایہہ موسم اوہدے ذہن دیاں باریاں وچوں جھانکدا۔ اوہ واپس گھر پر تن دا سوچدا پر ہن خورے تو بے دے ویلے بیت چکے سن۔ گھر جان دی ہمت ہُن نہ اوہدے جُٹے وچ سی نہ روح وچ تے نہ اوہ دیاں اکھاں وچ سی بے جان لاش زمانے دیاں ٹھوکراں وچ تے بے رحم سے دے پیراں تھلے مدھولی ہوئی۔ اوہنے اپنیاں اکھاں بند کر لئیاں ساہ گوا دیتا تے روح خالی کر لئی ہمیش لئی۔

گھر انوردی لاش اپڑی تے شبانہ دیاں اکھاں تے ماں دادل پاٹ گیا۔ گھروں دو جنازے چکے گئے۔ انور گھروں باہر رهندا سی تے شیو ماں دے آسرے جیوندی سی۔ انور جیوندی سی تے ماں روز مردی سی۔ اج اوہ مر گیا تے ماں داروز دا مرنا جیونا مک گیا۔ اوہ ایسی موت مر یا

جیہڑی مانواں نوں بے موت مار دیندی اے تے بھیناں نوں بے آسرا کر دیندی اے۔

شبانہ گھر دے بوہے دی سردل تے بیٹھی گواچی ہوئی شبنو نوں بھال دی سی یاں ماں دی اڈیک وچ سی یاں فیر اپنے جوان بھرا دے آون دی آس لا کے بیٹھی سی جیہڑا ظالم نشے دی پھانسی چڑھ گیا سی۔ اوہ بھرا جیہڑا بھرے گھر دار اکھاتے اوہدے موئے پیو دی نشانی سی۔ کون کہینوں پچھے کہ شبانہ توں کیمہدی آس تے دلیز تے بیٹھی ایں۔ کدی گئے وی مڑ کے آئے نیں۔ اوہدیاں خالی اکھاں وچ سوائے خوف دے کچھ نہیں سی۔ پر دُور پرے ویہڑے دے ہنیرے کوئے وچ آفتاب دا گھسمیلا چانن ہولی ہولی کھنڈا جا رہی سی۔ اوہدیاں بے جان اکھاں وچ روشنی دی اک لکیر ابھر رہی سی۔ ”آفتاب دا چانن“ اوہدی روح وچوں اک آس بھری آواز ابھری۔ ایہہ چانن ای میرا کل اے اوہدے آلے دوالے کھلری بے یقینی تے بے وساہی، ڈرتے خوف دے ہنیریاں دی تنی ہوئی چادر وچوں روشنی دیاں کرناں اوہدے چہرے اُتے پے رہیاں سن۔ انج جا پد اسی جویں اوہنے گواچی ہوئی شبنو نوں لہمن دی راہ لھئی ہووے۔ میرا ویر، میرا آفتاب آون والی بھلک وچ ضرور چمکے گا۔ گھر دے سارے ہنیرے مک جاوَن گے۔ کوئی موت دا سودا گرا بہدیاں رگاں وچ زہر نہیں اُتار سکے گا۔ میں اوہ ہتھ توڑ دیاں گی جیہڑا ایس آفتاب نوں گہناوَن دی کوشش کرے گا۔ اوہنے اگانہہ ودھ کے آفتاب نوں اپنی چادر دی بکل وچ لکولیا۔ ایہہ گھسمیلا چانن چودھویں رات دا چن بنے گا۔ انج جا پد اسی جویں اوہنے اپنے پورے کل نوں محفوظ کر کے شبنو نوں لھ لیا ہووے۔

(غیر مطبوعہ)

ڈاکٹر سید اختر حسین اختر

ڈاکٹر سید اختر حسین اختر 3 مئی 1937ء نوں مالا کنڈ ڈویژن دے ضلع دیر دی تحصیل اچ دے اک پنڈ کوئی گراں وچ سید برکت علی شاہ ہوراں دے گھر پیدا ہوئے۔ مڈھلی تعلیم اچ، بٹ خیل مردان تے پشاور توں حاصل کیتی۔ 1954ء وچ میٹرک پاس کرن مگروں نہر دے محکمے وچ ملازم ہو گئے۔ 1958ء وچ لاہور آئے۔ بی اے بی ٹی کرن مگروں 1962ء وچ سکول ٹیچر مقرر ہو گئے۔ اسلامیہ ہائی سکول ملتان روڈ دے ہیڈ ماسٹر رہے۔ فیریکر ڈھارٹ سکول ٹمپل روڈ دے پرنسپل رہے۔ جتھوں 1997ء وچ ریٹائر ہوئے۔

اوہناں دیاں انتظامی صلاحیتاں ای اوہناں دیاں تحریراں نوں منظم تے سوہنیاں بنادیندیاں نیں۔ آپ دی مادری زبان پشتو اے پر اوہ جدوں دے پنجاب وچ آئے پنجابی زبان تے ادب دی سیوا اک اُچے تے تچے جذبے نال ایس انداز وچ کیتی کہ اوہ خالص پنجابی ای لگن لگ پئے۔ ایسے جذبے پاروں 1976ء وچ ایم اے پنجابی کیتا تے پنجاب دیاں لوک رساں، لوک عقیدے تے لوک ڈرامے دے حوالے نال بوہت اُچی پدھر تے تحقیقی تے علمی کم کیتا۔ ہن تک اوہناں دا شعری مجموعہ ”دل دیاں پیڑاں“ 1966ء وچ شائع ہويا۔ ایس توں وکھ ”کھلے موتی“، نثری مضموناں دا مجموعہ 1966ء وچ تے ”پنجابی کمپوزیشن“ شائع ہوئے۔ پنجابی زبان تے ادب دے معیاری رسالے ”لہراں“ راہیں پنجابی زبان دی خدمت کر رہے سن اوہ 2011ء نوں اپنے خالق حقیقی نال جا ملے۔

پنجاب ویاں لوک رسماں

لوک رساں اصل وچ ساڈی رہتل دیاں ای پیداوار نیں تے کسے وی معاشرے دے اچھے تے بُرے وسیب تے وسنیکاں دی امیری یاں غربی داثیشہ وکھان والیاں ہوندیاں نیں۔ ایہہ چنگیاں وی ہوندیاں نیں تے بُریاں وی۔۔۔۔۔ سادہ وی تے گنجھلدار وی۔۔۔۔۔ لوکاں تے بھارپان والیاں وی تے اوہناں دا بھار ہولا کرن والیاں وی۔۔۔۔۔ سماجی حالت نوں خوشگوار بنان والیاں وی تے ایہنوں تباہ برباد کرن والیاں وی۔۔۔۔۔ سگوں انج آکھنا چاہیدا اے کہ مجموعی طور تے ملک تے قوم دی اُساری کرن والیاں وی تے بعض حالتاں وچ ایہنوں گراوٹ دے ڈوگھے کھڈیاں وچ سٹن والیاں نیں۔ لوک رساں بھانویں کوئی قنون تے نہیں ہوندیاں پر فیروں ایہہ قنون نالوں ودھ وقعت تے اہمیت رکھن والیاں لکھن پڑھن وچ آئیوں بناں ای سینہ بسینہ چلدیاں رہندیاں نیں۔ لوک رساں دُنیا دے ہر ملک تے ہر خطے وچ ہوندیاں نیں۔ ایہہ وکھری گل اے کہ مختلف مکاں وچ ایہناں دیاں شکلاں وکھو وکھ ہون ایہہ رساں سماج دا اٹوٹ انگ ہوندیاں نیں۔ کئی واری کجھ اصلاح پسند لوک رل کے جے کسے بھیڑی تے مکروہ قسم دی رسم نوں مکانا چاہن وی تے مکا نہیں سکدے کیوں جے ایہہ رساں لوکاں وچ ایہناں رچ مچ گئیاں ہوندیاں نیں کہ ایہناں نوں مکان دا جتن کرن والے نوں پاگل سمجھیا جاندا اے۔ خاص کر کے پنجاب دے واسی تاں صدیاں توں ایہناں نوں تک دامسلہ بنائی پھر دے نیں تے ہر حال وچ ایہناں نوں اپنان تے پورا کرن دی کوشش کر دے رہے نیں۔۔۔۔۔ جدوں تاں ساڈے پرانے زمانے توں چلدے ایہناں رواجوں پورا نہ کیئا جاوے ساڈی عزت قائم نہیں رہندی۔ تک لٹھ جان دا ڈر ہوندا اے۔ سگوں کئی

وارتاں ایک نلک دی خاطر تن من دھن دی بازی وی لادتی جاندی اے۔ ساڈے ایتھے عام طور تے شادی ویاہ دیاں رسماں بڑیاں دھوم دھڑکے نال منائیاں جاندیاں نیں۔ پراس دھوم دھڑکے دانٹھ لٹھیاں سارای قرض لئی ہوئی رقم دیاں سود سنے بھاریاں قسٹاں اتارن دا مسئلہ پیش آؤندا اے تاں شادی خانہ آبادی دی تھاں خانہ بربادی دا نقشہ بن جاندی اے۔ جیہڑے بندے دی شادی اُتے قرض لیا گیا ہوندا اے اوس وچارے دا ایس قرض دی واپسی کردیاں کردیاں لک دوہرا ہو جاندی اے۔ ایسے گیر وچ اوہدی اولاد جوان ہو جاندی اے تے فیر اوہ اپنی اولاد دیاں ویاہواں شادیاں اُتے اوہ کچھ کردا اے جیہڑا کچھ نلک رکھن لئی اوہدے مایاں کیتا سی۔ تے ایہہ چکر انجے اگلیاں کئی پیڑھیاں تائیں چلدا رہندا اے۔

لوک رسماں دے کچھ نقصان وی نیں تے کچھ فائدے وی۔ مثال دے طور تے پنجاب وچ ورتن بھاجی نوں خاص اہمیت حاصل اے۔ ایہہ اصل وچ رہتل دا لین دین اے۔ جے اج تسیں کسے دی شادی یا خوشی غمی دے موقعے اُتے کچھ ورت آئے او تے کل کلاں نوں اوہ تہاڈے کسے جیسے موقعے اُتے تہاڈے نال تہاڑوں ودھای ورتے گا۔ یعنی تہاڈی دتی ہوئی رقم توں کچھ ودھ رقم ای تہاڑوں دے کسے جاوے گا۔ انج وکھو وکھ موقعیاں اُتے تسیں لوکاں نوں تھوڑا تھوڑا کر کے جو کچھ دیتا ہوندا اے اوہ اک مٹھ تہاڑوں اوس ویلے مل جاندی اے جدوں تسیں کوئی ویاہ شادی کردے او۔ اوس خوشی دے موقعے اُتے تسیں جیہڑا خرچ کرنا اے اوہا چنگا چوکھا حصہ تہاڑوں موڑ ویں بھاجی راہیں مُرد آؤندا اے تے انج تہاڈے اُتے قرض دا بھار ہولا ہو جاندی اے۔ بعض تہاڑوں اُتے ایس نوں ہور بہتر شکل وچ ورتوں وچ لیا جاندی اے۔ مثال دے طور تے عقیقہ یا ورہے گنڈھ (سا لگرہ) دے موقعے اُتے تہاڈی ورتی ہوئی رقم مُرد آوے گی تے ایس رقم نال تہاڈی کوئی ویلے دی لوڑ پوری ہو جاوے گی۔

انج پنجاب دیاں لوک رسماں وچ معاشرتی لین دین دا معاملہ اے۔ اوہدے وچ عورت نوں خصوصی اہمیت حاصل اے۔ عورت بھانویں دھی ہووے، نوٹھ ہووے، ماں یاں بھین ہووے۔ ویاہ شادی یا کسے خوشی دے موقعے اُتے ایہنوں سبھ توں ودھ حصہ ملدا اے۔ ایہہ شاید ایس لئی کہ ساڈے ایتھے پُتریں دی نسبت دھیاں نوں جانیڈا وچ حصہ نہیں ملدا۔ جے ملدا وی اے تے نہ ہون دے برابر تاں ای ایہہ رسم بنائی گئی پئی جن توں لے کے مرن تائیں ایہنوں مایاں ولوں کچھ نہ کچھ ملدا ای رہوے۔ سگوں ایہدے مرن مگروں دی دوہتریاں نوں نالکیاں ولوں کچھ نہ کچھ ملدا ای رہندا اے۔ فیر نرا خوشی دے موقعیاں اُتے ای نہیں سگوں اوہدے سوہریاں ول کسے وڈیرے دے چلانا کر جان ویلے وی اوہدے پیکیاں ولوں کچھ نہ کچھ ملدا اے۔ انج دیاں ہور وی کئی رسماں نیں جیہڑیاں رہتل دیاں کئی مسئلیاں نوں بڑے چچ نال حل کردیاں نیں تے ایہہ سماج وچ بڑی اُچی تھاں رکھیاں نیں۔ ایہناں رسماں نوں تن حصیاں وچ ونڈیا جاسکدا اے:

(1) خوشی دیاں رسماں (2) غمی دیاں رسماں (3) عام رہتلی رسماں

ایتھوں دے وسنیک وی تن طبقیاں وچ ونڈے ہوئے نیں:

1۔ اُچے درجے دے امیر کبیر سرمایہ دار تے جاگیراں والے

2۔ وچلے طبقے دے لوگ

3۔ پٹھلا تے غریب طبقہ

اُچے طبقے دے لوکی تاں ایہہ رسماں گج وچ کے مناندے ای نیں پروچکار لے تے بیٹھلے طبقے دے لوکی وی ایہناں رسماں رواجاں
 نون نبھان وچ کوئی کسر نہیں چھڈ دے۔ ایس واسطے ایہہ رسماں اصل وچ نک دامسلہ بنیاں ہویاں نیں تے جو ی تھی جان دے او پئی نک
 تے آخر ساریاں دے مونہہ اُتے لگا ہویا اے۔ ایس کر کے کیہ غریب تے کیہ امیر، ایہدی سنبھال نوں ساریاں نے اپنا دین ایمان بنالیا
 اے تے ایہناں رسماں دے جال وچ سارے دے سارے انج جکڑے پئے نیں۔ پئی ایہناں توں خلاصی مشکل ای نہیں سگوں نامکن جیہی
 نظر آؤندی اے۔ جیہڑا ایہناں توں چھٹکارے داسوچے اوہنوں پاگل تے کنجوس سمجھیا جاند اے۔ ایہہ رسماں وی لوک عقیدیاں وانگ اوس
 رلے ملے سماج دی پیداوار نیں جس وچ ہندو، مسلمان، سکھ تے عیسائی اکٹھے رہندے سن تے نال نال رہن والیاں دا اک دوجے اُتے اثر
 پینا اک قدرتی امر اے۔ ایس لئی ایس رلی ملی رہتل دی پیداوار ایہہ رسماں اینیاں پکیاں پیڈیاں نیں کہ پاکستان بنن مگروں وی ایہہ اوس
 ای آہر نال نبھائیاں جارہیاں نیں جس آہر نال ایہہ پاکستان بنن توں پہلاں رلے ملے سماج وچ نبھائیاں جاندیاں سن۔

حصہ نظم

شاعراں دے تعارفی نوٹ

جیہناں شاعراں دے تعارفی نوٹ گیارہویں جماعت دی کتاب وچ موجود
نیں اوہناں شاعراں دے تعارفی نوٹ ایس حصے وچ شامل نہیں کیتے گئے۔

حصہ نظم کے ماخذ

- 1- سیف الملوک: میاں محمد بخش رحمۃ اللہ علیہ / مرتبہ اقبال صلاح الدین 12- کلارکھ : بشیر مندر
- 2- راقب صوری دیاں نعتاں: راقب قصوری 13- باردی سار: اقبال صلاح الدین
- 3- آکھیا بابا فرید رحمۃ اللہ علیہ نے: مرتبہ محمد آصف خاں- 14- شکر دوپہر: رؤف شیخ
- 4- کافیاں شاہ حسین رحمۃ اللہ علیہ: ڈاکٹر موہن سنگھ دیوانہ 15- سرگھی داتارا: سلیم کاشر
- 5- ابیات باہو رحمۃ اللہ علیہ: مرتبہ سلطان الطاف علی 16- یاداں : ڈاکٹر رشید انور
- 6- کافیاں بکھے شاہ رحمۃ اللہ علیہ: بکھے شاہ رحمۃ اللہ علیہ: 17- توں وی چن اچھال کوئی: منظور وزیر آبادی
- 7- ہیر وارث شاہ رحمۃ اللہ علیہ: مرتبہ شریف صابر 18- اکھیاں دے پرچھاویں: الطاف قریشی
- 8- دیوان فرید رحمۃ اللہ علیہ: مرتبہ نور احمد خاں فریدی 19- مورچلدیاں سوچاں: علی محمد ملوک
- 9- کرم پھلواڑی: استاد کرم امرتسری 20- تنے داروگ : اکرام مجید
- 10- سنہری کلیاں : فیروز دین شرف 21- جاوید نامہ دا پنجابی ترجمہ: شریف کنجاہی
- 11- چن دی کھاری : علامہ یعقوب انور 22- دیوان غالب دا منظوم ترجمہ: اسیر عابد

مولوی لطف علی بہاولپوری

مولوی لطف علی ملتان وچ 1714/1716ء نوں پیدا ہوئے۔ پر آپ دی حیاتی دا اک وڈا عرصہ ریاست بہاولپور وچ گزریا جس پاروں آپ مولوی لطف علی بہاولپوری مشہور ہو گئے۔ آپ حضرت بہاؤ الدین زکریا ملتانیؒ دے مرید سن۔ آپ اسی (80) سال دی عمر وچ 1794ء نوں وفات پا گئے۔ آپ دامزار میو مبارک وچ اے۔

آپ دی مشہور تصنیف ”سیفل نامہ“ (مثنوی سیف الملوک) اے جیہڑی عبدالغفور قریشی ہوراں دے مطابق پہلی واری کانپور (بھارت) وچوں 1879ء نوں شائع ہوئی۔ ایہہ مثنوی جنوبی ایشیا وچ پہلی واری دکنی زبان وچ ملاں غواصی نے ترجمہ کر کے شائع کرائی تے پنجابی وچ ایہہ شرف مولوی لطف علی ہوراں نوں حاصل ہو یا۔

آپ نوں بچپن توں ای شاعری دا شوق سی۔ شاعری وچ علی حیدر ملتانی رحمۃ اللہ علیہ نوں اپنا استاد بنایا۔ آپ نے اعلیٰ تعلیم مولوی نور محمد ہوراں دے مدرسے توں حاصل کیتی تے روحانی تربیت اپنے مرشد پاک تے استاد محترم دوواں کولوں مکمل کیتی۔ سیف الملوک (سیفل نامہ) توں دکھوی آپ نے شاعری کیتی۔ خواجہ غلام فرید رحمۃ اللہ علیہ آپ دے فکر تے فن دے بڑے قدر دان سن۔ آپ نے ایس مثنوی وچ صرف داستان بیان کیتی اے۔ عربی تے فارسی دے اکھروی ورتے نیں۔ سراپا نگاری تے منظر نگاری دے حوالے نال آپ دا زور بیان ویکھن تے پڑھن نال تعلق رکھدا اے۔

حمدِ باری تعالیٰ

جمل جہاں مکان اُتے تھیا روشن نورِ خدائی
گن فیکون کنوں جیں قادر، بنا جہان بنائی
شاہد ہے اوں واحد تے دُھر توڑ کنوں بکڑائی
تھمھیں باجھ کھڑا ایس محکم گنبد صاف سمائی
بُت آدم دا خلقیس خاکوں دے زینت زیبائی
راحت رُوح رلائس تس وچ کر حکمت دانائی
طلعت ہر مخلوق مصوّر رنگاں رنگ رنگائی
ہک چہرہ شب رنگ / ڈسیجے ہک جلوہ سیمائی

ہکڑیاں گوں بادشاہی بخشی ہکڑیاں شہر گدائی
 ہکڑیاں نوں گرلاندریں گڑے ہکڑیاں غرض نہ کائی
 ہکڑے نقش نگار ویکھن ہک کرن حصول صفائی
 ہکڑے مرد قیاس فکر دے ساتھ عقل ہمراہی
 ہکڑیاں تے آسان کیش چا، جان گندن تلخائی
 ہکڑیاں دی تلخائی توں وت جان لباں تے آئی

سیفل نامہ (مثنوی سیف الملوک)

راقب قصوری

راقب قصوری 1883ء نوں قصور وچ پیدا ہوئے۔ آپ نے قصور وچ اپنی تعلیم مکمل کیتی۔ سرہند وچ قیام دے دوران نبی آخر الزماں صلی اللہ علیہ وآلہ وسلم نال محبت، چاہت تے عقیدت دے جذبے، اک خاص لگاؤ دے تحت جاگے۔ ایہہ اوہ مقام سی جتھے آکے راقب قصوری ہوراں نے اپنے آقادی مدح مبارک نوں ای اپنی حیاتی دامتقصد بنالیا۔ آپ جون 1936ء نوں وفات پا گئے۔

پنجابی شاعری دی روایت وچ اوہ اک رجحان ساز شاعر دی حیثیت اختیار کر گئے کیوں جے اوہناں توں پہلاں عام طور تے پنجابی شاعر مثنویاں، جنگ نامیاں، واراں تے قصیاں وغیرہ دے مڈھ وچ حمد، نعت تے منقبت وغیرہ برکت تے عقیدت پاروں درج کر دے سن۔ راقب نے پہلی واری نعت نوں اک وکھری صنف سخن دے طور تے اختیار کر کے کئی نعتیہ مجموعے پیش کیتے۔ جیہناں وچ حضرت محمد صلی اللہ علیہ وآلہ وسلم دی حضوری، مولادی منظوری، مدینے پاک دی کستوری، نبی پاک دی دُوری، روضے پاک دی چُوری، دیوان راقب تے راقب قصوری دیاں نعتاں (جمع وتدوین ڈاکٹر شہباز ملک) خاص طور تے ذکر دے قابل نیں۔

راقب قصوری دیاں نعتاں وچ حضور اکرم صلی اللہ علیہ وآلہ وسلم دے روضہ مبارک اُتے حاضری دی خواہش بڑی مچل دی اے۔ اوہ ہر ویلے مدینے دی حضوری واسطے تڑندے رہندے سن تے ایہہ کیفیت اوہناں دی اک اک نعت وچ بھری ہوئی اے۔

نعت

یا محمدؐ یا محمدؐ آکھدی کر پھیریاں!
تیری بندی چنگی مندی در ترے دی چیریاں
برہوں جلیاں لاناں بلیاں، گلیاں گلیاں کوکدی
بوہڑ سائیاں، کہیاں سائیاں، سانوں لوڑاں تیریاں
توں پیارا، توں دلارا توں سہارا خلق دا
سینے لائیں، ہُن کدائیں عرضاں غرضاں میریاں
نچ نہ جمدی، پُتلی غم دی کجھ نہ کم دی کاج دی
لائیاں لیکاں سبھ شریکاں نت اڈیکاں تیریاں
نت میں روگی، روگاں جوگی، غم بھوگی روندڑی
موئی مکی مکھ دی بھلکھی، ہُن کہیاں نیں دیریاں
تیری گولی، کد میں بولی، جان گھولی صدقوے
جا نہ چھڈ کے، جھولی اڈ کے نتاں کر دی تیریاں
خاک چھانی، میں نمائی میرا راقبؔ ہے گواہ
آوے سائیاں ہو ر ڈھائیاں میں تے سبھ ڈھیریاں

(راقب قصوری دیاں نعتاں)

بول فرید رحمۃ اللہ علیہ

(بابا فرید الدین گنج شکر رحمۃ اللہ علیہ)

فریدآ روٹی میری کاٹھ دی لاون میری بھکھ
جیہناں کھادی چوپڑی گھنے سہن گے دُکھ

فریدآ چار گوائیاں ہنڈھ کے چار گوائیں سم
لیکھا رب منکیسیا توں آیوں کبھڑے کم

بڈھا ہویا شیخ فریدآ کٹھن لگی دیہہ
جے سو ورہیاں جیونا بھی تن ہوی کھیہ

فریدآ کوٹھے منڈپ ماڑیاں اساریندے بھی گئے
کوڑا سودا کر گئے گوریں آء پئے

فریدآ خالق خلق میں خلق وسے رب مانہہ
مندا کس نوں آکھے جاں تس بن کوئی نانہہ

فریدآ میں جانیا دُکھ مجھ کوں دُکھ سجا ایہہ جگ
اُچے چنھ کے ویکھیا تاں گھر گھر ایہا اگ

(آکھیا بابا فرید رحمۃ اللہ علیہ نے)

کافیاں

(شاہ حسین رحمۃ اللہ علیہ)

مائے نی میں کیمہوں آکھاں درد وچھوڑے دا حال

دُھواں دُھکھے میرے مرشد والا جاں پھولاں تاں لال
سولاں مار دیوانی کیتا برہوں پیا ساڈے خیال
دُکھاں دی روٹی سولاں دا سالن آہیں دا بالن بال
جنگل نیلے پھراں ڈھونڈینڈی اچے نہ پائیو لال
کہے حسین فقیر نمانا شوہ ملے تاں تھیواں نہال



ماہی مای گوکدی میں آپے رانجمن ہوئی

رانجمن رانجمن مینوں سبھ کوئی آکھو ہیر نہ آکھو کوئی
جس شوہ ٹوں میں ڈھونڈ دی لدھا شوہ سوئی
کہے حسین سادھاں دے ملیاں نکل بھل گیوئی



(کافیاں مادھولال حسین رحمۃ اللہ علیہ)

ابیات

(سلطان باہور رحمۃ اللہ علیہ)

الف: ایہہ تن میرا چشمہ ہووے تے میں مُرشد ویکھ نہ رجاں ہو
 لوں لوں دے مڈھ لکھ لکھ چشماں ہک کھولاں ہک گجاں ہو
 اتنیاں ڈٹھیاں صبر نہ آوے ہور کتے دل بھٹجاں ہو
 مُرشد دا دیدار ہے باہو مینوں لکھ کروڑاں گجاں ہو

پ: پیر ملیاں جے پڑ نہ جاوے اس ٹوں پیر کیہ دھرنا ہو
 مُرشد ملیاں ارشاد نہ من ٹوں اوہ مُرشد کیہ کرنا ہو
 جس ہادی کولوں ہدایت ناہیں اوہ ہادی کیہ پھڑنا ہو
 جے سِر دتیاں حق حاصل ہووے باہو اس موتوں کیہ ڈرنا ہو

ک: کلمے لکھ کروڑاں تارے ولی کیتے سے راہیں ہو
 کلمے نال بُجھائے دوزخ جتھے اگ بے ازگاہیں ہو
 کلمے نال بہشتیں جانا جتھے نت سنج صباہیں ہو
 کلمے جیہی کوئی نہ نعمت باہو اندر دوہیں سراہیں ہو

(ابیات باہور رحمۃ اللہ علیہ)

کافی

(سید نلھے شاہ رحمۃ اللہ علیہ)

کت گڑے نہ وت گڑے

چھلی لاه بھڑولے گھت گڑے

ماں پیو تیرے گنڈھیں پایاں

اجے نہ تینوں سرتاں آیاں

دن تھوڑے تے چا مکایاں

نہ آسیں پیکے وت گڑے

کت گڑے ، نہ وت گڑے

جے داج وہونی جاویں گی !!

تاں کسے بھلی نہ بھاویں گی!

توں شوہ نوں کیویں رجھاویں گی!

کچھ لے فقیراں دی مت گڑے

کت گڑے ، نہ وت گڑے

تیرے نال دیاں داج رنگائے نی

ادھناں سوہے سالو پائے نی

توں پیر اُلے کیوں چائے نی

جا اوتھے لگسی تے گڑے

کت گڑے ، نہ وت گڑے

شوہ نلھیا! گھر اپنے آوے

چوڑا بیڑا تے سہاوے

گن ہوسی تاں گلے لگاوے

نہیں روسیں نینیں رت گڑے

کت گڑے ، نہ وت گڑے

(کافیاں نلھے شاہ رحمۃ اللہ علیہ)

مقولہ شاعر

(سید وارث شاہ رحمۃ اللہ علیہ)

بھائیاں باجھ نہ مجلساں سوہندیاں فی اتے بھائیاں باجھ بہار ناہیں
بھائی مرن تے پوندیاں بھج بانہاں بناں بھائیاں پرہے پر وار ناہیں

گئے عمر تے وقت پھر نہیں مزدے، گئے کرم تے بھاگ نہ آؤندے فی
گنی گل زبان تھیں تیر چھٹا گئے رُوح قلوبت نہ آؤندے فی

صلح کیتیاں فتح جے ہتھ آوے کمر جنگ تے مول نہ گئیے فی
تیرے درد دا سبھ علاج متھے وارث شاہ نوں ویدنا دینے فی

بھلا موئے تے وچھڑے کون میلے ایویں جیوڑا لوک ولاؤندا ای
اک باز تھوں کائوں نے کونج کھوی ویکھاں چپ ہے کہ گراؤندا اے

کئی بول گئے شاخ عمر دی تے ایٹھ آہلنا کسے نہ پایا ای
کئی حکم تے ظلم کما چلے ، نال کسے نہ ساتھ لدایا ای

(ہیر وارث شاہ رحمۃ اللہ علیہ)

کلام

(میاں محمد بخش رحمۃ اللہ علیہ)

سدا نہ رسد بازاریں و کسی سدا نہ رونق شہراں
سدا نہ موج جوانی والی سدا نہ ندیں لہراں
سدا نہ لاث چراغاں والی سدا نہ سوز پتنگاں
سدا اڈاراں نال قطاراں رہسن کد کلنگاں
سدا نہیں ہتھ مہندی رتے سدا نہ چھٹکن ونگاں
سدا نہ چھوپے پا محمد رل مل بہن سنگاں

حسن مہمان نہیں گھر باری کیہ اُسدا فرمانا
راتیں لٹھا آن ستوئی، فجری کوچ بلانا
سنگ دے ساتھی لدی جاندے اساں بھی ساتھ لدانا
ہتھ نہ آوے پھیر محمد جان ایہہ وقت وہانا

سدا نہیں مرغائیاں بہنا، سدا نہیں سر پانی
سدا نہ سنیاں سیس گنداون سدا نہ سرفی لانی
لکھ وار بہار حُسن دی خاکو وچ سمائی
لا پریت محمد جس تھیں جگ وچ رہے کہانی

مگر شکاری کرے تیاری بار چریندیا ہرنا
جو چڑھیا اس ڈھینا اوڑک جو جمیا اس مرنا
لوئی لوئی بھر لے گڑیئے جے مدھ بھانڈا بھرنا
شام پئی بن شام محمد گھر جاندی نے ڈرنا

کافی

(خواجہ غلام فرید رحمۃ اللہ علیہ)

کیا حال سناواں دل دا کوئی محرم راز نہ ملدا
مُوٹھ دھوڑ مٹی سر پائیم سارا ننگ نمود و نجایم
کوئی چمکھن نہ ویڑے آیم ہتھوں اُلٹا عالم کھلدا



دل یار کتے کڑلاوے تڑپھاوے تے غم کھاوے
دُکھ پاوے ، سول نبھاوے ایہو طور تہیڈے بیدل دا



دل پریم نگر ڈوں تانگھے جتھاں پینڈے سخت اڑانگے
نہ راہ فرید نہ لانگھے ہے پندھ بہوں مشکل دا



(دیوان فرید رحمۃ اللہ علیہ)

استاد کرم امرتسری

کرم امرتسری دا پورا ناں کرم دین تے تخلص کرم سی۔ آپ امرتسر دے اک راجپوت گھرانے وچ میاں فضل دین دے گھر پیدا ہوئے۔ آپ دا خاندان پشیمینے تے ریشم دریائی کپڑے دی تجارت کرداسی۔ کرم ہوراں نے صرف مسجد وچ دینی تعلیم حاصل کیتی، آپ نے سید امیر علی (شاہی قاضی) دی شاگردی اختیار کر کے شعر و شاعری دا سلسلہ شروع کر دیتا۔ امرتسر دے نور شاہ جنتی سائیں دے تکیہ وچ کرم ہوراں دا شعری ذوق پروان چڑھیا۔ قیام پاکستان توں بعد لاہور آکے آباد ہو گئے تے ایتھے ای 12 جنوری 1959ء نو 106 ورہیاں دی عمر وچ انتقال کیتا۔ اوہناں نے ساری حیاتی ویادہ نہیں کیتا۔

استاد کرم امرتسری دے شعر علامہ اقبال رحمۃ اللہ علیہ بڑے ذوق شوق نال سن دے ہوندے سن تے اوہ بابو کرم ہوراں نوں پنجابی دا غالب آکھ دے سن پہلے اردو شاعری کر دے سن پر آغا حشر دے کہن تے پنجابی شاعری شروع کیتی۔ کرم ہوراں دا پہلا مجموعہء کلام ”گلدستہ کرم“ 1927ء نوں شائع ہو یاسی۔ جس نوں بعد وچ اوہناں دے بھانجے میجر عبدالکریم ہوراں نے ”کرم پھلوڑی“ دے حوالے نال 1965ء وچ شائع کیتا۔ ایسے طراں ایہناں نے استاد کرم دی شاعری تے شخصیت اُتے اک سوہنی کتاب ”تکریم کرم“ 1987ء وچ شائع کیتی۔ استاد کرم نے زیادہ تربیت، چومصرے (چوبرگے) لکھے۔ جیہناں وچ اوہناں نے اخلاق، تصوف، سرمستی، طنز، قومی رنگ دی شاعری کیتی۔ اوہناں دے کلام وچ بڑا سوز تے درد وی موجوداے۔

چوبرگے

نہیں سفر سامان درست کیتا کیہ کراں گا خاک وچ زلیا میں
جی چاہوندا اے پاڑ کے پھوک سٹاں تینوں کیہ کرا گا خالی پلایا میں
فرصت ہوندى تے کجھ بنا لیندا ، تھوڑے وچ کیہ کردا جھلیا میں
جد میں آیا تے کرم اذان ہوئی ہو گئی نماز تے چلیا میں
زیر دار منصور نوں آکھیا میں ، سن لے گل ایہہ ہے سن لین والی
کردوں درس مسجد یا محراب منبر تیری گل نہیں سی دُنیا سہن والی
کاہنوں ”حق“ چھپا کے رکھ دا میں، نہ تے میں نہ دنیا ہے رہن والی
کرم منبر تے کس طراں آکھ دا میں، جیہڑی گل سی دار تے کہن والی
ایسے سخت سیاہ سن عمل میرے، کہ میں ٹھکراں تھیں پائمال ہوندا
پُرزے پُرزے کر چھڈ دے لوک مینوں، جُدا جُدا میرا وال وال ہوندا
پتھر برس دے وانگ منصور مینوں، گریبان دامن میرا لال ہوندا
جے نہ رب دی ذات رحیم ہوندى، کرم ویکھدوں کیہ تیرا حال ہوندا

(کرم پھلوڑی)

علامہ یعقوب انور

علامہ یعقوب انور دا اصل ناں غلام یعقوب تے قلمی ناں یعقوب انوری۔ میانوالی وچ 1915ء نوں اپنے ویلے دے مشہور شاعر بابو عبد الغنی وفادے گھر پیدا ہوئے۔ میٹرک تک تعلیم گوجرانوالہ تے بی اے گورنمنٹ کالج لاہورتوں پاس کیتا بعد وچ یونیورسٹی لاء کالج توں ایل ایل بی دا امتحان پاس کیتا تے فیر پنجاب حکومت دے محکمے ایکسٹرنل ٹیکسیشن وچ ملازم ہو گئے۔ بعد وچ ملازمت توں فارغ ہو کے لاہور ہائی کورٹ وچ ایڈووکیٹ دی حیثیت نال پریکٹس شروع کردتی۔ علامہ یعقوب انور ہوریں 21 جنوری 1974ء نوں گوجرانوالہ وچ وفات پا گئے۔

علامہ یعقوب انور نے انگریزی اُردو تے پنجابی وچ شاعری کیتی۔ اوہ اک چنگے نثر نگار وی سن، پنجابی وچ اوہناں دیاں غزلاں دا مجموعہ ”چن دی کھاری“ شائع ہو یا اے۔ پنجابی دے کئی صوفی شاعراں مثلاً شاہ حسین رحمۃ اللہ علیہ لاہوری، حضرت سلطان بابو رحمۃ اللہ علیہ تے ٹیکھے شاہ رحمۃ اللہ علیہ دے منتخب کلام دا انگریزی نظم وچ ترجمہ وی کیتا اے۔ اک طویل نظم ”رانی دیس پنجاب دی“ وی تخلیق کیتی۔ علامہ یعقوب انور دا اک ہو رچا کارنامہ پنجابی صنفاں تے پنجابی اوزان دے عنوان نال ”بول تے تول“ اے۔

یعقوب انور نے نویں پنجابی غزل وچ کمال حاصل کیتا اے۔ زبان خالص پنجابی محاورے والی ورتی اے۔ اوہناں دے مضمون وی نویں تے نویکلے نیں۔ آپ نے پہلی واری پنجابی غزل وچ پنجاب دی واہی بیجی، فصلاں، رکھاں تے رُتاں دے حوالے نال تشبیہاں تے استعارے ورتے نیں۔

غزل

چکی دلیلاں دی جدوں کڈھ دی اے گالے رات نوں
سو وہم پھر دے نیں مرے آل دوالے رات نوں
اکلاپیاں دے ہنیر وچ ایس دل نوں چھڈ کے کلیاں
فجراں دا چانن وی سجن لے جاندے نالے رات نوں
سجناں دے کجلے وانگ میتھوں رات رُٹھی جاوندی
کیہ ایہدے کنیں ویریاں پائے نیں والے رات نوں
اج کون دتے کھول کے انور کیمہدے لئی جاگ دا
یا بتاں والے جاگدے یا اللہ والے رات نوں

(چن دی کھاری)

بشیر مُنذر

بشیر احمد اصل ناں اے تے تخلص مُنذر سی۔ گجرات وچ 3 جنوری 1925ء نوں ملک حسن محمد دے گھر پیدا ہوئے۔ زمیندارہ ہائی سکول توں میٹرک تے زمیندارہ ڈگری کالج توں بی اے دا امتحان پاس کیتا۔ روزگار دے سلسلے وچ 1954ء نوں لاہور آکے پنجاب حکومت دے محکمہ بحالیات وچ ملازم ہو گئے۔ ایستھ آکے اوہناں نے ادبی اینٹل کالج توں پہلاں ایم اے اُردو کیتا تے بعد وچ ایم اے پنجابی وی کر لیا۔ سرکاری ملازمت نوں چھڈ کے اوہناں نے 1956ء وچ کتاباں دی اشاعت دا ادارہ کتب مینار قائم کیتا اپنا پریس لا لیا۔ ایہدے نال نال علمی تے ادبی سرگرمیاں وچ حصہ لینا شروع کر دتا جیہڑا وفات تک قائم رہیا۔ بشیر مُنذر 1990ء نوں اللہ نوں پیارے ہو گئے۔

بشیر مُنذر پہلاں صرف اُردو وچ شاعری کردے سن پر بعد وچ پنجابی شاعری شروع کیتی، اوہناں دیاں نظماں دا پہلا مجموعہ ”کلا رُکھ“ 1969ء نوں شائع ہويا۔ تے ”الھر بلھر باوے دا“ دے عنوان پٹھاں اک مجموعہ 1979ء وچ شائع ہويا۔ ایس مجموعے اُتے اوہناں نوں کئی انعام تے ایوارڈ وی ملے۔

بشیر مُنذر ہوراں دیاں پنجابی نظماں دی زبان تے اسلوب اک عجیب طراں دی سادگی دا نمونہ پیش کردے نیں۔ پنڈاں دے وسنیکاں دے مسئلیاں نوں بڑے ڈونگھے جذبیاں نال بیان کردے نیں۔ اوہناں نے عام طور تے نکی نظم آکھی اے۔ بشیر مُنذر دا اک ہور فنی وصف ایہہ اے کہ لفظاں توں گھٹ توں گھٹ ورتدے نیں پر اوہناں وچوں وڈے وڈے معنی اخذ کردے نیں۔

کلا رُکھ

بھاں بھاں کر دی جوہ میرے دی

جیون بڑا کولا

چار چوہیرے ڈونگھاریتا

میں وچ کلم کلا

ساوے پیلے میرے پتر

موٹے پتلے ڈالے

لم سلیمیاں لغراں اُتے

بولن کال مٹھہ کالے

آون جھکھرو جاون جھکھرو

تھاں توں ذرانہ ہلاں

لوہندیاں دھپاں مارو پالے

اپنی جاں تے جھلاں

چھاں نوں کوئی چھاں نہ جانے

پھل نوں پھل نہ سمجھے

اوہ جیون کیہ جیون جس دا

کوئی مل نہ سمجھے

(کلاڑھ)

اقبال صلاح الدین

اقبال صلاح الدین 28 اکتوبر 1933ء نوں ضلع اوکاڑہ دے اک پنڈ قلعہ ونور وچ حکیم چوہدری فتح الدین دے گھر پیدا ہوئے۔ گورنمنٹ ہائی سکول اوکاڑہ توں دسویں کر کے لاہور آ گئے۔ 1965ء نوں فارسی فاضل تے بی اے دے امتحان پاس کیتے۔ 1966ء وچ ایم اے، ایم اوایل (فارسی) اوری اینٹل کالج لاہور توں تے 1967ء وچ ایم اے اُردو، 1968ء وچ پنجابی فاضل دا امتحان پاس کیتا، کجھ چر اوری اینٹل کالج وچ ریسرچ سکالر رہے۔ ساری حیاتی تصنیف، تالیف، تدوین تے تخلیق نوں ای اپنا مقصود جانیا۔ 13 دسمبر 2005ء نوں اپنے مالک حقیقی نال جا ملے۔

اقبال صلاح الدین اگے ویلے اک اُچے محقق، سچے نقاد، نویکلے شاعر، اعلیٰ کہانی کار سن۔ لاہور دے قیام دے دوران اوہ کجھ چر ماہنامہ لہراں دے مدیر وی رہے۔ 1968ء وچ اوہ رائل ایشیاٹک سوسائٹی دے فیلو چنے گئے تے 1970ء وچ انجمن ترقی اردو ولوں اوہناں نوں سند اعتراف تے نشان سپاس ملیا۔

فارسی، اردو تے پنجابی دیاں لگ بھگ 35 کتاباں دے مصنف، مؤلف تے مرتب نیں۔ فارسی وچ امیر خسرو رحمۃ اللہ علیہ اُتے تحقیقی کم کیتا تے تاریخ پنجاب، حدیث آشنا (نعتیہ مجموعہ کلام) تے پنجابی وچ 'لعل' دی پنڈ، سنگی نامہ ہار دی سار (مجموعہ کالم) 'کٹر کنڈیالی' (شاعری) 'کوئچ کہانی' (کہانیاں)، 'سیف الملوک'، 'احسن القصص'، 'فہرست مقالات کرب قبیلہ' (طویل نظم) خاص طور تے اہم نیں۔ اوہناں دی پنجابی شاعری وچ گنجی بار دے وسنیکاں دے دکھ درد تے بار دے مخصوص لہجے نے ہو روی اثر انگیز بنا دتا اے۔

سکے پاتر

سکے پاتر

عیب درختاں

ہک ہلونا کھاوَن

بھوئیں دے اُتے ڈھیندے جاوَن

خاک سماوَن عیباں پاک سداوَن

میرے وی لکھ پاتر سکے

عیباں نال پڑتے

سوہلو نے کھاوَن

ہتھوں نچے پیر جماون

نہ ایہہ خاک سماون

نہ ایہہ پاک سداون

مڑوی میں سونے داسونا

کھوٹ نہ ماسا

سچا ستھرا واسا

کیہا ہاسا--

(باروی سار)

روُف شیخ

روُف شیخ 14 اگست 1934ء نوں حافظ آباد ضلع گوجرانوالہ وچ شیخ محمد شریف دے گھر پیدا ہوئے۔ میٹرک کرن توں بعد اوہ اپنے جدی نشتی لوہے دے کاروبار وچ مصروف ہو گئے۔ پرکاروبار دے نال نال اوہناں نے تعلیم دا سلسلہ جاری رکھیا۔ چنانچہ پنجابی فاضل کرن توں بعد اوہناں نے پہلے ایف اے تے فیر بی اے دا امتحان پاس کیتا۔

اوہناں نے 1964ء دے دوران پنجابی شاعری دے میدان وچ قدم رکھیا۔ اوہ پاکستان رائٹر گلڈ لاہور ریجن دے سیکرٹری وی چنے گئے۔ ایہدے نال نال اوہناں نے اپنا اک وکھرا علمی تے ادبی ادارہ پنجاب رنگ قائم کیتا جیہدے اوہ چیئرمین سن۔

روُف شیخ دے شعری مجموعیاں وچ 'واٹاں' (قومی نظماں)، 'بلدا شہر' (غزلاں)، 'چپ دا زہر' (غزلاں)، 'کرناں' (نظماں، غزلاں تے گیت) تے 'شکر دو پہر' (غزلاں) شامل نیں۔

روُف شیخ نے اپنی غزل وچ جدید عہد دے جدید مضموناں تے موضوعاں نوں سمو دتا سی۔ اوہناں نے آج دے عہد دے انسان دے ذہنی تے قلبی کرب دے ذریعے پنجابی غزل نوں اک نواں طرز احساس عطا کیتا۔ 21 جولائی 2000ء نوں اڈلہ نوں پیارے ہو گئے۔

غزل

اوہدوں تیک سراں تے خوف بہیریاں جھلیاں رہن گیاں
انساناں نوں جد تک اپنیاں قدراں بھلیاں رہن گیاں
کرتاں کوچر اکھیاں آگے گوڑھ بہیرے نچن گے
کرتاں کوچر سوچاں دے وچ زہراں گھلیاں رہن گیاں
ایس پاسے بے ویہتا پانی سڑکاں روڑھ لے جاوے گا
اوس پاسے سک نہراں دے مونہہ تکدیاں پلایاں رہن گیاں
دھرتی اُتے نقش رہن گے گزرن والے ویلے دے
پانی بھانویں سک جاوے گا تنداں پھلیاں رہن گیاں
جنگل دا قنون بنے گا ایراں قسمت شہراں دی
چھویاں دی چھاں پٹھاں علم کتاباں بھلیاں رہن گیاں
سوہرے گھر وچ کوں بنے گی صورت روُف وسیب دی
پکیاں دے گھر جے نہ گڑیاں رلیاں کھلیاں رہن گیاں

(شکر دو پہر)

سلیم کاشر

سلیم کاشر اکتوبر 1934ء نوں لاہور وچ جناب محمد دین بٹ دے گھر پیدا ہوئے۔ بی اے تک تعلیم حاصل کرن توں بعد اوہ نیشنل بینک آف پاکستان وچ ملازم ہو گئے۔ 1993ء نوں اک چنگے تے اہم عہدے توں ریٹائر ہو گئے۔ اوہ اپنیاں تخلیقی سرگرمیاں وچ رُجھے رہندے نیں۔ سلیم کاشر نے تعلیم دے دوران ای شعر آکھنے شروع کردتے سن۔ اوہناں دے گیت چھیتی ای ریڈیو، ٹیلی ویژن تے فلماں اندر گونجن لگ پئے۔ سلیم کاشر نے غزل، نظم تے گیتاں وچ روایت تے جدیدیت نوں اک مُک کر دتا۔ اوہناں دی شاعری وچ پنجاب تے اوہدے وسیب دے نال نال پنجاب دے وسنیکاں دادل وی دھڑکدا اے۔

سلیم کاشر دا کلام تتیاں چھانواں (نظمیں)، سرگی دا تارا (غزلاں)، ہوادی سولی (نظمیں) تے درداں دا کھڑیا موتیا (غزلاں) دے سرنا نویاں نال چھپ چکیا اے۔ 'ہوادی سولی' تے اوہناں نوں اکادمی ادبیات پاکستان ولوں انعام وی مل چکیا اے۔

اوہناں دی شاعری ساڈے اج دے دے انسان تے اوہدی حیاتی دیاں خوشیاں غمیاں دی شاعری اے۔ اپنی غزل وچ اوہناں نے تمثیل گوئی کولوں کم لیا اے۔ اوہناں نے کدی وی اپنے فن نوں فکر اُتے تے فکرنوں اپنے فن اُتے غلبہ حاصل کرن دی اجازت نہیں دتی۔ زبان دی چاشنی سلیم کاشر دی شاعری نوں ہور نکھارتے سنوار دیندی اے۔

غزل

اپنے گھر دی پھلواڑی وچ ہنجواں دے پھل لاکے دیکھ
رنگاں تے مہکاں دی دنیا موتیاں نال سجا کے دیکھ
مٹی اُتے بیٹھیاں ہویاں بندے نکلے لگدے نیں
اپنا آپ بچھان دے لئی میرے نیڑے آکے دیکھ
روڑے کھا کے پھل وٹن وچ کئی لذت ہوندی اے
میرے وانگوں سنگھنے رُکھ دا کدی تے روپ وٹا کے دیکھ
دوجیاں نوں رت مندڑا کہنا مرداں دا دستور نہیں
اپنیاں عملاں دی کھاری نوں اپنے سر تے چاء کے دیکھ
بوٹا لائیے تے مُڑا اوہدی سیوا وچ ای میوہ اے
ہور وی راکھی کراوے کملیا ہور وی رت پیا کے دیکھ
مُونہہ دا جتاں کوڑا وال میں دل دا اوناں مٹھا وال
فرصت ہووی تے میرے ول پیار دا ہتھ ودھا کے دیکھ
اگو مٹھڑے بول تے کاشر ساری عمراں وکيا اے
قسمت ساتھ دے جے تیرا نواں بھلیکھا پا کے دیکھ

(سرگی دا تارا)

ڈاکٹر رشید انور

ڈاکٹر رشید انور 7 ستمبر 1923ء نوں نوشہرہ پنوال ضلع امرتسر وچ پیدا ہوئے۔ والد داناں میاں کرم دین سندھوی۔ قیام پاکستان ویلے ایہہ خاندان ہجرت کر کے پاکستان آ گیا، میٹرک کرن توں بعد فوج وچ ملازم ہو گئے پر اوہ انگریز دی نوکری نوں پسند نہیں کر دے سن تے اوہناں نے ہومیو پیتھک دا امتحان پاس کیتا تے ڈاکٹر رشید انور دے ناں نال مشہور ہوئے۔

ڈاکٹر رشید انور نے شاعری توں کھ تحقیقی تے تنقیدی مضمون وی لکھے نیں۔ اوہ پاکستان رائٹرز گلڈ لاہور ریجن دے آفس سیکرٹری وی رہے۔ شاعری وچ اوہ مشتاق اسلام آبادی دے شاگرد رہے۔ ڈاکٹر رشید انور 19 جنوری 1989ء نوں وفات پا گئے۔

ڈاکٹر رشید انور دے شعری مجموعے وچ منزلاں، یاداں تے لمیاں اڈاریاں شامل نیں۔ پر ڈاکٹر صاحب دا بوہت سارا کلام تے تنقیدی مضموناں دے کئی مجموعے اُن چھپے نیں۔ اوہ سچے پاکستانی تے اُچے انسان سن۔ 1965ء دی پاک بھارت جنگ دا لکرا رن کچھ دے میدان وچ ہویا تے اوس معرکے دے حوالے نال ڈاکٹر رشید انور دا ایہہ نغمہ ایہناں نوں ادب دی دنیا وچ لازوال کر گیا:

ع جنگ کھیڈ نہیں ہوندی زنانیاں دی

ڈاکٹر رشید انور نوں سماج دی اجتماعی بے حسی تے بے اعتباری، طبقاتی ونڈ تے معاشی ناہمواری ورگے مضمون اپنی شاعری وچ سموئے۔

غزل

کہ دساں میں کبھی گلوں جتنی بازی ہار گیا

جیہوں منصف پایا اوہو مینوں چار گیا

لہو رنگا اوہ اتھرو جیہڑا پلکیں زوریں ڈ گیا سی

ڈگدا ڈگدا کئی سجناں دے پیار دا بھار اُتار گیا

نہر کنارے میلا لگیا لوکیں پچھدے پھر دے نیں

ڈبن والا کاغذ دی اک بیڑی کاہنوں تار گیا

تیری اکھ سہارا دیتا میریاں ٹٹیاں آساں نوں

تیرا اک دلاسا چٹاں میرا بتا سار گیا

کندھاں ات ہنیرے دیاں ڈھا کے وی میں قید رہیا

چن چڑھیا تے میرے گردے چانن کندھ اُسار گیا

اک اٹی توں پیار دا سودا ایتھوں کتھے لمھنا ایں

جدھر رُ گئے حسن بیوپاری اوہر اوہ بازار گیا

ایہو اک وڈیائی میری میں بُوہا کھڑکایا نہیں

وچ خیالیں بھاویں اوہدے بوہے لکھاں وار گیا

کوئی موت بہانہ یارو میری موت نوں ملیا نہ

مینوں اپنے اندروں اٹھدا ہويا ہوکا مار گیا

پرلے پار اڈیکن والے بزدل کہہ کے رُ گئے نیں

اُرلے کنڈھے آکھن لوکیں انور پرلے پار گیا

(یاداں)

منظور وزیر آبادی

منظور وزیر آبادی دا اصل ناں منظور الہی اے۔ اوہ 17 فروری 1936ء نوں ضلع گوجرانوالہ دی تحصیل وزیر آباد شہر وچ جناب فضل الہی دے گھر پیدا ہوئے۔ میٹرک گورنمنٹ ہائی سکول وزیر آباد توں پاس کیتا تے فیروز گاردی تلاش وچ لاہور آ گئے۔ ایہتھے اوہ نہراں دے محکمے وچ ملازم ہو گئے تے فیروز لاہور نوں ای اپنا مستقل رہائشی ٹکانا بنالیا۔ اوہناں نے پہلے اردو تے پنجابی فاضل کیتا۔ بی اے کرن توں بعد اردو تے پنجابی وچ ایم اے کیتا۔ اوہ سپرنٹنڈنٹ دے عہدے توں ریٹائرڈ ہوئے تے اک پرائیویٹ فرم وچ ملازم ہو گئے نال نال تصنیف تے تالیف دا سلسلہ جاری رکھیا تے 1990ء وچ اللہ نوں پیارے ہو گئے۔

اوہناں نے اردو تے پنجابی وچ شاعری کیتی۔ اوہناں نے غزل وی آکھی اے تے نظم وی۔ ہن تیکر پنجابی غزلاں دے تن مجموعے شائع ہو چکے نیں۔ ”ویلے ہتھ نیاں“ 1978ء نوں، غزلاں دا دو جا مجموعہ ”توں وی چن اچھال کوئی“ 1985ء وچ تے تیجا مجموعہ ”دکھ دا صدقہ جاری اے“ 1992ء نوں اوہناں دی وفات دے بعد چھپیا اے۔

منظور وزیر آبادی نے قافیے تے ردیف دے حوالے نال کئی تجربے کیے۔ کئی غزلاں وچ دوہرے دوہرے تے تہرے تہرے قافیے ورتے نیں۔ انج اک وکھرا اسلوب وجود وچ آیا۔ ایہدے نال سماجی تے طبقاتی کج دھرتے بے انصافی دا اک دکھ بھریا احساس وی منظور وزیر آبادی دی شاعری دا وصف اے۔

غزل

دھرتی توں اسماناں ولے توں وی چن اچھال کوئی
 دس دے دُنیا نوں جے رکھیں اپنے کول کمال کوئی
 تیرے تے افسوس اے مینوں ذہن تے جذبہ ہوندیاں وی
 اج تیکر توں چل نہیں سکيا اوہدے ورگی چال کوئی
 اہنوں لہمن دے لئی دردی میرے نال ٹرے
 کس نوں دساں اوہناں وچوں اج نہیں میرے نال کوئی
 جے کوئی وڈا تکیے راہ وچ متھالان دی سوچنے آں
 کترا کے لنگھن دی کریئے ویکھ لینے جے بال کوئی
 اپنی عادت پاروں ہو گئے اج تے نکراں تک محدود
 کس نوں کہیے آ کے ساڈا پیچھ دا نہیں ہُن حال کوئی
 خورے کاہنوں رنگ اڈیا اے پہلاں ای وسنیکاں دا
 ویکھ لواں گے جد آوے گا ساڈے ول بھچال کوئی
 اک پتھر منظور جے تیرا ہر دم کلمہ پڑھدا اے
 تیرے پیار خلوص دی جت اے تیرا نہیں کمال کوئی

(توں وی چن اچھال کوئی)

الطاف قریشی

الطاف قریشی 13 نومبر 1937ء نوں مظفر آباد آزاد کشمیر وچ پیدا ہوئے۔ آپ دے والد صاحب دانال احمد دین قریشی سی۔
الطاف قریشی بی اے دا امتحان پاس کرن توں بعد ریڈیو وچ پروگرام پروڈیوسر ہو گئے۔ بعد وچ پروگرام منیجر ہو گئے۔ ریڈیو دی ملازمت
دے دوران اوہ مختلف ریڈیو سٹیشناں اُتے خدمات انجام دیندے رہے۔ لاہور سٹیشن اُتے اوہ سنٹرل پروڈکشن یونٹ دے پروگرام منیجر سن۔
12 اگست 1980ء نوں دل دا دورہ پیا تے اوہ اپنے حقیقی خالق نال جاملے۔

الطاف قریشی دی مادری زبان بھانویں کشمیری سی پر پنجاب دے وکھ وکھ شہراں تے خاص طور تے لاہور رین دے دوران پنجابی زبان
نے اوہناں نوں بڑا متاثر کیتا۔ جس پاروں اوہناں نے پنجابی زبان نوں اپنے تخلیقی اظہار دا ذریعہ بنایا۔ کشمیر دے لوکاں دی غلامی، تباہی
معاشی بد حالی نے الطاف قریشی نوں بڑا حساس بنا دتا سی۔ ایہناں دکھاں درداں تے محرومیاں دیاں داستاناں نوں ای اوہناں نے اپنی
پنجابی شاعری دا موضوع بنایا۔

الطاف قریشی دا پنجابی شاعری دا اکوای مجموعہ ”اکھیاں دے پرچھاویں“ تے اُردو دا مجموعہ ”داتا زہر پلا“ دے ناں نال چھپ چکیا
اے۔ اوہناں دی پنجابی شاعری توں ایہہ احساس ہوندا اے کہ اک چنٹا بھری سوچ بار بار اُبھردی اے جیہڑی معاشرے دی بے بسی
دے حوالے نال پیدا ہو گئی اے۔ ایہو وجہ اے پئی انسانی جذبے تے معاشرتی قدراں دے بن تے ٹٹن دی گونج دی
”اکھیاں دے پرچھاویں“ وچ سنائی دیندی اے۔

ڈوگھے پانی

چپ چپ رہندے
گجھ نہ کہندے
چن اسمانوں تکدار ہندا
پھلاں وانگوں ہسدار ہندا
کدی کدائیں
لگ لگا کے
چھلی راتیں ڈبکی لا کے
سُتیاں لہراں نوں گل لا کے
روندر ہندا
ہسدر ہندا

کون دلا سے کس نوں دیندا

(اکھیاں دے پرچھاویں)

علی محمد ملوک

علی محمد ملوک دا اصل ناں علی محمد اے۔ ملوک تخلص اے۔ آپ 1935ء نوں ترن تارن (امر تسر) وچ جناب نواب دین دے گھر پیدا ہوئے۔ بڑھلی تعلیم اپنے محلے دے سکول توں حاصل کیتی۔ قیام پاکستان ویلے اوہ ستویں جماعت دے طالب علم سن۔ 1947ء وچ ایہہ خاندان ترن تارن توں ہجرت کر کے بورے والا وچ آکے آباد ہو گیا۔ ملوک ہوراں اپنے والد صاحب دے نال ریڈی میڈ کپڑیاں دی دکان بنائی تے اوہ ایسے کاروبار وچ مصروف رہے۔

نعت تے غزل اوہناں دے فن تے فکر دی خاص پہچان اے۔ ملوک ہوراں دا پہلا مجموعہ کلام ”مور مچلدا یاں سوچاں“ 1984ء وچ شائع ہو یا جس نوں رائٹرز گلڈ ولوں انعام دتا گیا۔ اگست 1994ء نوں دو جا مجموعہ ”ساہواں درد سمندر پینا“ شائع ہو یا۔ اوہ بورے والے دی علمی تے ادبی تنظیم لالہ اکیڈمی دے بنیادی رکن سن۔

مور مچلدا یاں سوچاں وچ مضافات دی تازگی، سادگی تے حسن شامل اے۔ ایس مجموعے وچ اوہناں نے اپنے آل دوالے بولی جان والی زبان ورتی اے جیہڑی جمالیاتی حوالے نال فن دے کمال نوں چھندی ہوئی محسوس ہوندی اے۔ جس پاروں علی محمد ملوک پنجابی دی نویں غزل وچ اپنے پہلے ای مجموعے نال اک معتبر ناں بن کے ساہنے آئے۔ 14 جنوری 2000ء وچ اللہ نوں پیارے ہو گئے۔

غزل

سوچ سمندر تردے عمر گزار لئی
دکھڑے جردے جردے عمر گزار لئی
اوہدی سانجھ تے پھر وی رہی اے غیراں نال
جس دا پانی بھر دے عمر گزار لئی
کالی رات دے مکھ توں کالک دھوون لئی
چانن کر دے کر دے عمر گزار لئی
ساہواں والی پونجی داء تے لاؤندے رہے
جیون بازی ہردے عمر گزار لئی
لوکاں نوں اپڑاؤندے رہے آں منزل تے
اپنی وچ سفر دے عمر گزار لئی
آیا نہ آرام نمانے زخماں نوں
مرہم دھردے دھردے عمر گزار لئی
رہ کے لکھاں دی گلی وچ اسیں ملوک
پالے ٹھردے ٹھردے عمر گزار لئی

(مور مچلدا یاں سوچاں)

اکرام مجید

اکرام مجید 2 ستمبر 1940ء نوں چوہدری عبدالجید دے گھر مقام گڑھا، جالندھر چھاؤنی (بھارت) وچ پیدا ہوئے۔ مڈھلی تعلیم عربی تے فارسی گھرتوں حاصل کیتی۔ بعد وچ اوہناں نوں سکول وچ داخل کرا دتا گیا۔ ایہہ خاندان 1947ء نوں قیام پاکستان ویلے جالندھروں ہجرت کر کے فیصل آباد آ کے آباد ہو گیا۔ اکرام مجید نے 1957ء نوں دسویں دا امتحان پاس کیتا۔ ایسے دوران اوہناں دے والد صاحب وفات پا گئے۔ ایس کارن تعلیم جاری نہ رکھ سکے تے سوت تے کپڑے دی تجارت وچ رُجھ گئے۔ اکرام مجید نوں علم تے فن دی دولت ورثے وچ ملی۔

پنجابی زبان وچ اوہناں دا پہلا مجموعہ ”تنے داروگ“ 1984ء تے دوجا مجموعہ ”نویاں زمیناں“ 1990ء وچ شائع ہويا۔ جس نوں کئی انعام تے ایوارڈ ملے۔ اکرام مجید جدید پنجابی غزل دے اک رجحان ساز شاعر نیں۔ نویاں زمیناں وچ اوہناں نے اینیاں بحراں ورتیاں نیں کہ گھٹ ای کسے اُردو یا پنجابی شاعراں نے ورتیاں ہون گیاں۔ اوہناں دیاں غزلاں غم جاناں دے قصیاں دی تھاں تے پنجاب دی مٹی دی واشتا‘ ایہتھے دے وسنیکاں دے ڈکھ درد، سدھراں، چاہ تے خوشیاں غمیاں دیاں مورتاں نیں۔

غزل

نویاں سوچاں جنڈری نوں شنکار دیاں
گھنڈاں کھولن ویلے دی رفتار دیاں
چنگے جذبے کھچ لیاون منزل نوں
سچیاں سدھراں، کدے نہ بازی ہار دیاں
لے چوڑے پنڈھ مکائے عقلاں نے
پل وچ خبراں ملن سمندر پار دیاں
ایس طراں وی ہو جاندا اے کدے کدے
دھپاں برقاں وانگوں سینہ ٹھار دیاں
شہراں اندر لوڑاں سپاں وانگ پھرن
گھر گھر دے وچ اپنا زہر کھلار دیاں
عملاں والا بھارتے کوئی چکدا نہیں
بٹھاں چھیڑی رکھدے نیں بیکار دیاں

(تنے داروگ)

فیروز دین شرف

فیروز دین شرف دا اصل ناں فیروز دین تے تخلص شرف سی۔ آپ پنڈت تولہ سنگل (راجہ سانی) امرتسر وچ میاں ویرود خان دے گھر 1901ء وچ پیدا ہوئے۔ والد صاحب ریلوے پولیس وچ ملازم سن۔ قیام پاکستان ویلے ہجرت کر کے لاہور آن وے۔ بابو شرف ہوراں نے ذاتی سطح اُتے فارسی، اردو تے پنجابی زبانوں وی پڑھیاں تے ایہناں زبانوں دی پرانی شاعری دا وی چنگی طراں مطالعہ کیتا۔ شاعری وچ اوہناں نے استاد محمد رمضان ہمدنوں اپنا استاد بنایا۔ اوہناں نے پہلی نظم 1911ء وچ لکھی سی تے اوہناں دا کلام مختلف اخباراں تے رسالیاں وچ چھپن لگ پیا۔

بابو فیروز دین شرف پہلاں پہلے روایتی شاعری کردے رہے پر چھیتی ای اوہ مقصدی شاعری ول پرت آئے تے اوہناں نے بڑیاں حقیقت پسندانہ نظماں لکھیاں جیہناں دی وجہ نال اوہ بوہت مشہور ہو گئے۔ پنجابی زبان تے ادب دے قدر دانوں نے اوہناں نوں پنجابی بلیبل دے خطاب نال نوازا۔ آپ 13 مارچ 1955ء نوں وفات پا گئے۔

اوہناں دیاں کتاباں وچوں سنہری کلیاں، نوری درشن، پریم ہلارے، جوگن شرف نشانی تے سی حرفی مزدور خاص طور تے ذکر دے قابل نیں۔ شرف ہوراں نے غزل بوہت گھٹ آکھی۔ اوہ بنیادی طور تے نظم تے گیت دے شاعر سن۔

میتاں

جے تو پنڈھ زندگی دا سوکھ نال کنٹا ایں
دنیا دے لوبھ والی موہڈیوں اتار گنڈھ
پلا پھڑیں اک دا جہان وچ گھٹ کے ٹوں
جے کھنے نال پیا ایویں نہ پیار گنڈھ
بھلا رب آسرے نوں جگ دی مٹھاجی کاہدی
سر اُتے چکدا نہیں گھوڑے اسوار گنڈھ
پیچ پیچ پلے بنھ کم سارے نیکیاں دے
شوم جویں رکھ دا ہے پسایں نوں مار گنڈھ
بھیت اک دوسرے دا لڑ کے بھی کھولینے نہ
دلاں وچ پوے بھانویں لکھ تے ہزار گنڈھ
لک تیرا توڑ دیسن واہو قیل صوفیاں ایہہ
وٹوں باہری چکی ہوئی کردی اے خوار گنڈھ
شرف تیری زندگی دا سٹانیک چاہیدا اے
سو ہتھ رسہ اوہدے سرے اُتے گنڈھ

(سنہری کلیاں)

جاوید نامہ چوں اقتباس دا پنجابی ترجمہ

تاریاں دا گیت

(از شریف گنجابی)

عقل حیاتی دا ہے سکا، عشق ہے رمز اس جگ دی
خاک پتے صدقے آویں، لانبھاں دی چھڈ گری
تیرے پیچھے چن ستارے گھنڈ کاں کھاندے رہندے
جلویاں دے وچ تیری اک نگاہوں گھو با کھڑبی
سجن دے راہ اندر جلوے سجرے ون سوئے
شوقاں سدھراں والا پڑھدا نہیں آلے دی ہتی

پنکرن دا ہے ناں زندگانی یاں مُرد صدق صفا دا
ازل ابد اک دڑکی تیری جیون ملک خدا دا

ہیبت ویکھ قلندر والی، شان سکندر والا
اوہ کلیسی جذبہ تے ایہہ جادو جادوگر دا
اوہ مارے تے اکھ نال مارے، ایہہ لشکر نال مارے
اوہ پیار سلوک تمامی، ایہہ لڑائی دھکا
دوویں دنیا جتن والے سدا حیاتی چاہندے
ڈاڈے دا ست ویہا سو ایہہ، اسدا بول رسیلا

لا سیٹ | قلندر والی بھن اسکندری ڈٹے
رم کلیسی تازہ کربے ٹونہ نہ ٹک سکے

(جاوید نامہ دا پنجابی ترجمہ)

اسیر عابد

اسیر عابد اصل ناں غلام رسول اسیراے تے اوہ علمی، ادبی تے تعلیمی حلقیاں وچ اسیر عابد دے ناں نال مشہور نیں۔ آپ 15 اپریل 1936ء نوں سیّد نگر ضلع گوجرانوالہ چوہدری مراد بخش دے گھر وچ پیدا ہوئے۔ اسیر نے پرائمری دا امتحان کوٹ بھاگا (گوجرانوالہ) تے میٹرک دا امتحان علی پور چٹھہ توں پاس کیتا۔ ایسے دوران فاضل ادبیات (اردو تے فارسی) دے امتحان پاس کیتے تے بعد وچ بی اے کر کے بی ایڈ کیتا تے کریمین انسٹی ٹیوٹ رائے ونڈ وچ اسلامیات دے استاد مقرر ہو گئے۔ فیر ایم اے اُردو دا امتحان پاس کر کے نومبر 1974ء وچ اُردو دے لیکچرار مقرر ہوئے۔ گورنمنٹ اسلامیہ کالج گوجرانوالہ توں ریٹائر ہو گئے نیں۔

اسیر عابد دا وڈا معرکہ ”دیوان غالب“ دا مکمل تے منظوم پنجابی ترجمہ اے۔ ایس توں اڈا اوہناں نے امام بوصیری رحمۃ اللہ علیہ دے مشہور قصیدے ”قصیدہ بردہ شریف“ دا منظوم پنجابی ترجمہ وی کیتا۔ ایسے طراں اوہناں نے حکیم الامت علامہ اقبال رحمۃ اللہ علیہ وی مشہور کتاب ”بال جبریل“ دا ”جبریل اڈاری“ دے عنوان نال منظوم پنجابی ترجمہ وی کیتا۔

اسیر عابد دے ترجمے علمی تے ادبی حوالے نال بڑے اہم، تے فنی اعتبار نال پختہ تے سوہنے نیں۔ اوہ خالص پنجابی محاورے تے ماحول نوں بڑے سوہنے انداز نال ترجمے وچ استعمال کردے نیں۔

غالب دی غزل دا پنجابی ترجمہ

(از اسیر عابد)

دسدے رہن جے دَس مینوں لگے بُوہے کندھاں
میرے اڈنے شوق دے کھمب نیں تیرے بُوہے کندھاں
ہنجواں دی واچھڑ مُوٹھہ گھر دا دوہے بنے لایا!
لوکو ہو گئے میرے کندھاں بُوہے بُوہے کندھاں
پرچھانویں نہیں ایہہ تے اوہدے آؤن دیاں خوشیاں نیں
جی آیاں نوں آکھن اگوں رُپے بُوہے کندھاں
کیمڑے دن میں رَج کے رُتا جد اُچی ساہ کڈھیا
نیویں ہو کے میرے پیڑیں ڈگے بُوہے کندھاں
تیرے باجھوں اکھ دا لکرا دسدے گھر دی وتوں
ہر ویلے روندے رہنے آں دیکھ کے بُوہے کندھاں

(دیوان غالب دا منظوم ترجمہ)

فرہنگ

اڑا گئے: کشتی داک داؤ، روک سہارا
 آپا: علاج کرنا، جتن کرنا
 اُسارنا: تعمیر کرنا
 آسیم: آنا، میں آیا، میں آواں
 اکھان: کہاوت
 آمر: مطلق العنان حاکم، ڈکٹیٹر
 آگ: گتے دے اوپر والا حصہ
 اگرست: زور والی
 استاکاری: کارگیری
 اندوہ: الم، دکھ، غم
 ایانا: نابالغ، نا سمجھ
 اوتے: انوکھے
 اسرار: راز، بھیت
 اُسارنا: جوان ہونا، ودھنا
 اترے: مونہ زور

ب

بوہڑ: اپڑ پٹنج
 برھوں (برھا): وچھوڑا، غم
 بٹا سارنا: مطلب پورا کرنا
 بنتی: درخواست، التجا
 بے وقتا: بے قابو
 بے وسواسا: بے یقینا
 بے وادیاں: اُجڑیاں، غیر آباد
 بے دوسا: بے قصور
 بدرو: گندی نالی
 بوڑما: گھیمو ملی شکر
 باگڑ: چرخے دے ڈھول جدے اُتے
 مائل ہوندا اے۔
 بھوگی: گزاری
 بھتا: روٹی
 بھال بھال کردی: اُجڑی، ویران
 بھڑولے: چھکو
 بھویں: پھری، واپس، پرلی
 بار: بھار، بوجھ، جنگل

پ

پر دار: خاندان
 پائیم: میں پایا، میں پاواں
 پنڈھ: سفر، فاصلہ
 پائمال: پیراں تھلے لتاڑیا
 پرتے: بھرے ہوئے
 پارکھ: پڑچول کرن والا
 پچھو کڑ: پس منظر
 پر بندھ: بندوبست
 پر چلت: جاری
 پدھری: ہموار، اکو جیہی
 پاتر: رکردار
 پرھیا: پنچائیت
 پنگرن: پٹھن
 پٹکل: اکاؤ کا مختلف
 متفرقات: وکھرا وکھرا
 ت: خواہش کرنا
 تاتگھے: شام دا ویلا
 ترکالا: اکڑیا ہویا
 تڑواں: ڈھیلے
 تودے: تانبا
 تراماں: گرم
 تت: لکڑی دے تنے نوں کھوکھلا کر
 تٹا: کے بنائی ہوئی بیڑی
 ٹ: زیورات

ج

جمل جہاں: سارا جہان
 جھوہ: علاقہ، حد، بتا
 جی: بندے
 جتن: کوشش
 جھلاں: برداشت کرنا
 جلیل القدر: اُچے مرتبے والا
 جھوک: پنڈ
 جھلیو نیں: روکیا اے

چ

چت: دل
 چشماں: اکھان
 چٹا: اک دا بھانپڑ
 چس: سواد، مڑا
 چوہرگے: چوہرے
 چتر کاری: فن کاری
 چھوپے: ڈیرے، من چھیاں
 چھویاں: کھلایاں، ٹوکے
 چھلیاں گیاں: دھوکہ کھایاں
 چھمک: پتلی، نرم ٹہنی

ح

حلقہ اُدارت: من والیاں دا گروہ
 خ: خضماں: سر پرستی کرنا
 خوسیں: چاہت
 خلقیں: اوس نے بنایا

د

دھڑ: دھڑ
 دتھچے: بتائے
 داج و ہونی: بغیر داج دے
 دھوا کھیا: دھواں لکھیا، کالا، سیاہ
 داخ: انگوراں دا کچھا
 دُنی: دنیاوی
 دتھج: دتے
 دھرگ: پھٹکار
 دھرو: ظلم

ڈ

ڈٹھیاں: ویکھیاں
 ڈنگیائی: ٹیڑھی
 ڈھیندے: ڈگدے

ر

رشد: راشن، ذخیرہ
 رت: خون
 رُٹا: رویا
 راکب: مزارع

تحقیق:	کھوج	کاٹھ:	کڑ	منبر:	مسیت دی اودھ تھاں جتھے مولوی
رہتل:	رہن سہن دا طریقہ	کوڑا:	چھوٹا	بہہ کے واعظ کردا اے	
رجھادیں:	مناویں، خوشی کریں	کولا:	اُلٹا، اوکھا	چرخے دادھا گا جیدے نال چرخہ	ماہل:
روم روم:	وال وال	ککرا:	اکھ دیاں پوٹیاں والال حصہ،	چلدا اے	
رجھوئیں:	راجا	ککھ:	اکھاں دی بیماری	شاہت، موٹہہ متھا	مہاندر:
	س	ککھ:	پیٹ	تسخریاں، مذاق	مشکریاں:
سولاں:	کنڈے	کاڈھاں کڈھنا:	کھوج لانا	رُحجان	مہاڑ:
سادھاں:	درویش	کارنے:	کم، کارنامے	مردے ساڑن دی تھاں	مسان:
سج صباہیں:	شام سویرے	کنک:	لنگر، فوج	قلمی کتاباں، نسخے	مخطوطے:
سادے:	ہرے، سبز	گرنگ:	پنجر	سورخ	مگھار:
ستکارن:	تعریف کرنا	کینڈے:	کس دے	گل داکینٹھا	میکھلا:
سٹکھنا:	سوہنا، صاف	کھنڈکاں:	گرمی کھانا	زمین داودھ حصہ جیہدے وچ	میرے:
سمرن:	یاد کرنا	کھو باکھو دی:	لڑنا جھگڑنا	اُدھی ریت اُدھی مٹی ہوندے	
سج:	سٹھی ہونا، گلی	کھمب:	پ	اے، زمین دی قسم	
سٹوپ:	بدھ مذہب دی عبادت گاہ	کھاری:	ٹوکری	ن	
سوپارا:	برکت والا	کھنڈی:	جیہڑی ٹیکھی نہ ہووے	اتھرو، بنجو	نیر:
سیس:	دُعا	کھنڈا:	کھلدا	عاجز، مسکین	نہانی:
سم:	سوں کے	گوئی:	باندی، نوکرانی	عزت، قدر، وقار	نام نمود:
سُوہ:	کھوج، پتالگانا	گنڈھیں:	شادی پئی کرنا	بے شرم، جس نوں لاج نہیں	طہجی:
	ش	گن:	خوبی	ندی، نہر	تیس:
شوہ:	محبوب، خاوند	گالے:	پراگے	پیار، محبت	نیوٹہہ:
شوم:	کنجوس	گھت:	ڈالنا	اصولن نیڑے	کُٹن اُترب:
شیمنا:	شیراں، شیر	گھسٹیا:	ہلکا، مثیلا، دُھندلا	و	
	ص	گوہ:	غور	پھر، فیر	وَت:
صُفہ:	چوترا	گھٹی:	روٹی	اگوانا، میں گنوايا	ونچایم:
	ع	ل		میںدی بوچھاڑ	واچھڑ:
عشوہ:	ناز، نخرہ	لانجھاں:	آلے دوالے	توحید دی فلسفیانہ تشریح کہ اللہ	وحدت الوجود:
عین عیاں:	بالکل ظاہر	لیکھا:	رقم دا حساب	دی ذات ای موجود ہے	
عرشاں:	لکھتاں، درخواستاں	لُوہندیاں:	ساڑیاں	توحید دی فلسفیانہ تشریح کہ اللہ دی	وحدت الہشود:
	غ	لیکاں:	الزام، جھتاں	ذات دا مشاہدہ کیتا جاسکدا اے	
غُرپ:	ہضم	لدھا:	پالیا، لہجہ گیا	بھلنا	وسرنا:
	ف	منڈپ:	چوترا، سٹیج	جنگل دا اک رُکھ	ون:
فیکون:	بس ہو گیا	ماڑیاں:	حویلیاں	بیوپاری	ونجارے:
فیل صوفیاں:	فلسفہ دانی	مول:	بالکل	خوش، غمی دے موقع تے ورتارا	ورتن بھاجی:
	ق	محراب:	متھے دانٹان، امام دے کھلون	کک وڈھن والے	واڈھے:
قلموت:	جسم، جُستہ	دی تھاں		وجود	ہوند:
	ک			بکویاں کول:	اکناں کول:
کائی:	کائی				

اسم تصغیر بنان دا طریقہ

پنجابی وچ اسم تصغیر دو مقصد ادا کرن لئی بنایا جاندا اے۔ اک تے ’کے‘ دے معنی لئی تے دو جالا ڈیپار واسطے ایہدے وچ دو معروف طریقے نیں۔

1- لفظ دے آخر وچ ’ڑا یا ’ڑی‘ دا وادھا کردتا جاندا اے مثلاً

پچھ	بچڑا	ڈکھ	ڈکھڑا
کھ	کھڑا	صندوق	صندوقڑی
بچی	بچڑی	دیگ	دیگڑی

2- کجھ لفظاں دے آخر وچوں الف اڈا کے ’کا‘ دا وادھا کردتا جاندا اے

مثلاً	ڈنڈا	ڈنڈکا
-------	------	-------

لفظ بنان دا طریقہ

کسے نوں پکارن یا بلان لئی اسم مذکر دے آخر وچ ’یا‘ وادھا کردتا جاندا اے۔

مثلاً	بشیر	بشیریا	سوہنا	سوہنیا
	کچا	کچیا	بھیرا	بھیریا

جے اسم مؤنث ہووے تے اوہدے آخر وچ ’یا‘ نہیں سگوں (یے) دا وادھا کیتا جاندا اے جو یں:

واری	واریے	سوئی	سوئیے
------	-------	------	-------

بعض ویلے لفظ نندا توں پہلے مذکر لئی ’اے‘ اوئے‘ وے تے مؤنث لئی ’اے‘ ’نی‘ دے لفظ وی ورتے جاندے نیں جو یں:

وے بشیریا	اوئے سوہنیا	نی داریے وغیرہ
-----------	-------------	----------------

حاصل مصدر بنان دا طریقہ

مصدر نوں حاصل مصدر بنان لئی پنجابی وچ کئی طریقے ورتے جاندے نیں۔

1- مصدر دے آخر توں ’نا‘ ہٹا دتا جاوے مثال دے طور تے:

چمکنا	چمک	جتنا	جت
کھیڈنا	کھیڈ	لٹنا	لٹ

2- مصدر وچوں صرف ’ن‘ غائب کردتا جاوے مثال دے طور تے:

جھگڑنا	جھگڑا	ترفنا	ترفنا
--------	-------	-------	-------

3- مصدر دا 'نا' ہٹا کے 'ائی' دا اضافہ کردتا جاوے:

لکھنا	لکھائی	پڑھنا	پڑھائی
ودھنا	ودھائی	دھونا	دھوائی

4- مصدر دا 'نا' ہٹا کے 'ت' لگا دینا تال:

چلنا	چلت	چڑھنا	چڑھت
لکھنا	لکھت	پڑھنا	پڑھت

5- مصدر دا 'نا' کے 'اوٹ' دا وادھا وی کیتا جاندا اے مثال دے طور تے:

بنا	بناوٹ	بجنا	بجھاوٹ
-----	-------	------	--------

6- صفت دے اگے 'ن' دا وادھا یاں مصدر دا 'نا' ہٹا کے 'ان' دا وادھا مثلاً:

اچانا	اچان	بنانا	بنان
ودھانا	ودھان	اٹھانا	اٹھان

اکو جیہے لفظاں وچ زیر زیر تے پیش نال معنیاں دا فرق:

دو جیاں زبانوں دی طراں پنجابی وچ وی اعراب دے بدلن نال لفظاں دے معنی بدل جانداں نیں مثلاً:

ٹل	گھنٹہ	بھجدا	ندے
ٹیل	زور	بھجدا	گلے ہوندے
ٹل	ٹٹکا	بھجدا	سڑدے

رِنا	وِنا	پِنا	اُکھاڑنا
------	------	------	----------

رِنا	وِگنا، سِمنّا	پِنا	برہاد ہونا
------	---------------	------	------------

رِنا	ناراض ہونا	پِنا	ماتم کرنا
------	------------	------	-----------

گل	مشین	مِل	رگڑ (فعل امر)
----	------	-----	---------------

کِل	پھمّنی	مِل	ملاقات کر
-----	--------	-----	-----------

مُل	سارا	مُل	قیمت
-----	------	-----	------

گِرن	گنتی کر	لُون	سلونا
------	---------	------	-------

گِرن	وصف	لُون	نمک
------	-----	------	-----

امتحانی پرچیاں دی تدوین لئی سفارشات

(ب) بارھویں جماعت لئی

نثر ----- 40 نمبر	(مضمون = 30 نمبر + مرکزی خیال = 10 نمبر)
نظم ----- 30 نمبر	(شاعراں دے ناں نال شعراں دی تشریح)
15 نمبر	ادبی اصناف + قواعد (الفاظ سازی)
15 نمبر	(اصناف ادب - 10 نمبر، قواعد - 5 نمبر)
15 نمبر	شاعراں دی حیاتی تے فن
کل نمبر 100	

مطالعے لئی کتاباں

1-	ابیات سلطان باہو رحمۃ اللہ علیہ	مرتبہ: سلطان الطاف علی
2-	احسن القصص	مولوی غلام رسول عالمپوری
3-	اکلاپے داماسفر	عارف عبدالمبین
4-	بول فرید رحمۃ اللہ علیہ	مرتبہ: ڈاکٹر فقیر محمد فقیر
5-	تصوف تے پنجابی دے صوفی شاعر	ڈاکٹر سرفراز حسین قاضی (مرحوم)
6-	پنجاب دے لوک گیت	مرتبہ: مقصود ناصر چوہدری
7-	پنجابی ادب دی کہانی	عبد الغفور قریشی
8-	پنجابی لوک گیتاں دافنی تجزیہ	ڈاکٹر سرفراز حسین قاضی (مرحوم)
9-	پکٹی روٹی	مرتبہ: ڈاکٹر شہباز ملک
10-	مطالعہ غلام رسول عالمپوری	ڈاکٹر محمد بشیر گورایا
11-	پنجابی ادب دا ارتقاء	ڈاکٹر انعام الحق جاوید
12-	نوک پلک	ڈاکٹر اسلم رانا (مرحوم)

جینے کا حق

میراثہ



حیات

حیات کا لفظ بہت اہمیت کا حامل ہے کیونکہ یہ انسانی وجود کے ہر پہلو کا احاطہ کرتا ہے۔ اس لفظ کا مطلب صرف نباتاتی یا حیواناتی حیات نہیں ہے اور نہ ہی اسے اس حد تک یا محض استحقاقِ اجل سے وفات تک کے درمیانی عرصے تک محدود کیا جاسکتا ہے بلکہ لفظ حیات میں درحقیقت وہ تمام بنیادی سہولتیں اور آسائشیں بھی شامل ہوتی ہیں جو ایک آزاد ملک میں پیدا ہونے والے فرد کو ملنے لگے کے ساتھ قانونی اور آئینی طور پر حاصل ہوتی ہیں۔

(شہلا نیپام نامہ اپنی پالیسی، اپریل 1994ء، پیریمکورٹ۔ 396)



قرآن

جس نے کسی انسان کو خون کے بدلے یا زمین میں فساد پھیلانے کے سوا کسی اور وجہ سے قتل کیا اس نے گویا تمام انسانوں کو قتل کیا اور جس نے کسی کی جان بچائی تو گویا اس نے تمام انسانوں کو زندگی بخش دی۔

(سورۃ المائدہ آیت 32)



بنیادی حقوق



کسی شخص کو زندگی یا آزادی سے محروم نہیں کیا جائے گا سوائے اس کے قانون اس کی اجازت دے۔

(آرٹیکل 9)



لوگوں کا راخون (جانیں) اور تمہارے اموال قیامت تک ایک دوسرے پر حرام ہیں۔ جو شخص معاذ کے تحت امان میں آنے والے کسی شخص کو قتل کرے گا وہ جنت کی خوشبو تک نہیں سونگھ سکے گا۔

(مختصر تفسیر کا آئینی حلقہ)



آئین پاکستان کی تمہید:

جمہوریت، آزادی، مساوات، رواداری اور معاشرتی انصاف کے اصولوں پر جس طرح اسلام نے ان کی تشریح کی ہے، پوری طرح عمل کیا جائے گا۔

بنیادی حقوق کی ضمانت دی جائے گی جن میں حیثیت اور مواقع میں مساوات، قانون کی نظر میں برابری، معاشرتی، معاشی اور سیاسی انصاف شامل ہیں۔



Law & Justice Commission
(Punjab)



عام لوگوں کے معاشرتی اور معاشی حالات میں بہتری لانا۔ آرٹیکل 38

ریاست

ریاست ان تمام شعبوں کے لیے جو کمزوری، بیماری یا بے روزگاری کے باعث مستقل یا عارضی طور پر اپنی روزی کمانے کے اہل نہ ہوں، بلا لحاظ جنس، ذات، مذہب یا نسل بنیادی ضروریات زندگی جیسے خوراک، لباس، رہائش، تعلیم اور طبی سہولتیں مہیا کرے گی۔

پنجاب کریکولم اینڈ ٹیکسٹ بک بورڈ منظور شدہ نصاب کے مطابق معیاری اور سستی کتب مہیا کرتا ہے۔ اگر ان کتب میں کوئی تصور وضاحت طلب ہو، متن اور املا وغیرہ میں کوئی غلطی ہو تو گزارش ہے کہ اپنی آرا سے آگاہ فرمائیں۔ ادارہ آپ کا شکریہ گزار ہو گا۔

مینجنگ ڈائریکٹر

پنجاب کریکولم اینڈ ٹیکسٹ بک بورڈ

21-ای-II، گلبرگ-III، لاہور۔



فون: 042-99230679

ای میل: info@pctb.punjab.gov.pk

ویب سائٹ: www.pctb.punjab.gov.pk

فون نمبر:

ای میل:

ویب سائٹ:



پنجاب کریکولم اینڈ ٹیکسٹ بک بورڈ، لاہور